

類紙聞新之券立包總爲認號掛准特政郵華中

周國 報聞

期五十第 卷七第

版出日壹拾貳月肆年玖拾國民華中


版再日十月五年九十國民華中

屆四第
會動運國全
紀詳
(下)

KUOWEN WEEKLY

Vol. VII. No. 15. Edition Second

全運會寫真



大會職員賽跑時攝影中立者爲會長戴傳賢



大會副會長何應欽夫婦到會參觀後立者爲林森


全運會寫真

圖爲十項
第一曹裕
擲鉛球之
姿勢右角
爲五項第
一二名郝
春德(右)
王季清
(左)






(上) 全體指導員



(下) 全體網球選手

隊 港 香 之 標 錦 泳 游 得 獲



女子二

百米接

力賽、粵

劉有慶


(右)哈

孫桂雲

(左)同


抵終點

情形、







手選女粵之勝優力接米百二



形情賽比球籃子男



隊 港 香 之 標 錦 球 棒 得 獲 部 一 之 品 獎 會 大



標 之 廣 東 隊



獲 得 排 球 錦





天 津 男 子 足 球 隊



上 海 女 子 籃 球 隊



國聞週報

第七卷 第十五期目錄
民國十九年四月廿一日出版

插圖

全國運動會寫真二幅

第四屆全國運動大會(下)

記者

蘇維埃聯邦之實相(上)

讀秋樓主人譯

倫敦五國海軍會議紀事

歷樵

中國逐漸采行金本位幣制法草案

一週間國內外大事述評

雲北化生

國內一週大事日記

記者

靜嘉堂文庫觀書記

傅增湘

采風錄

國風社選

凌霄一士隨筆



論評選輯

全國運動會閉幕

天津大公報

清黨之回顧

天津大公報

以黨馭軍論

天津大公報

黨務問題解決之難點

天津大公報

全國教育會議開會

天津大公報

改革幣制案

上海時事新報

再論改革幣制案

上海時事新報

附錄

民法第三編 物權

小說

愛的收穫

隋樹森

時人彙誌 (陳立廷)



第四屆全國運動大會(下)

記者

自第八屆遠東運動會。吾國遭空前之失敗後。全國健兒。臥薪嘗膽。已非一日。過去一二年間。各省市單獨或聯合舉行之運動會。幾無月無之。其尤盛者。如去年之華北運動會。及華北球類比賽等。均極一時之盛。此次第四屆全國運動大會。經數月之籌備。舉行於山明水秀風物和煦之西子湖邊。集十四省七特別市并華僑選手於一場。各顯身手。其規模之大。參加之盛。視歷屆在華舉行之遠東大會。或尤過之。爰將籌備經過。舉行盛況。編為專冊。以供愛好運動諸君之人手一篇。

田徑賽於第四日結束。繼以全能於第五日開始。游泳原定六日開始。後因事延至七日。八日天雨。各項運動停止。延緩一日。是以原定十日舉行之閉幕式。亦延至十一日舉行。計大會十日內精神始終甚佳。惟因裁判員態度略引起若干糾紛。好在於大會全體。不能認為遺憾。男子錦標原定八項。此次比賽結果。滬得全能及足球錦標。港得游泳及棒球錦標。粵得排球網球錦標。津得籃球錦標。遼得田徑賽錦標。滬港粵均得兩錦標。照普通規例。兩隊得錦標數相同者。則總錦標歸田徑賽勝利之一隊。惟此次滬粵港三隊中。均無得田徑賽錦標者。是以總錦標由三隊分得。餘津遼則並得第四。女子則粵得排球及平分田徑賽錦標。得總錦標。平得籃球錦標。津得網球錦標。哈得田徑賽錦標。除田徑賽及開會前四日情形已分誌上篇外。茲將第五日後各項盛況及全能游泳及球賽分別彙誌如下。

第五日

大會第五日。天氣放晴。春意濃郁。又為舊節清明。是以觀衆較往日為多。節目中全能運動。有十一項之多。類均係次賽。故各場看座。均無隙地。每當各場競賽激烈之時。拍掌喝好。歡聲雷動。而田徑賽昨日又為結束之日。各運動員均精神百倍。尤以各球場戰鬪最烈。

大會秩序。連日加以整頓。故愈見慎密。各出口。仍由軍警邏守。會場外之四週馬路。亦由公安局警察。指揮交通。維持秩序。場內各運動場。由鹽務中學第一團黨童子軍負責維持。並會同市立病院。司救護之責。各場秩序得以井然。

大會交通。除各處可以人力車直達外。城站新市場兩處。並由公路局特放專車。以載乘客。費用均甚經濟。自城站至大會。僅需洋角半。新市場至大會一角。每十分鐘開行一次。每次往返。乘客滿座。蓋以穩快便捷。故超之若鶩也。

是日有多項決賽。故觀衆異常踴躍。各場售券處售券數計(一)徑賽場三千一百五十三張。五千零九十二角(二)足球場七百九十五張。一千五百九十角(三)籃球場一千四百八十四張。二千九百六十八角。網球場七十二張。一百四十四角(五)總門券六十五張。一百三十元。共售券五千五百六十九張。計合大洋九百四十六元一角。

美國駐滬領事何思敦氏。偕夫人公子等四人由滬來杭。參觀大會。午間赴市長周象賢之宴會。即乘周市長之自備汽車赴會。由大會職員吳健英君接待。導入田徑賽場。觀察一週。乃相偕登司令台。何氏對大會一切設施。頗加贊美云。

第六日

大會第六日。爲星期日。天氣晴和。各項運動。均多決賽。故來賓觀衆。均於清晨來會參觀。會場看台。早告客滿。而會場四週。插足佇觀者。達數萬人。全場空氣。熱烈異常。而各場觀衆之掌聲盈耳。與喝彩頻聞。足予各運動員以精神奮發。

大會此次聘請上海明星公司來會。拍攝各項運動影片。並隨時赴滬趕製拷貝。業已多數攝成。於是日晚間。在民衆教育館放映。各運動員龍騰虎躍之英姿。將一一獻諸銀幕矣。

大會本定今日在之江大學舉行游泳比賽。嗣因天氣不宜。改於七日舉行。關於游泳職員。均已聘定。總裁判爲周象賢。並請之江大學校長李培恩爲總糾察。參加比賽之運動員。共一百十八名。

第七日

大會自開幕以來。連日各項運動。熱烈異常。逐日參觀人數。每場皆滿。大會期內杭州各商肆。亦營業激增。獲利倍蓰。尤以交通旅舍。飲食舖及杭州特產之商肆。得利最鉅。汽車人力車。有應接不暇之勢。是日球類均爲決賽。且有衛樂園表演自由車競賽。

及湖北浙江國術館國術表演。故來會參觀者更甚擁擠。會長戴季陶。副會長張謇。江何應欽。籌備主任朱家驊。副主任周象賢。暨總幹事馬異等。均在會場主持一切。林森亦來杭參觀。至七日開始比賽之游泳。在之江大學舉行。由公路局特放專車。以載運動員及職員。觀衆亦滿坑滿谷。自大會開幕以來。盛況以此日爲最。

本日先後到會參觀者有(一)中央大學十二人(二)中大體育科十八人(三)蘇州成烈大學十五人(四)成都大學十九人(五)遼寧通化教育團五人(六)湖南第一女職校八人(七)嘉定奎山中學十人(八)上海中學童子軍六十人(九)南京東方公學三十六人(十)金陵女中大學二十人(十一)復旦中學二十人(十二)同濟大學廿人(十三)勞動大學十五人(十四)復旦大學一百廿六人(十五)五卅公學一百二十五人(十六)遼寧教導團十四人(十七)浙省市各學校團體機關約一萬九千餘人。

田徑賽場已無比賽。故由上海衛樂園自由車。湖北浙江兩省國術館國術表演。參加團體表演。中山職校黨童子軍。表演操法。故看座觀衆。至下午一時許。已坐無隙地。衛樂園自由車之速率。風馳電掣。堪嘆觀止。而湖北國術館之國術表演。如生龍活虎。已達爐火純清之候。至浙江省國術館之民衆教練班之青年班成年班婦女班成立未久。成績已屬可觀。昨日表演之潭腿形意拳太極拳。亦博得觀衆十分贊美。

第八日

本日因天大雨。會內各比賽場。水積成潦。乃由競賽股通告。各項比賽停止一日。原定之各項秩序。均改選一日舉行。

第九日

上午小雨霏霏。至午後天轉晴明。各項比賽。得以次第舉行。而規定上午比賽之男女網球。乃於雨絲風片中行之。參觀者。爲本省市各學校團體二萬餘人。來賓購券參觀者亦數萬人。各項球類比賽。有足球排球兩項。已經決賽。排籃球均爲複賽。勁敵相遇。精神倍加。各場看台。早經座滿。四週觀者如堵。其盛況頗有足觀。下午七時。浙江省黨部及浙江省政府。特假座西湖博覽會大禮堂。舉行歡迎全國運動大會選手大會。到各省選手及來賓約七千餘人。濟濟一堂。頗稱熱鬧。蔡子民蔣夢麟等相繼演說。繼以攝影並遊藝娛樂。由省府主席張靜江主席。朱家驊代表。均有重要演說。於各選手稱致無窮之期望。並爲杭市各小學之表演。電影爲國產鉅片一脚踢出去。並備有各種物品。及杭地特產。分贈各選手。

第十日

今日爲大會之第十天。亦即各項運動比賽終了之日。決賽項目有男女籃球網球排球暨游泳等。除一部觀衆咸往江干之江大學參觀游泳。而多數來賓。暨參觀團體。仍廣集於各球場。看台上。甚擁擠。自上午九時起。至比賽終了止。始終空氣熱烈。蓋各項球類之比賽。俱係精華表演。大有神出鬼沒之概。精彩異常。觀衆之鼓掌。響若雷動。加以氣候融和。天公做美。觀客倍增興趣。蓋大會開會以來。以本日天時爲最溫和適宜也。各種競賽既告結束。每項運動錦標。均已決定。大會於此短時期中。能照規定秩序。便全國選手之比賽完成。亦至佳精神之表現也。預定十一日下午一時舉行閉幕。並給獎典禮。當更有一番隆重儀式也。茲將本日各項詳情分誌如此。

前兩日。因決賽表演。觀衆擁擠異常。各球場均無插足之地。大會爲維持秩序起見。除每場派有黨童子軍站立場內外協同軍警維持。並因人

數衆多。難免發生爭執之事。誠恐原有軍警或有不及之處。並臨時組有軍警聯合稽查處。此外如遇糾紛事故。當由場內軍警將肇事人帶至糾察處勸導或戒。以免擾害公衆之秩序。

本日各場售券報告如下。一足球場一千二百五十七張。售洋二千五百十四角。二籃球場二千零八張。售洋四千二百三十八角。三網球場一百七十八張。售洋三百五十六角。四游泳場六十五張。售洋六十五角。五棒球場七十六張。七十六角。六總門券二張。售洋四元。共售券三千五百九十六張。共合大洋六百零七元九角。

參觀團體。有一江蘇南善旅行團十五人。二勞動大學經濟系二十五人。三遼寧教育團十四人。四中央大學系十四人。五中央藝術學校十四人。六中央政治學校四百五十人。七南洋醫院十五人。八安徽四中二十人。九本省市各學校團體機關等約一萬人。

閉幕盛況

大會於十一日下午二時行閉幕禮。會長戴傳賢張靜江等。原定十日離杭赴寧。臨時亦留杭參加。餘蔣夢麟朱家驊周象賢等均到會。因事先未發通知請柬。故來賓僅到三百餘人。職員及男女選手約一千數百人。聚集田徑賽場。首由戴傳賢主席。敬閉幕辭。盛譽大會精神甚好。希望此精神永久保存。而於明年在京舉行之全國運動會中。益發揚光大云云。次籌備副主任報告。獎品各方捐集及由籌備會購製者共一千數百件。除團體及一部分個人者在會場發給外。餘爲省節時間。計由獎品部會後分送。會後將出一特刊。詳載大會經過盛況及獎品種類確數云。給獎秩序。首女子總錦標各項標錦。哈粵平津先後領取。次男子錦標。總錦標有粵滬港三份大會。僅備其一。餘赴滬趕製。當經抽籤先後其一。爲粵抽得。次津遼分領田徑

籃球錦標。台下鼓掌不已。五時許禮成。當晚一部分選手即離杭赴滬。滬教育局等二十餘團體十三日午在中共大食堂開歡迎選手過滬大會。陳德徵主席王景歧等均有演講。盛極一時。

(二) 全能運動

全能運動計十項五項千六百米及八百米接力四項。十項五項。此次成績均不甚佳。因此中老將金岩尹高屏等均已退落而執教鞭。其後起者。有東北之張齡佳蕭鼎華。張去年在華北運動會有極佳之表現。此次本極有希望。乃後半部高欄因倒三欄而除分。蕭屈居第二。馮曹裕得第一。五項滬郝春德王季淮分得第一二。八百米接力決賽時。與賽者共計天津。廣東。遼寧。上海。湖北。東特。浙江等隊。希望以遼寧。上海。天津。廣東為最大。結果天津得第一。廣東得第二。遼寧第三。上海屈居第四。茲將昨日決賽詳情分誌於後。優勝隊四隊。陣線如下。天津隊第一跑周恩德。第二跑范士奎。第三跑王玉祥。周兆元殿軍。廣東隊第一跑麥國珍。第二跑劉澄。第三跑劉雲樵。梁景平殿軍。遼寧隊第一跑王玄基。第二跑蔡茅圃。第三跑滕瑞麟。劉長春殿軍。上海隊第一跑郝春德。第二跑王季淮。第三跑董家燮。鍾連基殿軍。粵隊佔先槍聲起處。各隊健兒拚命衝進。出發時天津周恩德最先。上海郝春德第二。廣東麥國珍第三。至一百四五十米時。廣東麥國珍竟追出上海天津。奪得首席。至終點時。第一廣東。第二天天津。第三上海。相距均不甚遠。而遼寧則落在第六。第二人及第三人接跑後。各隊地位均無若何變更。則廣東第一。天津第二。上海第三。遼寧則六。至最後一人接跑時。為決賽精華所在。各隊選手如劉長春。鍾連基。周兆元等。均一時短跑健將。故奮闢特別賣力。天津周

兆元竟在最後百米程途中。追出廣東梁景平。時劉長春亦努力追赶。至一百二十米左右。已與第二上海隊鍾連基相距不滿一米。達終點後。劉咬緊牙關。竟超過鍾連基一米。獲第三位置。天津第一。廣東第二。上海第四。成績一分四八秒五二。千六百米接力。因劉長春之努力。又造成全國新紀錄。茲錄比賽詳情如下。二時千六百米替換跑決賽。與賽者僅上海遼寧湖南東特四隊。天津北平廣東浙江各隊。均未出場。天津隊因連日運動過疲。且預備參加今日之八百米替換賽。故未加入。觀衆最注目者。為上海遼寧二隊。蓋實力相等。究不知鹿死誰手也。滬隊陣線以朱瑞洪跑第一圈。何德寶跑第二圈。蘇祖卿跑第三圈。王建吾殿軍。遼隊陣線以蔡芳圃跑第一。龐世榮跑第二。鄧大奎第三。短跑怪傑劉長春殿軍。鎗聲起處。遼寧蔡芳圃健步衝出。領導前進。上海朱瑞洪第二。東特第三。湖南第四。至半圈時。朱瑞洪追趕甚力。與蔡相距約一米。至三百米時。朱蔡已並駕齊驅。最後朱竟獲第一。遼蔡第二。相距約數步。東特仍第三。湖南第四。第二圈中。滬隊何德寶努力衝跑。遼隊龐世榮緊緊相隨。二人均能維持固有位置。但至最后之半圈中。何德寶較龐稍優。第一第二距離。已有三米之隔。東特第三。湖南第四。至第三圈時。滬隊蘇祖卿益為奮勇。遼隊鄧大奎亦不示弱。拚命相追。卒以接棒時。滬隊較速。至是相距更遠。達終點時。第一第二相距約五米。均以爲滬隊之得冠軍。毫無疑義。遼寧雖狠。莫可染指矣。不料結果。殊出人意料者。

第四圈中。滬隊王健吾知勁敵在後。非特別努力。不足以竟全功。奮闖殊力。但遼隊殿軍怪傑劉長春。持棒猛進。疾如奔馬。跑至二百米時。相距僅三米。跑至三百米。滬遼已相並。三百二十米時。完全追出。一片鼓掌聲震動耳鼓。至終點時。劉長春與王健吾相距約三米。造成三分四十二秒五分四之新紀錄。(按全國紀錄為三分四十五秒五分之二)遼隊之獲冠軍者。完全怪傑之力。非怪傑亦不能超出王健吾之七八米也。時湖南亦追出東特得第三。東特第四。

全能運動結果。滬以三十六分奪得冠軍。第二遼寧。總二十分。第三天津。總十四分。第四廣東。總十分。第五湖南。總四分。第六北平。東特各二分。全能運動中。遼寧本有希望。且十項前半部。張齡佳以五零五分佔第一位。置不料於高欄一項。竟因倒三欄。得零分。否則定有相當位置。滬隊曹裕

【附】五項成績表

單位	五項運動	十項運動	八百米接力	一千六百米接力	總分	名次
上海	十六	十二	二分	六分	三六	第一
遼寧	〇分	六分	四分	十分	二十	第二
天津	〇分	四分	十分	〇分	十四	第三
廣東	四分	〇分	六分	〇分	十分	第四
湖南	〇分	〇分	〇分	四分	四分	第五
北平	二分	〇分	〇分	〇分	二分	第六
東特	〇分	〇分	〇分	二分	二分	第七

之獲勝。應歸功於撐竿跳。成績為三米三八。較大會成績為佳。至津隊因人才平均。且均能特別奮闖。得獲八百米接力冠軍。各單位總分如下。

	跳高成績	分數	遠標成績	分數	鉛球成績	分數	二百米成績	分數	鐵餅成績	分數	餅干成績	分數	五千成績	分數	一百米成績	分數	總分
郝春德(滬)	六·一三	六〇〇	三九·六八	三九·四	二四·八	四八·九	二六·五九	三七·七	五、二八	二八〇	二一三八						
王季淮(滬)	五·七六	五三七	三九·五二	四〇·二	二五·五	四四·五	二七·七六	四〇·一	五、一三·九	三二六	二一一一						
黃鼎芬(粵)	五·八一	五四五	三八·五一	三八·六	二五·四	四五·一	二四·五六	三三·四	五、〇·二	三八一	二〇九七						
陳盛魁(平)	五·二五	四五四	三四·二二	三一·九	二五·九	四二·一	二五·五四	三五·四	五、一一·三	三三六	一八八四						
鍾連基(滬)	五·四九五	四九三	三六·六八	三五·九	二四·〇	五四·七	二三·〇一	三〇·三	六、一三·	一七六	一八七六						
梁德彰(遼)	五·八六	五五三	三八·〇一	三七·八	二六·四	三九·五	二四·一一	三三·五	五、五九·五	二〇一	一八五二						
范士奎(津)	五·四二	四八二	三一·六五	二八·二	二六·五	四〇·〇	二五·七二	三一·八	五、一九·九	三〇五	一八二八						
林銘德(閩)	五·二七	四五七	三八·五七	三八·七	二五·九	四二·一	二〇·五七	二五·五	五、一九·三	三〇七	一八二七						
李因篤(魯)	四·六四	三六二	四一·四七	四三·四	二七·二	五六	二二·五九	二九·五	五、四六·六	二三九	一六七六						

全能總紀錄

項目	第一名	第二名	第三名	第四名	成績
五項運動	上海十分	上海六分	廣東四分	北平二分	二一三八
十項運動	上海十分	遼寧六分	天津四分	上海二分	四三五六
八百米	天津十分	廣東六分	遼寧四分	上海二分	一分四六秒
替換跑	遼寧十分	上海六分	湖南四分	東特二分	又五分之二
十六百米	遼寧十分	上海六分	湖南四分	東特二分	又五分之二

(三) 游泳

我國游泳。本極幼稚。歷屆遠東大會。均蒙極大失敗。而參加選手。類均選自華僑。國內各學校。則大率無游泳池。此次大會。參加者仍極少。僅香港哈爾濱安徽等隊。總數不過一二十人。成績亦甚平平。惟各方對游泳興趣。似漸提高。此次大會游泳。于七日開始後。之江校內。幾人山人海。頗極一時之盛。比賽共歷四日。十一日已全部結束。香港隊以四十二分得錦標。遼寧十七分。第二個人則遼史興隆得分最多。計十五分得第一。茲將比賽成績錄下。

- △百碼仰泳 (一) 椿元華(粵) (二) 陳振興(港) (三) 楊景華(港) (四) 蔡澤流(港) 一分二十五秒五分一
- △五十碼自由式 (一) 陳振興(港) (二) 陳其松(港) (三) 史興隆(遼) (四) 黃烈光二十六秒五分四
- △二百二十碼蛙式 (一) 龍榮軒(粵) (二) 黃紀周(港) (三) 楊景華(港) (四) 簡而明(港) 三分三十三秒五分二
- △一英里自由式 (一) 史興隆(遼) (二) 黃少池(港) 椿元華(粵)

粵) 李依郎(港)

△四百四十碼自由式 (一) 史興隆(遼) (二) 陳其松(港) (三) 宋耀德(港) 成績六分三十七秒

△百六十碼接力 (一) 香港隊 (二) 上海隊 (三) 遼寧 (四) 湖南隊 一分三十四秒五四分

茲將團體及個人得分表分錄如下：

(團體分數)

團體	一英里	百碼自由式	四百四十碼自由式	五十碼自由式	百碼仰泳	二百廿百六十碼接力	共計
香港	四分	八分	五分	九分	五分	六分	五分四分
遼寧	五分	三分	五分	二分	五分	五分	二分七分
廣東	二分				五分	五分	五分
上海							三分三分
湖南							一分一分

(個人總分)

個人姓名	一英里	百碼自由式	四百四十碼自由式	五十碼自由式	百碼仰泳	二百廿百六十碼接力	共計
史興隆(遼)	五分	三分	五分	二分	五分	五分	十五分
陳振興(港)		五分			五分	五分	十三分
陳其松(港)		一分	三分	三分			七分
椿元華(粵)	二分				五分		七分

龍榮軾(粵)	五分	五分
楊景華(港)	二分	四分
黃紀周(港)	三分	三分
黃少池(港)	三分	三分
黃烈光(港)	二分	三分
宋耀聰(港)	二分	二分
李依郎(港)	一分	一分
簡而明(港)	一分	一分
蔡澤流(港)	一分	一分

(四) 球類比賽

球類比賽計有男子足球籃球排球網球女子籃球排球網球等項均分在各場舉行。大會開幕後。與田徑賽同時開始。惟前數日均為初賽。次賽。無亦特記。觀衆視線亦均集中於田徑賽及全能等決賽。是以各球場上車馬冷落。迨七日以後。各項球類均漸入復賽決賽之主力戰。於是各球場戰蹟。遂漸哄傳各處。茲將各項球賽詳情分誌如下。

男子籃球

此次球賽中。最引人注意者。厥為男子籃球。所謂天津之「步五虎」。上海之「馬五虎」。一為北方之強。一為南方之俊。津隊實力。自前次南開南征凱旋後。早為婦孺所稱道。上海隊實力。亦濃厚。其他如北平隊。雖李洲趙逢球孟玉崑等已退伍。而新將陳盛魁王士增等。亦勇猛過人。廣東遼寧等隊。亦均俱相當戰蹟。然一般預料。決賽權決為津隊與滬隊。

分得。果也不出所料。復賽中津以四十六對三十三敗北平後。滬亦以四七對四三之比敗香港。十日下午兩隊會師。津以聯絡得法。竟以三十八對二十三之比。大敗上海隊。其戰況如下。

天津隊猛將如雲。五虎之外。復益以李清安。姚恩漢等。如虎添翼。強固無匹。況諸將士同茹甘苦。一德一心。在董軍師率導之下。努力爭籃球之錦標。早存七分把握。上海隊雖亦多良將。然軍心不一。士氣衰。加以前日之事。尤令英雄氣短。然開戰以前。諸將聯袂入場時。則見唐魏等五將仍出場。帶罪立功。不致如滬港半決賽時之調排為難。故未戰以前。觀衆雖明知天津必勝。但亦料一場劇戰。固不能小覷也。

兩隊接觸。上海即見失算。小梁王犯規。即由唐寶堃罰進一球。然上海隊得進攻之機。何通一擲內中。反以二比一佔先。不料得此以後。上海隊陣線散漫。投擲不準。即陸鍾恩亦不能如以前之活潑。黃梁何更頻頻失機。有手忙脚亂之勢。於是津隊之小唐有擲必得。無投不中。免起鶻落神妙。莫測。比數由八比二十三比四。必中止於十七比四。此為上半時之結果。滬隊出戰以來。得分之少。未有若此之甚者。亦可見天津隊之利害矣。下半時開始後。滬隊始終不能有出頭之機會。分數亦始終相距甚遠。分數由十八比七。二十二比十一。而至二十六比十一。復由二十九比十三。以至三十三比十三。滬隊一蹶不振。雖有復興之望。至最後三分鐘時。比數由三十六比十五。而至三十八比二十三。為滬隊稍稍追上。然津隊上半時所獲已多。裁判員休止之笛已鳴。滬隊終遭慘敗。(是日滬隊中以孔廣益之投擲準確為最好。其餘均減色不少。)

兩隊陣線及得分

天津隊			上海隊		
右鋒唐寶堃	二次	十一分	右鋒黃運利	〇次	四分
左鋒魏蓬雲	二次	三分	右鋒談達鏢	二次	三分
左鋒姚恩漢	一次	十三分	左鋒梁國權	三次	一分
左鋒李清安	一次	〇分	中鋒何通	三次	二分
左鋒劉建常	三次	八分	中鋒魏海青	二次	〇分
中衛李國琛	三次	二分	右衛汪今鵬	一次	一分
右衛王錫良	二次	一分	右衛孔廣益	〇次	九分
左衛何步雲	一次	〇分	左衛陸鍾恩	〇次	三分
總計	十五次	三十八分	總計	十一次	二十三分
	犯規	得分			

附錄 籃球成績表

民國三十四年 第十五期 第四屆全國運動大會

港	寧鄂	神遼	閩滬	魯皖	浙平	湘粵	蘇津	贛
43-21	46-91	80-11	2-0	15-36	2-0	27-40	153-4	
港	神	遼	滬	浙	平	蘇	津	
57-43		44-53		34-75		13-46		
港	滬	平	津					
	43-47				33-46			
	滬	津						
		23-38						
		津						

男子足球

男子足球因香港隊未克參加。不免頗嫌寂寞。滬隊以樂華代表。錦標自稱穩到。惟廣東隊則實力亦殊不可輕侮。是以上海與廣東復賽時。戰績亦頗多可記。

九日下午開始比賽。先由廣東選擇場地。上海隊首先開球。

未幾上海隊戴麟經接後方球。傳來之球向門射擊。惜被守門接得。未能建功。後滬隊屢次攻門。均被粵後衛黃炳坤救出。

出。粵前鋒陳光耀飛跑最快。滬後衛江善敬跟隨甚緊。相持二十分鐘。

均未得球。滬中鋒孫思敬飛奔全場。頗見賣力。後粵後衛黃炳坤以手觸

球犯規。罰十二碼球。由戴麟經主射。應聲入網。滬隊乃開紀錄。二隊互有

守攻。迨至上半時。滬隊以一比零占先。

檸檬後再賽聲起。繼續作戰。粵隊反攻益甚。五前鋒飛走前進。球距敵門

五碼。周賢言方欲上前擋球。後衛李寧飛奔截球。傳與中鋒。盤旋前進。後

再傳與戴麟經。戴竟在三十碼之遙。用力一脚。球如飛而入。守門雖欲挽

救。則已不及。滬隊乃勝第二球。

繼見滬隊前鋒。盤球深入粵隊腹地。被王雍勛攻入一球。滬隊乃勝第三

球。後滬中鋒孫思敬傳球與奚巧生。奚即一蹴而入。滬隊乃勝第四球。粵

隊雖一再反攻。奈以滬後衛防禦甚密。故未得功。後戴麟經帶球前進。盤

過二道防線。乃傳於陳虞添。陳飛步上前一脚。球即入網。滬隊乃勝第五

球。

迨比賽完畢。上海竟以五比零大勝廣東隊而得決賽權。

上海足球隊健將李惠堂以臥床未能作戰。小黑炭陳鎮和亦以水土不

服。略有小恙。故亦未出場。觀衆見此二人未出場作戰。未明原因。均自嘆

眼福太薄。致不能暢觀足球明星李惠堂與小黑炭。滬隊乃以奚巧生代

李惠堂以莊世鴻代陳鎮和。全隊尙見聯絡。而粵隊以左右二翼飛跑最速。而以後中衛線跟隨甚緊。故未能進展。滬前鋒以陳虞添最活潑。全場奔走。頗見功績。結果滬隊以五比零勝粵隊。

廣東隊陣線

胡錫康 陳光耀

匡宏恩 許寶熙

陳君佩 劉青和 龍學蕃

黃炳坤 莊甲民

許家維 高爲鐵

決賽

滬

對京

滬隊既大勝廣東。南京隊亦三對二戰勝遼寧。乃於翌日下午盛大決賽。鳴鐘二下。即開始作戰。滬隊五前鋒聯絡進攻。無功而返。後被京隊左翼劉祖侃接洽後衛傳球。向門射擊。球觸柱入網。周賢言挽救乏術。南京乃首開紀錄。後滬隊屢圖反攻。有數次險球。均被京隊守門譚仲章救出。後陳家球得球傳與戴麟經。戴趕上一脚。球即入網。造成一比一。

未幾京隊後衛以手觸球。罰十二碼。由戴麟經主射。球平且急。破網而入。滬隊乃以二比一占先。未幾又被攻入一球。滬隊乃勝第三球。自後滬隊

五前鋒時出後於京隊腹地。後有角球由奚巧生主踢。球落點當佳。被符

和萱以頭頂頂在門首。球未着地。戴麟經舉足一蹴。球已入網。滬隊乃勝

第四球。

後京隊又被罰十二碼球。由陳家球主踢。球斜未入網。繼由戴麟經主踢

十二碼球。迨上半時終了。滬隊乃以五比一勝南京。

檸檬後再賽聲起。易地而戰。滬隊前鋒環攻球門。京隊險象百出。京隊守

門。雖手忙脚亂尚救出險球不少。後滬隊李寧陳璞亦時加前鋒作戰。後又被董榮文在二十碼外踢入一球。繼由符和萱接得戴麟經傳球。臥地一脚。後又被奚巧生或麟經各攻一球。滬隊計勝九球。距終了十三分鐘。陳璞得球。傳與前鋒。球落於門首。符和萱橫掃一脚。球又入網。比賽終了。上海隊以十比一大勝南京隊。而奪得全國之足球錦標。

兩隊陣線

(海上)

(京南)

周寶言 李寧 陳璞 符和萱(上) 王雅勤(下)
溫官茂 孫思敬 莊世鴻 陳家球 戴麟經 陳廣添(上) 奚巧生(下)

譚仲章 余勉初 凌東揚 劉祖侃 顧元亮 余錦之 藍乾德 顧元亮 林遠揚 江一鳴
裁判員 唐仲光

足球成績表

遼	2-1	津	0-0	遼	3-1	津	9-2	遼	3-2	寧	10-1	滬
---	-----	---	-----	---	-----	---	-----	---	-----	---	------	---

男子排球

此次參加排球比賽者共十一隊。實力自以粵港為最強。因南方兩粵健兒對排球最濃。故如天津滬各地排球隊。兩粵份子亦頗多。粵隊一戰勝蘇。再戰勝閩而獲決賽權。港亦連勝滬。乃於十日決賽結果

滬	9-1	鄂	12-0	粵	5-0	滬
---	-----	---	------	---	-----	---

第一局	二一對一七	廣東勝
第二局	二一對一八	香港勝
第三局	二一對一七	廣東勝

觀上列勝負表。可知雙方工力悉敵。勝負之差甚微。全局中雙方競爭甚力。發球權時來時去。絕少一人得能連得數分者。須酣戰良久。始又獲一二分。港隊之陳錫炳。蘇康元。打極極有力量。粵隊之黎連。網網壓。甚見工夫。邱廣變壓球亦極得力。陳從超發球時姿勢甚好。且極精細。發球時先觀察良久。故一發發出。每落在敵隊防禦力較薄處。粵隊之所以能較先得分。多屬此數人之一切。茲將兩隊陣線排列如下。

第一排 第二排 第三排

香港隊

第一排	梁健堂	陳錫炳	鄒來新
第二排	林國華	李沃林	曾經全
第三排	區鳳	盧慶元	葉應霖
第四排	辛桂榮	任永欽	陳從超
第五排	黎江如	馬元巨	李福甲
第六排	朱祖成	邱廣燮	梁錫鴻

排球成績表

寧	平湘	滬	蘇	粵	津	閩
2-0	0-2	0-2	0-2	0-2	0-2	0-2
寧	滬	港	粵	津	閩	粵
0-2	0-2	0-2	2-0	0-2	2-0	1-2

男子棒球

棒球參加者僅上海香港北平天津湖南江西等六隊。而北平江西均臨時棄權。實際參加戰國者。僅上海湖南天津香港四隊。湖南新進之師。是以一戰即以一對〇之比慘敗於上海。天津則實力頗強。投手林錫津。尤為全隊注目。復賽以四對一勝上海。而不幸決賽。竟以四對二敗於香港。觀況之熱烈。聞空前之盛。

二時舉行。雙方均有精彩。初港首開紀錄。繼津以二比一占勝。第八局港大轉機。反以四比二得勝。得大會棒球錦標。榮哉港地健兒。不負此行矣。裁判張國勳。司壘吳邦偉。馬巽。紀分黎寶駿。

雙合殺救險

首先擊球者香港。以天津投手出球。曲折有力。香港三人。乃相迫下場。繼輪天津第一人鮑文沛。三球落伍。第二人張景康。先進一壘。繼之者林榮彬。擊球未遠。被投手拾得。傳交二壘。先張到壘。又反傳與一壘。而林榮彬亦因此出場。香港幸而有此雙合殺。致挽回危局。

安打獲一分

香港陳倫英乘對方一壘之錯誤。占據一壘。未幾倫占二壘。陳宇訓加以臂助。擊出一球。平地向右滾去。陳倫英得以奔越三壘。歸回本壘。香港遂首開紀錄。而陳宇訓亦占在二壘之上矣。但陳宇訓不幸於倫占之時。被人所殺。香港進展之機會為之減少焉。

相持成均勢

第三局開始。雙方意志鎮定。陣線嚴密。間有人占得之二壘者。終見其半途出場。難收全功。此局結果。無有出入。

天津占優勢

第四局天津胡振聲一記安打。登一壘。香港投手失去表的。投擲不準。接續四球三次。天津遂得全軍入侵。滿占三壘。胡之首先歸壘。得力於羅慶隆之安打。而顧得剛之歸。則不得不謝對方投

手之四球。自此天津以二比一反勝香港矣。

▲香港又遇險

天津投手表演甚佳。香港擊者難越雷池一步。同時香港投手未見盡職。在此第五局中。又見四球幾三次。金剛鑽道上。萬見津地好手。分占各壘。形勢嚴重。空氣緊張。香港當此千鈞一法之際。幸能處之。當化險為夷。

▲勝負之關鍵

第六局平安過去。無甚變化。第七局香港陳倫英陳瓊仁各一安打。場中三局。均被香港所占。雄心勃勃。大有轉機。不料又助野一。其良好機會。頗成遺憾。雲。

▲香港忽而轉機

第七局香港投手鄭瓊仁與二壘陳倫英。互相交替頗有成效。此局各無所得。第八局香港忽而轉機。梁灼全一下安打。頓時各壘有人。展轉而回者三人。局勢反佳。第九局天津努力反攻。未有苦何成績。香港遂以四比二獲得大會錦標。

▲兩隊之陣容

香港	天津
投手 鄭瓊仁	津錫剛
接二壘 湯坤	林顧羅
一壘 陳字	胡振聲
三壘 陳綸	鮑文沛
游擊 吳振邦	林榮彬
左翼 蔡炳芬	馮朝亮
中堅 國倫	李長芳
右翼 梁灼全	張景廉

附 棒球成績表

單打 第一組	六對四	六對二	六對〇	粵勝
雙打 第二組	六對〇	六對一	六對三	粵勝
三打 第三組	六對〇	六對二	六對二	粵勝

男子網球

男子網球參加者計
(南京市) 凌道揚、王清和、李卓敏、趙鍾靈。
(上海市) 顏榮生、鄭兆佳、余田光、吳少香。
(廣東省) 馬熾殷、黃吉祥。
(天津市) 陶祖春、馮蓉、周維藩。
(香港) 江道章、何家鑾、陸錠祥、鄭白榮。

觀上表可知錦標最有希望者。自為香港及上海。天津之時呂黎北平之高惠明均未參加。而顧榮生屢得滬草地網球錦標。實為其強。鄭兆佳為後起之秀。去年華北運動會中代表新學獲得冠軍。林寶華在滬時常樂與搭配。香港則吳仕光為多年遠東老將。何家鑾亦昔滬濱健將。比賽結果。竟出人意外。廣東馬熾殷黃古祥等竟屢戰皆捷。決賽為粵港兩隊。結果雙打單打均以三對零勝香港而獲得錦標成績如下。

湖南	上海	天津	香港
11-0	4-1	4-2	
北平	天津	香港	
缺席			

球籠子女

女子籃球週年北平方面進步最速。上海及廣東實力亦強。複賽權獲得者爲粵平滬蘇四隊。滬以四六對二之比大勝蘇。雙方實力懸殊。戰蹟無可紀。粵對平則雙方勢均力敵。結果粵不幸以一分之差失敗。而戰況則可謂精彩已極。蓋北平隊在一二兩節先佔優勢。十一對六。而粵隊則於第三節造成十二對十二之平局。於是形勢緊張。於第四節中雙方競爭劇烈。使觀衆精神異常興奮。初則北平佔先。廣東造成平局。繼而廣東佔先。北平又見追回。此後機會均等。然廣東終不幸以十九對十八之比失敗。相差僅一分。以見技術固未許判孰優孰絀也。按北平隊於今日將與上海決戰。

兩隊之中。各有柱石。北平隊之黃淑慎小姐。獨得十分。其姿勢之活潑。投擲之準確。爲全場冠。廣東之盧慧嫻小姐。獨得十四分。技術亦臻化境。此場競戰。爲開會以來最有精彩之一幕。令觀衆歎觀止矣。

次日與混決賽。平又以二十四對二十四。分數相等。而平擲分最多。獲得錦標。亦可云幸矣。

雙方球藝。半斤八兩。實難有高下之分。故四十分鐘時間內。形勢始終緊張。競爭至爲劇烈。較諸昨日平粵之戰。尤爲好看。上海隊先由陳英瑞罰球中得一分。但北平隊權隊長勇氣百倍。率爲北平隊建之首功。以饒勇著之黃淑慎復加上一分。而以三比一占先。上海隊見勢不佳。立志圖報。果然英瑞罰球奏功。邵錦英寫寫意意又自籃底投入一球。而超出平隊成四比三（滬佔先）。此後北平之黃淑慎一罰一球。均見中的。而滬隊亦由邵錦英罰中一分。第一節終了。平隊以六比五猛着先鞭。二節開始。北平黃淑慎罰球又中的。但滬隊郭振祥陳新元複擲中二球。

並罰得一分。北平隊王煥名亦回敬一球。而成十對九之比。上半時終了。上海隊僅以一分超北平之前耳。

第三節中競爭尤爲劇烈。忽而北平占先。忽而上海追出。局勢緊張已極。然上海之邵錦英兩次中的。郭小萍小姐加上一隻。陳新文亦罰中一分。平隊黃淑慎雖亦兩年中鵠。然分數已落後三分。第三節終了。滬隊以十七對十四佔優勝矣。平隊既失敗於第三節中。故第四節中出死力以戰。滬隊頗見失機。遂被北平追上。蓋黃淑慎小姐又三度中的。反見超過三分。但滬隊之陳英瑞再度上場。追上成相等。直至終局。雙方難分勝負。以念四對念四成等比。依照大會競賽規則。分數相等者。並不延長時間再賽。惟視擲中球多者爲勝。查看紀錄。則北平擲中十球。而上海祇擲中九球。於是此女籃球錦標。遂爲北平隊所得。上海隊之失敗。亦不幸已極。故諸位小姐於賽後。竟有痛哭流涕者。

附 女子籃球成績表


女子排球

女子排球決賽權者為粵隊及滬隊。決賽粵以二對〇勝滬隊。而得錦標比例如下。


第一局 二十一對十六 廣東勝
第二局 二十一對十八 廣東勝

上隊隊之力量較粵隊相差無幾。惟滬隊健將蘇祖琦。因患盲腸炎。未能出席。致戰鬥力不免減薄。另一健將朱民寶。戰

國中忽患鼻衄。比賽臨時停頓良久。其後朱雖仍繼續比賽。但精神方面已受打擊。故結果粵隊乃佔勝利。此外尚有一便利粵隊之處。即男女兩組排球係先後比賽。粵男隊與粵女隊乃先後互為聲援。吶喊助威。男隊比賽時女隊則充拉拉隊。女隊比賽時男隊亦如之。且男隊隊員並臨時充女隊指導。時時告以發球方向及擊法。故女粵隊更佔得不少便宜也。茲將兩隊陣線排列如下。



(隊滬) (隊粵)



平乙 2-0
滬甲 1-2
滬甲 1-2
鄂 1-2

女子網球

女子網球參加者津滬粵京四隊計(南京)方錫琛。司徒善媛。許寶圻。邵昭儉。

(上海)劉淑平。李蓮。蘇祖琦。王大樂。王世宜。

(廣東)黃若球。黃全儀。鄧志豪。

(天津)梁佩瑜。梁佩瑤。劉毓芬。

其中天津梁氏姊妹實力最強。滬劉淑平李蓮亦不弱。決賽雙打津以二對零勝滬。係天津梁氏姊妹對滬劉淑平李蓮。梁氏姊妹連絡。素且擊球甚穩。故連獲勝。而以二對零局占勝。其比例如下。

第一局 六對四 津勝

第二局 六對三 津勝

此局完結後。津勝單雙打各一。但尚未能得錦標。下午二時。同時作單打兩個比賽。梁佩瑤對李蓮。梁佩瑜對劉淑平。第一局兩梁各獲勝利。但至第二局。劉李二人均極振作。兩梁竟各負一局。至第三局開始。滬聲勢仍振。致勝一盤。津隊之大勢頗形岌岌。須臾。梁佩瑤竟敗於李蓮。梁佩瑜亦可危。但梁竟能於最後鼓其餘勇。連勝兩盤。打成平手。劉淑平此時亦極努力。酣戰良久。梁竟挽回頹局。獲得最後勝利。女網球錦標。卒為津隊所得。茲錄打兩局比數如下。

梁佩瑤對李蓮 六對四 四對六 三對六 李勝

梁佩瑜對劉淑平 六對二 二對六 八對六 梁勝

男子各項錦標

田徑賽 遼寧
全能 上海
游泳 香港
足球 上海
籃球 天津
排球 廣東
棒球 香港
網球 廣東
總錦標 上海香港廣東

女子各項錦標

田徑賽 哈埠廣東
籃球 北平
網球 天津
隊球 廣東
總錦標 廣東

全運會

湖濱客滿

期內 之杭州
記者於三十一日晚到杭。至則湖濱各旅館。無一不告客滿。後至者。徧歷各處。概被擠於外。記者初頗驚。誠來觀全運者之衆。甚喜國人能注意於體育。詎知翌晨乃

知事有不然者。蓋此時適當香汛。旅客中婦女多數實為進香而來。每日清晨率皆乘山橋魚貫而去。口中喃喃有辭。因未嘗注意於運動也。至於少數旅客。僅有一部赴會。然而會中幫場子者。亦未始非此少數旅客。蓋杭城除學校學生整隊而往者外。杭人可謂極少極少。如此盛烈之大會。而杭人漫不注意。則未免辜負當局選擇杭州為會地之苦心矣。全會場在城東北梅東高橋。有公共汽車可通。人力車資亦僅一二角。路不為遠。豈杭人並此區區之車資而珍惜萬分耶。

青年可愛

從此大會開幕式中。可睹知當局之注意於青年分子。此次各省蒞會分子。類皆各地青年中之富有活動性者。其可值得注意。更無疑義。當開幕之後。各選手隊雁列司令台前。約數十步。台上裝有播音機。故台上之報告與演辭訓辭。皆歷歷可聞。諸要人致辭均在台上。惟蔣因注意青年。故獨自司令台下。高登台前裁判員所用之木台上。對各青年諄諄致訓。願民族注意體育。進而完成國民革命。各選手因是而得近瞻丰采。其喜可知矣。蔣語罷。仍返司令台。迨各代表至台前宣誓時。蔣復恐頃間所語。諸青年未能明瞭。因復自座起。再向各代表細述一過。因此更可見蔣之愛青年。而青年選手之可愛也。是晚蔣復召宴各選手以寵之。惟因限於座位。千餘選手未能盡赴也。

不甘粗糲

大會會場原係駐兵之所。原有操場。分隔為競技場五區。其後營房作為選手宿舍。舍內有木製兵牀。每架約長六尺寬五尺。分為上中下三層。室內光線不足。室甚大。內列木架凡百餘。宿舍凡四。男女各別。甚擁擠。類似下等輪船之統艙。污穢亦如之。如此設備。似不足以寓學子。中間廣架盧席棚。則為臨時膳廳。據食者云。膳食頗粗糲。肴食無味且冷。頗有不堪下咽之勢。據會中人云。此為臨時設備。辦理已極費苦心。桌數既多。當然不能盡美。但上海選手則不能堪。臨時提出抗議。初則欲至宿舍內自辦伙食。而會中不允破例。幾經周折。卒遷至會外。由滬隊主持者籌款。每名日發膳宿費。並由會中酌加補助。為滬運動選手。多富家子弟及貴公子。其提抗議或不得不然耳。各選手隊中以粵隊經費為最足。到杭後即未居宿舍內。故於此不生問題。而其他各隊如遼寧如天津如北平。則咸居宿舍內。無異言。雖女選手亦甘之。由是又足徵北人實較南人能耐苦健兒精神有足多者。

電報之厄

吾人由滬發新聞電至津。水線兩小時可達。發報時極感便利。但到杭之後。則備覺困難。滬杭近在咫尺。而有線電須五六小時可達。徑電天津。時間更久。全運消息必難當晚達到。故記者乃不得不以所得消息。趕下午五時四十分車。帶滬再由滬電津。由杭至滬。車行雖五小時。然津報得訊尙速於直接收杭州電報也。電報成績如此。可發一歎。滬報之全運採訪。其先本定合作。每報派兩人。但至臨時忽忽合作不成。仍分別採訪。一面仍由日報派職員一人至會。與大會接洽。供給各項比賽結果。惟大會宣傳股委員幹事多至數十人。竟並此事而不能辦理妥善。蓋此項比賽消息。須由大會競賽股供給。而競賽股須至六時後始能將資料送至宣傳股。宣傳股至此再擬電稿拍發。已不及到滬矣。此雖因大會辦事處組織不妥。而電報過慢。亦一原因也。

職員兼職

大會競賽股之所以不能及早供給消息於宣傳股者。其中尚有一内幕。緣競賽股職員多兼上海一二報體育記者。因兼記者。乃欲壟斷新聞。於他報新聞記者往採訪者。故惟力其不得便利。即對宣傳股亦不欲使之早有所聞。蓋恐其間接供給於他人也。在發起全運者及各地選手。惟恐比賽消息不早達於各地。乃

中間之職員。競欲以選手爲其牟利之具。以求媚於個人例外生活之恩。主幸僕僕千里而來之選手。未知此事。否則吾恐彼等將不勝其傷悲矣。

楊腹臨風

大會距市肆遠。附近無可果腹處。即大餅窩窩頭。亦無從購取。場中雖有冠生園杭州分店所設之臨時販賣所。但僅占方丈地。所售又係糖果。不能以之果腹。一日晨記者以八時往。至中午已苦飢。乃徧覓食物不可得。不得已至冠生園販賣所。向購麵包或餅乾。均無有。最後勉購陳皮南棗一包。約七八枚食之。以似較其他糖果爲可點飢也。午後至五時後始能離場。下午場中有風。大有飢寒交迫之勢。其他蒞會而受苦者。亦頗不乏人。並有連餓兩日者。雖二日場內消費合作社出售乾點。但似欠新鮮。當此時疫流行之際。關心衛生者。殊未敢購食也。大會觀衆不十分踴躍。豈此亦一因乎。(二日寄自杭州西湖飯店)

杭城民食

【三日杭州特訊】來杭數日。以終日處全運會場中。於杭城民生疾苦。未遑詳探。頗以爲憾。此間湖上遊客。相將徜徉山水間。流連笑傲。若居世外。似不知數千里外。方將有積屍盈野之慘劇。更若不知秦隴之地。乃有萬千饑民。坐以待斃。同是炎黃之裔。而苦樂各判。若是誠使人不能不信「福是前生修來」也。古人謂越人不問秦人之肥瘠。不圖於今猶然。今若有人能移湖上游客。每日之遊資。以賑西北災黎。吾恐存活之數。當不在少也。

記者於杭人生活狀況。雖未暇一問。然亦偶聞街談巷語。料知小民受米貴之痛實深。當全運開幕之日。記者偕同行者數人。乘人力車赴會。途中車夫相語。其中一人喟然言曰。全國運動大會開幕矣。在此開幕期中。乃限定自湖濱至大會僅准收小洋兩角。彼獨不念米價大貴否耶。開會開

會。不知開會結果。亦能使米價低落否。車夫此語殊覺不倫。蓋出之於怨毒。然一再提及米價。亦可知米價及於人民生計之深也。平心而論。西湖博覽會而後。再繼之以全國運動會。當局於提倡工商業及體育之外。亦未始不爲杭人生活計。即人力車夫。亦未嘗不平增許多主顧。小民乃不喻此。受惠則隱之。受苦則悻悻不已。於以可見施政之欲得人心。誠難矣哉。

市政一斑

杭州市政。在東南各都邑中。不可謂不優。然表面可稱揚者。自亦僅馬路耳。湖濱等處公園。設備固亦妥當。然湖山本已優美。何處不足使人欣賞。何處不可稱公園。沾新開諸園之惠者。似亦僅中上級社會人士耳。至苦力勞工。似無暇同沾實惠。維持社會風化。聞警察頗能盡力。湖濱各旅館林立。然鮮見娼妓蹤跡。聞杭人言。警察每夜檢查旅館。遇有男女同室而口音不同者。盤詰甚力。如有女操杭音。而男操外路語者。則知爲宿娼。盤詰屬實。則各處罰金。故娼妓多匿跡銷聲。途中秀民遇男女口音不同而同行同語者。因亦追蹤探其住所以報告警察爲敲詐之藉口。旅客乃益具戒心。此雖爲不良之現象。但果娼妓因此而得絕跡。亦未始非德政也。外客到此。覺杭城生活之高。飲食之貴。未必遜於上海。然久居於此者。則謂確低於上海。此殆居家生活與旅邸生活有別耳。遞送郵電。不若上海之便。此則因交通究未若滬之進步。公共汽車與營業汽車。價亦較滬爲昂。想因乘者較少。乃不得不如此也。車夫謂路面易損車胎。車價之昂。此爲一因云。





蘇維埃聯邦之實相(上)

日本大藏公望著
讀秋樓主人譯

按本篇著者大藏公望氏。係日本華族而勤修篤學之士也。氏自帝大卒業。即留學美國。在某大學專修鐵道科。卒業後。復在美國某鐵路充當職員。實地練習。歸國不久。即入滿鐵爲運輸部長。(即今之鐵道部長)旋陞理事。連任二次。前年以田中內閣成立。即辭職遊歷俄國。居彼九閱月之久。歸即著「蘇維埃聯邦之實相」一書。都百餘萬言。蔚然巨帙。內容豐富。意見公平。其精心毅力。良可佩服。該書已由大連中日文化協會出版。允爲研究俄國者之良好導師。本篇則氏歸國時對大連市民公開講演之紀錄。載於卷首。於俄國大概情形。燦然畢具。讀此者雖僅見一斑。亦可略窺全豹矣。慨自東路事件發生以來。中俄關係。緊張已極。因關係之緊張。而對俄研究愈不容緩。亟譯之以餉讀者。諒亦非無用之業也。又著者大藏氏。居大連久。其個人爲對華比較有好感之人。故其言尤宜爲吾國人所樂聽。附誌於此以明公道。

譯者識。一九、四、七、

對俄觀察之兩極端

余於赴俄之前。曾經涉獵關於蘇俄種種之著述。又嘗聽取曾經遊俄者之談話。但此種著述與談話。意見區區。不能一致。非僅不能一致。且其觀察常走於兩極端。或曰蘇俄已極強盛。其勢誠不可侮。又或曰蘇俄爲狀其劇。經濟上幾瀕於破產。國民之不安日甚。其爲國也。最多亦不過三五年。至十年八年之壽命。到底難以永久存在也。云云。觀其所言。皆在極端。欲求一公平之意見而不可得。要亦有種種原因。其居俄久而極力推崇俄國者。其中之大部分。皆與蘇俄有特別關係。例如曾受俄國具體的援助者。又如尙欲再往之人。若批評太惡。即難再往。前年有某文士。在東

京某雜誌所開之座談會。曾談及蘇俄之內情。據云俄國現在無有乞丐。無有醉漢。無有倡妓。云云。然事實則反是。以余所見。俄國之乞丐。較世界任何國爲多。醉漢亦所至皆有。至於娼妓。雖無其名。而醜業婦往來街衢。人所共見。余因深訝某文士之言之不實。試行調查。乃因其人滯俄中。曾受俄政府相當之補助矣。反之。他人極端對俄爲惡宣傳者。必曾經受其虐待。例如先年某瑞典人。撫拾俄國缺點壞事。撰成專書。殊不知俄國新聞。極爲確實。善事惡事。一例登載。彼棄善事不顧。徒拾惡聞。觀其半面。豈得謂之公允哉。茲更有一言爲諸君告者。即通過俄境之人也。通過俄國者。最長不過居留一星期。最短則午前八時到午後五時又乘火車他

往以最短之時間而判斷蘇俄之善惡。是必徒見通衢鬧市者而驚其繁盛。徒見僻街窮巷者而嘆其凋零也。烏石以觀俄國哉。

俄羅斯與其他資本主義國之差異

關於俄羅斯與其他歐洲資本主義國之差異。余將余自俄入芬蘭時之實際感想。率直說出。或者即可了然歟。余之入俄。係在一九二七年十二月二十一日。余之出俄。係在一九二八年九月二日。九月二日自列寧堡出發。至芬蘭都城。在該處僅居二三日。即通過阿波港至瑞典。當余入芬蘭時。余之感想實覺俄羅斯為狹穢之地矣。當余之居俄也。曾覺俄國極佳而有趣味。然一旦入芬蘭。即頓感其惡劣。思想為之一變。在俄國時。自由被縛。攝影亦不能隨意。若欲在莫斯科攝影。須受市政府之許可。或有經一月之久亦不能得之者。隨處隨地。皆如他國之要塞。余為一鐵道專門家。其欲搬車站內部之影以資參攷。不料竟未蒙其許可。所許者僅市街之狀況耳。或有向列寧之墓攝影者。竟被警察拿辦矣。莫斯科市中。如是西伯利鐵道沿線亦然。有某日本軍人。因攝赤塔車站之影。竟遭逮捕。解回莫斯科。其嚴重亦可見矣。但一入芬蘭。則絲毫不加限制。恍如自己一身已釋重負而感輕快焉。又於俄國輸出之物。必經數度檢查。余在俄購物不少。買書尤多。而一九一七年以前之書。輸出至難。一九一七年前。現政府成立之年。其以後出版書籍之輸出。雖絕無妨礙。而其以前出版者之輸出。極不容易。殆須經全部之檢查始可放行。其他物資及行李亦皆如是。而且稅重法嚴。行人極感苦痛。余固親嘗之。但一入芬蘭。以上之事。完全無有。其商店夥計。接待顧客。極其周到。不似蘇俄大商業大組合皆為國有其辦事人員。官氣頗重。若欲觀其貨物。彼則但出其貨物而已。毫不為主客之寒暄。屢屢令人感覺不快。又物價甚昂。且物資極少。

余初入俄時。雖暫無此感。愈居愈久。不便之感亦愈甚。現在俄國白麵包竟無一片之可見。其麵包皆黑色。或黑白間色。即至穀類之產地烏克來那地方。或北高加索地方。亦不能獲白麵包之口味。更或因時因地而感麵包之缺乏。在麵包房前。鵠候二三小時之事。往往有之。有一孩童告余。謂其所居地方。隔莫斯科七十里。有時晚間觀電影。俟電影閉幕。即到麵包房領麵包。至次日十時或十二時始能得之。其困窮亦可見矣。余等家中所用之女媧。為買奶油而在奶油房候至六七小時。極為常事。可見食物缺乏。非僅麵包一宗。一入莫斯科街道。買麵包者。因候麵包。在麵包房前。布長蛇之陣。及於數里。往往有之。然芬蘭則絕無此事。物價廉而物資多。殊與蘇俄大異其趣。余在俄時。僅以一套洋服。着八九月之久。其不潔可知。然以比之俄人所着。猶為漂亮。我東方每洋服一襲之值。至多不過六七十元。而俄國則需二百五十盧布上下。若再廉者。則材料惡劣不堪。着用一二個月即已破損。故賤者不如貴者之合算。但俄人因極其貧乏。故每用其賤者而安之。不暇計及合算與否也。其國之工業品。如洋服材料。大抵較歐戰前貴二倍半至三倍。而在芬蘭則甚廉。故余居俄八九個月。一入芬蘭。則有出幽遷喬之感。無怪乎自歐洲入俄者。一踏其土。即覺其經濟上極窘也。以上余之觀察。雖未必果當。然自俄入芬時。以俄國與芬蘭相較。則資本國與共產國。情勢懸殊。在俄使人沈悶。在芬使人快暢。則係不可掩之事實也。

蘇俄之國體及政體

若不能明瞭蘇俄政治之支配與組織。則對於全體蘇俄之觀念。甚難了解。故願先將蘇俄國體及政體加以說明。抑余所言俄羅斯者。決非謂現今之俄羅斯社會主義聯邦蘇維埃共和國。乃謂與昔日俄羅斯帝國相

當之俄國是也。與昔日俄羅斯帝國相當者。即今日蘇維埃聯邦。而蘇維埃聯邦全體之領土。因歐洲大戰。失去波蘭。芬蘭。也司都尼亞。里司阿尼亞。拉都比亞等諸國。及比撒拉比亞等地方。較之昔日帝國時代。爲稍小。集此稍小之領土。組織蘇維埃聯邦。此蘇維埃聯邦。由六個之聯邦共和國而成。係包含昔日俄羅斯之大部分。而今日之俄羅斯共和國。與白露共和國。烏克蘭那共和國。裏加那共和國。多爾克名共和國。烏子比克共和國。等六個之共和國。以絕對同等之權限而同盟。以成聯邦。即蘇維埃聯邦也。若單稱蘇維埃聯邦。殊不完全。應稱爲蘇維埃社會主義共和國聯邦。方爲正當。而俄羅斯社會主義聯邦蘇維埃共和國。不過此等六個國之一耳。於茲更欲有爲諸君告者。此中裏高加索共和國。似係由蘇維埃聯邦共和國而成。而其本身。又係由阿爾米尼亞。阿塞爾比金。古爾金。等三個國聯合而爲一共和國。以作聯邦共和國之一。而此六個共和國之外。又有許多之自治共和國及自治州。因此俄羅斯之構成。極其複雜。於前述六個共和國之外。又有十五個自治共和國。並十五個較自治共和國爲小之自治州。合計世有六。若將裏高加索之三共和國區別計算。則有廿八國。如農林部一機關。在他國僅有一個。而在俄國則有二十二個。各各絕對獨立。又不僅農林部爲然。各聯邦共和國。各自治共和國。亦各有自身之內閣與國務總理。全然獨立。例如西伯利亞云。在我等必以爲係俄領亞細亞一帶之地。而其實際。所謂西伯利亞州者。不過以羅馬西伯利司克市爲中心之一小地方。而黑龍江之北方有野古什克之一大自治共和國。貝加爾湖附近。又有布利野都孟哥里亞共和國。其面積亦不少。其第一之大國爲哥薩克自治共和國。云。如斯較大領土。雖以自治共和國存在於俄羅斯共和國之領域內。然

對於俄羅斯共和國殊無行政上之關係。完全獨立而自治之。所謂蘇維埃聯邦。即此等三十幾個共和國之集團也。若問此等多數之國家何以能互相聯絡不生齟齬。則共產黨之方焉。因各共和國之幹部。皆由中央共產黨任命之。選出之。形成各共和國之中心。即以國爲經。共產黨爲緯。而組成蘇維埃聯邦也。

其次更言其政體。則俄羅斯依然有內閣。與他國之內閣無甚區別。唯有共和國聯邦內閣與各共和國內閣之二種。全聯邦內閣與各共和國內閣所不同者。即陸海軍部。外務部。交通部。郵傳部。爲聯邦所獨有。各共和國內閣則無之。例如意大利匈牙利。先年赤化。欲成爲蘇維埃聯邦之一。假令此事實現。則此等國之軍事。外交。交通。郵電。等事業。皆不能歸自國支配。而莫斯科蘇聯政府反得全權處理之。其他財政部。勞働部。工業部。商業部。統計部。國家保安局。此外勞農檢查部。專以檢查官吏及黨員而防其腐化之機關也。是等七部。不但全聯邦內閣有之。各共和國內閣亦有之。至於社會部。保健部。教育部。內務部。司法部。農務部。此六者。全聯邦內閣無之。惟各共和國有此設置。即司法關係。社會施設關係。內務關係。健康關係。農業關係。教育關係。蘇聯政府皆不過問。聽各聯邦自治共和國各依其特殊情形而爲之耳。俄羅斯之行政制度。大體甚爲簡單。如前所述。陸海軍交通外交郵傳等雖不同。而他部則省縣皆設有同一統系之機關。上與。雖有大小之不同。要皆秉承中央之命而工作也。余至西伯利亞首府羅市。向市當局者詢問西伯利亞地方之經濟狀態行政情形。彼等答曰。僅可告以狀況。至於方針。則一本中央之命令而辦理之。請問中央可也。云云。就此可知該國中央之方針。即地方之方針。各種機關亦自上至下其統系乃一貫之也。

以上所述，乃內閣以下之統治問題。次乃述內閣以上者。殊與他之歐美資本國家大異其趣也。資本主義之共和國。在內閣之外。必有立法府之國會。又必有最高統治者之大總統。而蘇俄則皆無。然聯邦內閣之上。有所謂蘇維埃聯邦中央執行委員會幹部會。又其上則有蘇維埃聯邦中央執行委員會。再於其上。尚有聯邦蘇維埃大會。此等制度。若與他國比較。殆不可能。若強為比擬。則中央執行委員會幹部會。如同他國之國會。至於中央執行委員會。雖有數百人之多。而其權利宛如大總統。或稱該委員會之委員長為大總統。亦許得當。而蘇維埃大會之為物。則在他國絕無可以相比者也。大抵聯邦之普通行政事務。均任中央執行委員會執行之。而最高之蘇維埃大會。專司改訂新憲法之任務耳。不似他國國會辦理普通事務也。在無改正憲法議案時。則由中央執行委員會幹部會委員出席蘇維埃大會。報告其業績。直視為報告會可耳。但如有改正憲法之重大問題。則開蘇維埃大會。胥於是決之。若中央執行委員會以聯邦會議與民族會議二者連組而成。因為俄國民族種類極多。其中有有文字之民族。亦有無文字之民族。大約數之有六十餘種。蘇俄教育部對於無文字之民族。甚為憂慮。現正在為各國製造各別文字之中。據教育部中人云。創造文字為蘇聯之一大事業。因各個國情不同。言語之表示亦異。故不能不製造各國適宜之文字也云云。聞現在已成者有二三種。餘者亦在極力進行中。為欲對於此等無文字之民族。亦給與關於政治之發言權。因集各民族之代表者組織民族會議。一方面又以國為單位。組織聯邦會議。此兩者即聯邦會議與民族會議連合而組織中央執行委員會。又自中央執行委員會選出幹部會。在聯邦會議之上。以監督指導日常之行政事務。有如國會。又如大總統。一方判斷內閣措置

之善惡。又一方製造重要法律。要而言之。彼蘇俄非帝制亦非共和。乃特別一種之國體及政體也。

蘇維埃聯邦統一之理由

當余未入俄之先。嘗怪以偌大俄國。在最短期間。竟為共產黨所統一。實出意料之外。一九一七年三月十五日俄皇退位。是年十一月七日。蘇維埃聯邦出現。其後經過許多困難。有各各帝國主義者之侵入。大飢饉。而該國猶能面目一新。完全統一。政治上思想上均告安定。實有不可思議之感。及至身親入俄調查。始恍然不少特殊之點。第一為列寧人物之偉大。願列寧人物偉大。雖為一重要原因。然無論如何偉大。苟無可成爲國家基礎之要素。到底使偌大俄羅斯變化如是之速。決不可能。以余之見。第一為皇朝時代之腐敗。其當時貴族地主橫暴達極。農民後雖解放。在當時不過奴隸而已。雖農奴解放後。而平民與有產階級權力與富力之差相距太甚。我等曾到列寧堡某古董店尋買家俱。然究無如吾輩所希望之廉價者。及其既出。則有年齒三十七八之婦人。自後踵至。問君等非有欲買家俱之希望乎。當答以若何價廉者買之。亦無不可。彼婦人云。可到我室。觀其狀甚貧。衣服不完。我等以為即往亦未必有所得。然以好奇心姑從之。乘電車約半里許。見其居於四樓之上。其客廳食堂等極其華美。勝於中流。發見上等家俱不少。問其何以有此。則答稱自己之丈夫在戰前為醫生。為中流生活。有此等家俱。殊不足怪云云。吾人觀此。家俱即可知俄國中流人家。尚如此奢麗。若貴族與大地主。更可推而知。而貧富階級之懸絕。益可想見矣。其後余更於莫斯科附近。參觀貴族之別墅及市內富豪邸第。其壯闊良可驚嘆。又不僅莫斯科為然。即列寧堡等大都市亦多有之。今則皆開放。或為公園。或為兒童遊戲場。或為

保養所。或為病院。皆得善用之。土地亦然。據云昔者莫斯科市繁華地帶。大都為少數之資本家所獨占。此亦確為革命之原因。又有促成新俄羅斯統一之大原因。即回避戰爭之觀念也。在戰爭時。俄對德全無勝算。戰則敗。敗則被殺。因之十月革命前。俄羅斯全體國民。中止戰爭之念。其熾。並不計條件之如何。當時臨時政府之格達斯基氏。以為皇朝雖倒。不顧民意。仍欲以衛國為詞。鼓勵民衆作戰。而民衆則欲講和。甚切。因對新政府極懷不平。斯時列寧乃得德國之援助。還俄。列寧智慧過人。首先聲明。如自己當國。即決然停戰。以是大得民衆歡迎。是為革命成功之最大原因。此外尚有一大原因。即前言之民族獨立是也。民族

獨立。在今日之俄國。有顯著之發達。而現在俄國中多數之民族。如前所云。不但在中央執行委員會有充分之發言權。各個民族自身。又可握自治行政。例如某州之中俄人最占多數。則是州之行政及教育皆以俄語行之。若另一州德人占多數。則行政及教育皆以德語行之。或有某一縣中華人多數居住。則亦可以華語行之。要之各地方大多數民族之便利。乃其行政之目標。思想亦依民族為從違。其尊重民族自由達於極點。曩時惟俄人獨步橫行。其他皆俄之屬國。備蒙壓制。今見允許民族自治。是以各方面皆表同情。而支持共產黨之政權。遂以容易得成統一之大業也。

△△山市誌異


宗。碩。

合肥王季和君。近著有邱虎百詠。各附注語。排印分贈友人。余亦得一冊。卷首有題辭者數人。顧藝蘭君題七絕兩首。其第二首注云。己巳春。余與董曉岑諸君。游虎邱劍池上。忽見四角危亭中。矗石碑。高五六尺。刻可中亭三字。大逾尺。急招同游往觀。已杳。嗣質諸李伯琦先生。先生云。古籍有謂山市者。或即此歟。顧君第二詩。並錄於下云。虎邱勝境昔曾經。幻跡相逢事竊冥。我與山靈應有舊。荒巖忽現可中亭。按李先生僑居吳門。可就訪之。顧君里第何處。尚未悉也。

河豚考

迷覺

河豚之名。山來已久。信及豚魚。見於易經。莊子適見狔子。食於其死母者。則豚或作狔博雅。鯀鯀。鮪也。背青腹白。觸物即怒。其肝殺人。則博雅所謂鯀鯀者。蓋即河豚。而本草集解。河鮪狀如科斗。大者尺餘。背色青白。有黃縷。無鱗。腮目能睜者。有毒。一名鯀鯀。一名鯀鯀。一名鯀魚。本作豚。則本草集解所謂鮪者。又即河豚。山海經敦水東流。注于雁門之水。其中多鮪。鮪之魚。食之殺人。本草謂即鯀鯀。則山海經所謂鮪者。又即河豚。左思吳都賦。鮪鮪鮪。註謂鯀鯀。狀如科斗。大者尺餘。腹下白。背上青黑。有黃文。是與博雅所載鯀鯀。正復相同。則左思吳都賦所謂鯀鯀。又即河豚。王充論衡。鮪肝殺人。而雷公砲炙論。鮪魚一名鯀魚。一名鯀魚。日華子謂之鯀魚。今謂之河豚。本草鯀魚。名鯀鯀。以物觸之。即噴腹如氣球。亦曰鯀魚。白背。有赤道如印。魚目得合。與諸魚不同。即今河豚則論衡本草所謂鮪魚鯀魚者。又即河豚。是可知鯀鯀。河鮪。鮪魚。鯀鯀。鮪魚。鯀魚。皆爲河豚之名。而鯀鯀。鯀鯀。鯀魚。等皆爲河豚別名。而各書所載河豚之毒。皆在於肝。此則凡食河豚者。所不可不知者也。



倫敦五國海軍會議紀事(四)

歷●
機●

延長三閱月之倫敦海軍會議。波折叢生。最近始有解決之勢。協定已在起草中。大約可得相當之收穫。於各大海軍國財政方面。不無裨益。所望列強能革面洗心。勿再從他方設法擴充軍備。則固全世界愛好和平人士所熱望也。茲續前紀。(見本報第八期) 叙述海會經過如次。

(十九) 法國閣潮期間之海會

自二月十九日海會因法國閣潮正式宣布休會起至三月七日法代表重行出席倫敦會議時為止。在此二週有餘之時間中。海會迄爲沉寂。失望之空氣所籠罩。虛耗寶貴之光陰。引起世人之疑慮。推其原因。法國黨派之鬭爭。實不能辭其責。然日美二國乘此空暇。得進行其談判。實於海會前途。得益不少。日美雙方折衝人物爲日本駐美松平大使及美上議員李德。李氏於二月二十七日往訪松平大使。開始談判。雙方所談問題。包括裝備八吋砲位之大型巡艦。輕巡洋艦與潛艇等。形勢頗爲接近。惟日方對於七成之要求。則堅持頗甚。東京方面。空氣尤見硬化。日著名作家阪本男爵(海軍大將)於二月二十七日在報知新聞發表論文。稱日本不識美國有何實質原因。拒絕承認日本之七成要求。海軍省參謀

藤寬治大將。爲表示日本非獲得七成不可之決心起見。宣稱倘日代表承認七成以下之數字。則彼將提出辭職。是亦足以見日人爭持之熱烈矣。

在停頓期中。專家委員會亦仍進行工作。據二月二十六日公布。技術分委員會討論工作。包括一。豁免限制之艦隻。二。不列在分級中之特種艦隻。三。潛艇。現正由法學家重行研究。以人道方法運用潛艇之羅武草約。討論特種艦隻之專家委員會。於三月三日已將報告書結束。定於海會復開時。提出第一委員會。三月五日海軍專家考慮潛艇之取消。人道化與限制三項問題。當議決取消問題係一種政策。完全應由各代表團首領決定。關於人道化問題。在原則上達到同意。已由法律家起草條文。限制問題暫緩考慮。日本堅持應以二千噸爲最低限度。因在日

本北岸海中。較輕潛水艇不能適用。按以上各項專門問題。性質均甚重要。惟取消潛艇問題。目下尙難談到。則爲顯然之事實耳。

英保守黨對海會本甚冷淡。對於工黨內閣自動的削減海軍軍備。尤爲反對。二月二十六日英國海軍同盟在倫敦開會。通過反對海軍再有削減之舉。邱吉爾氏并以強烈態度。指摘政府在海會中。易於退讓。稱一海會一切其他國家。均準備增加相對的海軍實力。而英代表固反自建議。欲令首先削減海陸空軍軍備之英國。再行削減。不但對於其實際軍力



海軍削減問題
的失敗，便是
增加各國國民
捐稅的擔負，

芝加哥講壇報

爲然。即相對的軍力亦將在削減之列。美國海軍之大小。固與吾人無關。惟吾人聽海軍當局不偏私之勸告。應按照國會視作於英國安全上有需要者。從事建築。云此種攻擊更令海會之空氣呈現黯淡之色彩也。與英保守黨反對政府同出一轍者。有美民主黨上院議員主張召回代表一舉。三月三日民主黨上議員麥克凱拉在上院提議。召回倫敦會議美代表團。經民主黨其他上議員二人反對。希望美代表團仍繼續努力。削減均等數字。勿畏眼前困難。召回代表之議。始得以打消。三日美海

長亞丹姆斯在倫敦向美國人民作無線電廣播演講。請美人對倫敦海會代表取忍耐態度。亞氏謂「報紙與政界論調。漸形激昂。批評代表團耗費大宗金錢。但美代表團一年費用。尙不及一新巡艦代價。深信日美歧見。現已將近獲得了解。美將最後設法解決一切困難」云云。美代表諄諄求國人之諒解。可謂煞費苦心。

斯蒂生於三月五日發表宣言報告海會情形云。英美在大綱上議定之計劃。規定將美艦隊中已成。在建築中或批准建築之主艦。巡艦。毀滅艦與潛艇噸位削減過二十萬噸。英艦隊之削減。仍較此爲巨。倘令批准而並未動工之艦隻亦包括在現有艦隊中。則削減量將更大。斯氏並稱此項削減當然須視其他國家艦隊之削減爲轉移。綜觀以上半月消息。海會情形可謂極蕭索之致矣。

(二十)地中海安全保障之爭持

法開潮引起之沉悶。至達迪氏重出組閣。法代表於三月七日出席海會代表會議時止。告一結束。海會局勢至此。又呈峰迴路轉之勢。自三月六日至二十日之半月期中。討論焦點轉入法國要求地中海安全保障之一幕。此幕至二十日白里安悻悻返巴黎時。告一段落。美日談判於此期中頗獲得相當之進展。

初法蕭丹內閣曇花一現後。達迪氏內閣於三月五日組織完成。新聞閣議推舉倫敦海軍會議代表如下：(一)達迪。(二)白里安。(三)杜米斯尼爾(海長)。(四)比德里(殖民地部長)。(五)佛羅里歐(駐英大使)。(六)柯奎日克(上院海軍委員會委員長)。達迪並電致麥克唐納先容。電文稱「鄙人重膺組閣任命。特向閣下及英美義日各代表諸君敬謹致意。極願重新努

力合作以謀海會成功。麥氏覆電云：「來電敬悉。謹代表同人電賀並申謝忱。甚願與閣下共同促進海會工作。」六日晚白里安偕法代表團復返倫敦。與英外長韓德森把晤接洽。法總理達迪則因法國南部水災嚴重。隨杜美其總統前往查勘。未克同來。海會氣象因法代表半月之闊別重來前途又生希望。

七日晨為海會工作正式恢復之期。各代表團領袖在聖雅各宮集會。討論全盤局勢。對於促進工作表示決心。據稱總噸位與分級制之兩種限制方法問題爭執已經取消。專家報告中已將此問題之折衷辦法規定。



歐州外交界斷輪
老手白里安

並列有各級數字表格。此項報告於本日會中提交各代表團首領。大部分業被贊同。有關係密切之二問題。經本日討論結果。已交第一委員會再議。下午第一委員會接受關於不受限制艦隻之報告。準備提出全會委員會在事實上已承受在日內瓦會議時所起草約。惟有二種更改。一。將建議之除外艦隻速度限制。由十八海里增加至二十海里。二。在除外艦隻表上。加入小型裝載海面飛機三隻之母艦。在分級外之特種艦問題。大體已由第一委員會承受。但在提出前。仍須討論其噸位。是否

應列入各國總噸位以內。另一問題即為將來所建之中型飛機母艦。應列入何級艦類。按七日會議為法代表返英後第一聲。而最堪注意者。則為八九兩日白里安與斯蒂生及麥克唐二氏之晤談。

按此屆倫敦海軍會議之召集。宗旨在限制海軍軍備。以期減少各國財政上之擔負。本無裁軍之重大奢望。英美兩國事先獲得相當了解。對於縮緊樽節。不難一致。但法國所提海軍程序數字甚高。因是有牽動英美妥協之勢。故英美不得不設法令法國削減數字。而法國遂提出其對案。白里安重行返英時。其準備提出者即地中海安全保障公約。當羅迦諾會議時。法國曾向英國等要求保障歐洲西部和平。以為撤退德境駐兵之條件。英美今欲法國削減海軍數字。故法方又重師故智。以英美等保障地中海之安全為條件。此種要求固為自然之勢。各方多已料及。但美國向不願過問歐事。此為其傳統政策。縱令美代表有委曲求全之意。亦為上院與人民所不許。英國工黨政府。睹此國內疲敝之際。當然不願如保守政府對法多所承諾。以增添其擔負。故欲望法國能以取消其大量之數字。其下台方法。乃極難探索之問題。五國協定成敗之關鍵。殆即繫乎此耳。

法白里安與英美雙方接洽後。果未能得到任何頭緒。法方退一步欲求美國締結一諮詢條約。亦未邀允。美代表團感覺如簽署一諮詢條約。一則法國遇有戰事威脅時。美國在道義上。或將受該約所束縛。所負責任。或將超過於僅備諮詢問題。故美代表團對此事之情感。寧願拋棄五國條約。亦不願於承受此種諮詢之義務。美人所抱此種態度。非常堅決。經數日討論後。三月十二日白里安告法記者稱：「政治協定理想業經被擯。因此法國噸位數字實質削減之可能性。亦隨以俱逝。」

三月十六日法總理達迪氏親自出馬赴英。對法方要求作最後努力。達迪抵倫敦後。即與白里安轉赴乞克斯晤英相麥克唐納。會後達迪氏發表聲明。稱困難諸問題。爲一。法國在歐洲之安全保障要求。二。法國要求之大噸數及全比率問題。及意方對法之均勢要求。三。關於大巡洋艦之法國要求。安全保障問題既無法解決。故達迪氏又於十七日重返巴黎。加以法義之僵局無法打開。於是二十日白里安氏亦有巴黎之行。據法國言人稱。白里安返巴黎。係因被召出席下院外交委員會。不能視作海會破裂之暗示。並稱達迪與白里安二氏。擬不久返英。其緩急將視倫敦方面發展而定。路透社稱白里安返巴黎時。容色間頗爲愉快。並稱閱摩旅館。自窗戶中觀望天氣。毫無裨益。彼俟有工作可做時再來。法方態度之鬱結無聊。於此可見。

二十一 日美妥協案交涉經過

地中海安全保障協定既無法成立。五國協定當然亦無成立希望。於是三國協定之呼聲繼起。日美代表松平李德二氏之交涉。進行頗爲良好。三月十四日美代表李德向松平大使提出妥協案一件。其內容重要數字如下。

A. 大型巡洋艦	
美國	一八〇・〇〇〇噸
日本	一〇八・四〇〇噸
比率百分之六十略強	
B. 小型巡洋艦	
美國	一四三・五〇〇噸
日本	一〇〇・四五〇噸
比率百分之七十	

C. 毀滅艦

美國	一五〇・〇〇〇噸
日本	一〇五・五〇〇噸

比率百分之七十

D. 潛艇

美國	五二・七〇〇噸
日本	五二・七〇〇噸
美國	五二六・二〇〇噸
日本	三六六・五〇〇噸

共計

總比率百分之六九・七

此案主要點：(一)艦隻總噸數美方承認百分之七十。(二)大型巡洋艦美國十八隻。日本十三隻。(三)潛艇六萬噸。均勢一項。雙方承認小型巡洋艦及驅逐艦之均融。

關於輔艦之交涉。日美交涉中心之基礎案。大要如次。


一。美國新造裝備六吋砲十四門之巡洋艦五隻。或六隻。但對八吋巡洋艦。日本現在獲得對美百分之七十比率噸數。至於將來美國如有標準以外之建造。日本不表示反對。

二。在一九三六以前。日本如欲建造八吋巡洋艦時。則對美國建造三十五隻以上同隻艦樣。當然予以同意。關於此點。予以一種保障。

三。美國原則上有建造大型巡洋艦三隻之權利。其建造第一艦即第十六隻。有在次回會議前一年動工之權利。而日本之第一艦。即第十三隻。不得於美國動工後兩年以內動工。

四。日美兩國之潛水艇保有量。定爲六萬噸。不得超過。美方提案消息傳至日本後。日海軍省當局大爲震動。十五日海軍次官

山黎氏赴外務省質問幣原外相。日方是否有讓步之說。當由幣原否認。十七日日本海軍發表對美國最後案態度如左。一所謂美國最後案表



巨艦環繞之中海軍會議

倫敦晚間正報

要求。則不外乎將來不許日本代艦。久而久之。使潛水艦陷於完全廢止之用意。原來日本之總括的百分之七十的要求。分爲大型巡洋艦及潛水艇所需量之兩種爲根本。總之。美國對日最後案。雖表面上略有讓步。根本上仍然固執己見。外傳美國承認日之要求。是爲謬之甚者。日本海軍斷不能承認此種提案。云。

日海軍經慎重協議後。二十日發表下列一致之意見。一。偏重現實問題之議論。若再推進。不但無何等效果。返有致會議破裂之慮。故對數字上制限問題之折衝。暫時停止。另行研究打開局面方法。二。美國方面欲專以數字的制限解決之日美海軍均勢問題。日本可以某種政治的方法。提出新提案。打開日美問題。停頓狀態。

日政府鑒於日本海軍方面反對聲浪甚高。故對於若槻首席代表之回訓。極費斟酌。二月二十二日經一度閣議。加以討論。未有結果。美國駐日專使凱式爾氏曾於二十四日訪幣原。催詢意向。但日政府迄未能議定答覆。定於二十七日召集之特別閣議。亦宣告展期。海會形勢因之頓呈緊張之象。回訓至三十日始由外部起草完成。經四月一日閣議後發出。此半月中之推敲。令海會方面大有望眼欲穿之勢。其回訓內容對美方建議噸位數字。均已承受。惟有保留案四條如下。

- (一) 承受建議數字。並非放棄八吋巡艦七成之要求。亦非放棄維持現時之潛艇實力。
- (二) 因承受潛艇噸位。日本在目下至一九三六年間不得建築任何潛艇。但應容許日本於艦齡屆滿前。開始建築代艦。以便在此期間。船塢能得工作。

面上雖提示數字之讓步。其實對於爲輔助艦中心勢力之大型巡洋艦。完全以百分之六十之比率束縛日本。又對潛水艇協定五萬兩千噸之


(三) 承受輔艦數字。應視主艦休築延長期限而定。

(四) 此項協定至一九三六年底終止。

久在停頓狀態中之倫敦會議。因日本答復後。於是又見昭蘇之象。而三國協定在事實上遂等於成立矣。

(二十二) 國聯盟約之解釋與法義

吾人在敘述三國協定前。對於海會努力五國協定。以及其終告失敗之



法國太講天！可！的國要擊我！
法國太：呀！這怕德人來攻我們！

(德報諷刺法人對德國新發明袖珍戰艦之疑懼，——柏林德報——)

曲折。尤不能不加以敘述。當白里安氏於三月二十日二次去倫敦之時。雖謂法國國會有提案問題待決。然對於不能貫徹其安全保障之要求。實耿耿於心。但克唐納氏等非無挽回之意。觀其迭次聲明注重締結五國協定。即可証明。於是談判更由安全保障協定而轉入於解釋國聯盟約一途。以謀別開一蹊徑焉。

當三月二十六日白里安氏重返倫敦之日。喧傳美國有願意締結諮詢協定之說。法方空氣轉佳。但二十五日夜午。美代表團特發表一正式宣言云。『美國並無反對參加諮詢協定之意。但不願締結條約。令人誤解其所負義務。以為包含一作軍事協助之承諾。或向他國擔保用兵力與以此種保護。倘令美國締結此類條約。作為他國削減海軍之交換條件。或將引起此種誤會。法國一向要求担保相互間之軍事安全。作為海縮條件。故現下情勢。實有誤會危險。但倘令此種安全要求。能用他法滿足。則諮詢協定誤會之危險。可以免除。此項問題將由一完全不同之觀點。可以達到。美代表團對此將竭忱考慮云。』此又不啻予白氏以當頭之棒喝也。

白氏與英美會商結果。代表團令各該國專家調查報告國聯盟約第十條與十六條範圍。以求是否能獲得一種公式。可令法國獲得其所欲之額外安全保障。作為其削減海軍噸位之先決問題。不致令英國在軍事上更負何義務。專家調查之文件。除國聯盟約外。尚有羅迦諾條約與開洛格非戰公約等。英法專家討論至三十一日完全發生僵局。適是時日回訓已到。至四月四日英美對五國協定遂均有拋棄表示。白里安氏有電話至巴黎與達迪協商。二人結論。亦以情勢為無望。於是五國協定之命運。遂終歸失敗。

法義僵局亦為海會一大阻碍。始終未見接近。義代表葛蘭蒂氏重返海會已二月餘。談判無有進步。甚為鬱鬱。據四月五日羅馬訊稱。『義國各報現認倫敦會議失敗。為一種事實。並詳論近頃發展。謂義大利決不能承受如法國所提之有彈性與含混的方式。義大利紀事報宣稱。義大利將不放棄與法均等之要求。以及大海軍國地位。對任何壓迫。亦不能屈服。海會現已失敗。倘欲規定責任。義大利不能肩負云。』可見義方悲觀之一斑矣。

(未完)



中國逐漸采行金本位幣制法草案（二續）

財政部甘梅爾設計委員會擬

金本位基金之帳目與資產得隨時無須報告由一委員會或會計師一人或數人審查證明之。此項委員會或會計師由左列五團體之一或其二團體以上之聯合組織委任之。（一）上海錢業公會。（二）上海銀行公會。（三）上海外國匯兌銀行公會。（四）上海商會。（五）中央銀行董事會。前項各團體之中任一團體或其任何聯合組織得隨時並任意對金本位基金從事前述之審查並得公布其審查結果。前述審查於按——法規定由國民政府監察院審核證明及按一般銀行法規定由銀行總監審查之外獨立行之。

第五章 金本位通貨對於非金本位通貨之逐漸代替

第二十五條 金本位貨幣對於現行貨幣之代替由「全國幣制委員會（National Currency Commission）主持之。本委員會自本法施行之日起由財政部長設立之。

第二十六條 全國幣制委員會以委員三人組織之。依本法第十六條所設之幣制處處長為本委員會當然委員長。其他委員二人須對於貨幣範圍具有專門學識。由財政部長委任之。除委員長外委員之任期為二年。期滿得重被委任。委員須以全部時間為委員會服務。年俸每人——孫對於因公出外時領受必要之川資旅費。幣制處處長對於本委

員會之任。務不另支薪俸。但因公出外時得與其他委員同領必要之川資旅費。本委員會應受外國幣制專家一人之輔助。由財政部長任用之。其報酬及雇用條件由財政部決定之。本委員會依法律之規定及財政部長之認可得設書記及其他助理人員。所有委員專家助理人員等之薪俸及本委員會之其他費用應編列每年度預算由國庫支付之。

第二十七條 全國幣制委員會於其工作之進行上以各省幣制委員會輔助之。此項省幣制委員會於財政部長認為對於全國幣制委員會在各該省之工作有必要時即於各該省設置之。每省幣制委員會以委員三人組織。由財政部長依全國幣制委員會之提名委任之。其任期為一年。期滿如財政部承認為於公眾利益有必要時得續行委任。委員三人中由財政部長指定一人為委員長。各省委員會直接對全國幣制委員會負責。其任何委員得依國幣制委員會多數委員會之請求由財政部長隨時解除其職務。各委員每人年俸——孫對於因公出外時領受必要之川資旅費。所有省幣制委員會委員助理員等之薪俸及委員會其他行政費均須制列預算由國庫支付之。

第二十八條 全國幣制委員會經各省幣制委員之協助為每省或於必要時為一省之每縣製備機關於幣制改革之宣傳計劃。此項宣傳計劃應將幣制改革之事實由報紙傳單招貼講演以及專供學校應用

之小冊與其他種種有效力方法宣傳之。綜上述各種方法。以淺顯之文字或言詞使公眾明白關於幣制所爲之改革。關於改革之主要理由。關於新幣制較舊幣制之優點。關於將來行用舊幣之限制與懲罰。關於舊幣兌新幣之換算率與其兌換之地點。關於持有金本位貨幣者在金幣匯兌上之利益。以及關於在全省各地方按平價任意將各種金本位貨幣互相兌換之權利。此外並須宣明法律上對於偽造金本位貨幣之處罰。務使公眾知此項處罰定必厲行。

第二十九條 全國幣制委員會依各省幣制委員會之協助。應調查各省在流通中之各種通貨。以及每種通貨發行流通之條件。與其價值。並隨時依財政部長之需要。以調查所得之結果報告之。

第三十條 全國幣制委員會應隨時以孫幣對他幣之兌換率建議於財政部長。俾兌回及撤回在流通中除十文銅幣外之各種非金本位貨幣。而履行國民政府所負之責。前述兌換率得因各種貨幣而殊異。並得因所在地不同。致同種貨幣亦有殊異。所有兌換率依委員會之裁奪。認爲公眾利益所雪者。得隨時變更之。訂定此項兌換率時。應根據各種貨幣所含金屬在世界主要金屬市場之時價。並根據各種貨幣於預期施行官定兌換率之日期九十日以前在其流通之各該地對於金貨之約價。此外又根據其他種種資料。務使委員會所訂定之兌換率。於政府人民債主債戶均得其平。

財政部長就前述全國幣制委員會之建議加以考慮。即依建議之根據。隨時爲各省或各縣發布認爲有利於公眾之各種貨幣兌換率。依本法之規定。所有財政部長對於兌換率與其適用地域及時期之決定。應認爲最終者。

第三十一條 現行之十文或一分銅幣（以下稱爲單銅幣）應暫時容納於金本位幣制內。而定其價值爲半分。財政部長於諮詢全國幣制委員會後。應就每孫得兌單銅幣二百枚以上之地點設法逐漸撤回此項在流通之單銅幣。此項撤回單銅幣之舉動。應繼續進行。直至全國各地單銅幣一律達於每孫二百枚之齊整率爲止。在本法施行時或於政府繼續其通用單銅幣之政策時。設有某地單銅幣之價值漲至每孫所兌不滿二百枚時。財政部長得以在他地撤回之單銅幣行用於該地。至每孫以二百枚爲準。俟有三省以上之單銅幣確能保持每孫二百枚之兌換率時。財政部長應即宣布正式鞏固單銅幣之日期。但以適用於各該省爲限。此日期稱爲「銅幣鞏固日」（Copper Coin Stabilization Date）。此後如有他省亦能保持每孫二百枚之兌換率。財政部長應隨時爲各該省正式宣布其銅幣鞏固日。財政部長對於業已宣布銅幣鞏固日之各該省。應即行使本法第九條所規定之半分新銅幣逐漸使舊日的單銅幣停止流通。嗣後所有舊單銅幣仍得在各該省中用以繳付於國民政府省府及地方政府一切應繳之款項。按角孫二百枚計算。並得按此率由政府兌回之。財政部長認爲任何省之舊單銅幣大部分業已停止流通時。應即在各該省中行使金本位一分新銅幣。一省之銅幣鞏固日得與本法第十二條規定之金本位幣制通行日相同。或依財政部長之裁奪改在金本位幣制通行日之後。所有舊銅幣除由財政部或代財政部輸運者外。自本法施行之日起。不得自一省運至他省。或於本國與外國間互相轉運。直至財政部長正式宣布全國各省單銅幣均已鞏固之日爲止。凡違反前述禁令以舊銅幣輸運或企圖輸運於一省與他省之間或本國與他國之間者。除沒收所運舊銅幣外。並處運輸者

或企圖運銷者以二十五條之罰金。

第三十二條 所有本法第三十條規定金本位貨幣對於非金本位貨幣之兌換。由國民政府或其附屬機關代表國民政府施行之。凡由流通中撤回之貨幣應銷銷之。自此所得之金屬由政府重鑄金本位貨幣。或依公眾利益之需要出售之。

第三十三條 全國幣制委員會應建議辦法於財政部長。將中華民國境內現行各種紙幣永久停止其流通。而以金本位貨幣及中央銀行金本位紙幣代替之。

第三十四條 財政部長根據全國幣制委員會所供給之資料及其建議辦法。並根據所得之其他資料。為每省正式宣布其一紙幣最後收回日(Final Note Retirement Date)此種紙幣應於一年以前對各宣佈之。亦不得早於各該省之債務到達日或後於此日二年以上。

第三十五條 各省或各地方曾經發行紙幣。或擔保任何國幣之兌換。或直接支配或以所占股份而支配發行紙幣之任何銀行者。應自本法通過之日起。停止此種紙幣之續發。並設法以平價收回並撤廢現在流通之紙幣。

但財政部長對於某省或某地紙幣於其流通時。較原票面各價值為低者。應將各該省或該地方情形及各該種紙幣之流通價值調查明確後。如認為利於公眾。得准許各該省或各該地方平價以下兌回其所發紙幣。此種減低兌換率。由財政部長依全國幣制委員會之建議決定之。務期對於公眾及負責發行之各該省或各該地方均得其平。本條所稱一省或一地方之紙幣當然指本法所舉之各種紙幣。某省或某地方若不能有紙幣最後收回日以前收回所有發行之紙幣。各該省或各該地方

應於是日以前以金本位存款存入中央銀行在各該省之分行。如該省並未設有中央銀行分行。則改存於在各該省內經財政部長認可作為中央銀行代理處之其他銀行總行或分行。此項存款數目應按紙幣最後收回日各該省內舊幣對金本位貨幣之兌換率。足抵其未收回紙幣數目所代表之兌現款項。但遇前述特許按平價以下收回紙幣時。此項存款以足抵按財政部長特許減低之兌換率收回未兌現之紙幣全部為率。前項收回紙幣之代理銀行。以各該省或地方之代理資格。兌回所有未兌現之紙幣而停止其流通。以所任業務之詳情報告於各該省或地方。並以作廢之紙幣繳還之。自紙幣最後收回日起屆滿三年。前述代理銀行應將存款未經用以兌現之剩餘部分繳還於各該省或地方。自此以後。各該省或地方對於任何人交出尚未兌現之紙幣。應按所定兌換率直接負兌現之責。直至此項責任經國家法律解除後為止。

但某省或某地方無力提繳前述之存款。經財政部長據全國幣制委員會之調查報告認為滿意時。得依財政部長之書面允許。以各該省或地方充分保息之債券連同此項書面允許入前述之代理銀行。此項債券須按金本位貨幣支付。其票面總額並須足抵尚未兌現紙幣全部之平價。或有特別情形足抵前述兌回紙幣之減低價。所有債券應附利息票。每券額面為十孫或其倍數。其利息每半年須付一次。其本銀限於二十一年以內清還。債券條件須經財政部長認可。某省或某地方之紙幣。按官定兌換率湊足十孫或其倍數時。得持向前述代理銀行即按平價換取同數之債券。代理銀行於交出債券時應將兌換日期前所有應行支付之利息。及兌換日期後應行支付之第一張利息票剪下。送交各該省或地方之有權代表人。

前述代理銀行爲某省或地方收回紙幣以勞務應受取公費其數等於兌出金本位貨幣數量一厘之四分之一或按平價改取債券。

第三十六條 本法所稱發行銀行指任何團體或個人無論爲銀行商或私人從事於紙幣發行作爲貨幣而用之者。

除中央銀行及除本法第三十五條第一段所揭載之省銀行或地方銀行外任何發行銀行尙於未兌回之紙幣者應於本法發生效力之日停止發行此項紙幣又除下文規定者外應設法以平價收回及撤回所有未兌現之紙幣但財政部長對於任何銀行其紙幣價值於本法施行時實際已較幣面減拆者得調查該銀行情形及其紙幣在流通時之價值後認爲有利於公衆時特許其在平價以下兌回所發之紙幣此項按平價之低折時由財政部長依全國幣制委員會之建議決定之務使公衆及負發行紙幣之銀行各得其平除以下文規定者外凡在一省紙幣最後收回日以後未經兌現之紙幣應即課以一種稅其稅率應以每月流通之最高額爲根據自紙幣最後收回日起第一年内每月課以半厘每二年每月課以二厘嗣後每月各課以一厘半此商應按紙幣額面代表之貨幣依官定換算率以金本位貨幣繳納之。

自紙幣最後收回日起任何發行銀行之流通紙幣不超過前述收回日以前兩年內流通紙幣最高額百分之十時如該銀仍行繼續撤回並注消所有交來兌現存儲或付債之紙幣得免其繳納前項之課稅此項免稅應自流通紙幣額降至百分之十以下之第一月起發生效力。

於本法施行前曾在國民政府註冊而繳足資本五百萬以上之發行銀行得按其一月內持有國民政府公債之平均數量減免其同數量流通紙幣應繳稅率四分之三但此項減稅紙幣之額無論何時不得超過該

銀行於紙幣最後收回日所持爲之國民政府公債上月之減稅流通紙幣之最高額即爲下日減稅之最高額。

前述發行銀行所持中國政府債務之數量如發生意見時須依國家信用法第一條規定之方法解決之在紙幣最後收回日以前國民政府應將對於前述發行銀行尙未償還之債額全部以現金及依本法第二十七條規定之各類公債或專以此項公債償還之但各該發行銀行若根據原定契約上之權利不肯接受者不在此例前述債額用各類公債償還之比例數由財政部長決定之。

除中央銀行外任何發行銀行於本法施行之日以後尙有紙幣在流通中者應於每月一日至五日之間對於銀行總監如未設有銀行總監時則對於財政部長所指定專對此事負責之人員報告上月內未兌現紙幣之每日平均數上月任何日未兌現紙幣之最高數以及上月中國政府對該銀行債務已遲未還部分之每日平均數及最高數銀行總監或財政部長指定接受前項報告之人員應將所有未兌現而應行課稅之紙幣數量通知負責徵收本條所稱紙幣稅人員。

第三十七條 財政部長因依本法第三十六條規定償還對於各銀行之債務有權發行總額不超過——孫之公債此種公債按年利息——厘每半年發付一次分爲若干類發行每類在——年內清償第一類於——年期滿稱爲——類第二類於——年期滿稱爲——類除照此類推至最後一類於——年滿期稱爲——類每類債額之異同由財政部長決定之。

前項各類公債應具充分擔保品又爲保護其本息之迅速償付起見應由——於每月一日以受任保管人一人之名義將至少等於全年需款

十二分之一之款項存入——此項存款由保管人用以應付前述公債之本息。

第三十八條 凡銀行商店或私人不能遵行本法第三十六條之規定者。應由銀行總監宣布其無償還能力。依一般銀行法之規定清算之。遇有前項不能償還之事實。而一般銀行法尚未制定。銀行總監一缺亦未設置時。所有本條銀行總監行使之職權。應依現行法律由財政部長指定財政部員一人執行之。此項代行銀行總監職權之專員應有相當之助理人員。其薪俸及辦公費用均由財政部長決定。列入預算之內。所有關於銀行或銀行業者之清算費用。應就該銀行或銀行業者之資產最先償付償還政府。

第三十九條 本法對於中華民國與任何外國締結條約所規定之權利絕不損害之。

第四十條 本法於通過後六個月以內發生效力。其發生效力之日期由國務會議議決公布之。

本法草案提要

第一章 本位價值單位

第一至第二條 采用金本位。其單位定名為孫。含有純金六〇・一八六六公毫。

第三條 一孫分為一百分。一分分為十釐。

第二章 貨幣與造幣

第四條 貨幣應由國民政府專造。

第五至第九條 貨幣之種類重量成分如後表。

種類	銀	幣	純銀	幣
			銅幣所含純銅	百分之九十五

重量	所含純銀	純銀成分	重	量
一孫	二〇公分	一六公分、八〇〇		
五角	一〇公分	七、二公分、七二二〇		
二角	四公分	二、八八公分、七二〇		
二角	四公分		四、五公分	
五分	二分		三、五公分	
二分	一分		五公分	
半分	五分		三公分	
二厘	一分		一、五公分	

第十條 貨幣之圖案及其他詳細條件由財政部長決定。

第三章 金本位幣制之法律上地位

第十一條 公差之限度須規定。

第十二條 財政部長為各省宣布其金本位幣制通行日。此後金本位通貨得依法通行。並得用以對政府繳納一切款項。其與銀幣及其非金本位通貨之兌換率由財政部長規定之。

第十三條 財政部長宣布金本位幣制通行日。至少一年以後。應宣布金本位法幣日。此後所有政府支付之款項應按金本位通貨確定及支付之。

第十四條 金本位法幣日以後。除別有規定者外。所有訂定契約均以金本位通貨為唯一之法幣。金本位貨幣之法幣程度亦於本條規定。

第十五條 財政部長應為各省宣布其債權換算日。但是日不得在金本位法幣日之前。自債務換算日起。所有以前或以後所負之債務或其他責任。照約以非金本位通貨支付者。應按財政部長所定兌換率以金

本位通貨支付之。

第四章 金本位之維持——其行政機關與運用方式

第十六至十七條 財政部設幣制處。掌管金本位基金及關於設立及維持金本位幣制之其他事務。關於處長副處長及其他助理人員之任用亦於本條規定。

第十八條 創立一種基金以設置及維持金本位。左列各種收入均撥入本基金。一、新幣鑄造所得之利益。二、出售滙票所得之滙水。三、基金存儲於外國之部分所得之利息。四、對於中央準備銀行所征之許特及準備不足稅。五、發售政府所占中央銀行或中央準備銀行股份所得之代價。六、因運用金本位幣制所得之其他收入。七、為鞏固幣制所舉之借款。本基金不得少於在流通中金本位貨幣總額百分之三十五。

第十九條 本基金應分為兩部分。計開。第一部(甲)存於國內外之金條及金幣。(乙)在外國之金存款。(丙)在外國金融中心地存放本基金之銀行所出經其他股實銀行允兌之票據。第二部(甲)中華民國境內所有金本位貨幣。(乙)政府購備供製幣目的之金屬。

第二十條 幣制處有權設立金本位基金事務所及委任代理處。

第二十一條 金本位貨幣被持赴國內主要地方基金事務所及代理處兌換時。要依幣制處處長之決擇以左列各頂之一兌回之。(一)每件約值一萬五千孫及二萬五千孫之金條。其兌換率以六零。一八六六公毫之純金為一孫。(二)金本位基金向國外存款銀行之電匯。(三)向前項存款銀行之即期滙票。(四)向前項存款銀行之六十日期滙票。前

述電匯及滙票每次不得少於二千孫。並按照現金輸出點征收滙水。

第二十二條 所有兌回之金本位貨幣應即停止其流通。除因應付外國向本基金所出之滙票或本基金之行政經費外。不得再行提出流通。第二十三條 國外存款銀行得接受現金售以向國內金本位基金兌款之市滙即期滙票。或六十日期滙票。每次至少二千孫。其滙水以能代表金貨輸入點為準。

第二十四條 國內金本位基金事務所及代理處應存備金本位各種貨幣。供公眾請求兌換。幣制處處長應按月公布關於金本位基金情形及運用之報告。本基金除由政府機關常川審查外。並隨時由左列各機關單獨或聯合審查之。(一)上海錢業公會。(二)上海銀行公會。(三)上海外國滙兌銀行公會。(四)上海商會。(五)中央銀行董事會。(未完)

南開大學周刊第八十一期出版了

第八十期要目如下：

蒲薩凱雷論歐洲和平
一忠的性質與需用
一幕無結果的喜劇(獨幕劇)
姐姐(小說)

第八十一期要目如下：


南滿鐵路之概況及收回之辦法
唐玄奘法師生年及西年遊代考
分類教育中職業教育的地位
求婚(獨幕劇)

細目未載 定價每冊五分郵費在內

總發行所 天津南開大學出版社

一週聞 國內外 大事述評

自十九年四月十一日起
至十九年四月十七日止



時局有持久之勢

北方軍事系統樹立後。中原大戰。原已迫近。乃自蔣介石視察徐州後。時局空氣漸感沈悶。大有持久之勢。已樹必戰之勢。反作不戰之態。曠日持久。使社會常陷於半死的狀態中。當事者害民之罪。浮於戰矣。蔣回京後。日傳將赴漢口。傳至現在轉無消息。南京衛戍部奉命傳令各團體。暫行停止集會結社。此緊張之象徵也。而全國教育大會與首都建設委員會。十五日同在寧開幕。以點綴昇平。至關於軍事形勢。西北軍集於鄭州。未聞前進之命。晉軍亦無南進模樣。蔣軍且有津浦退却。平漢集中武勝關之說。禮讓文章已告段落。目前之軍事形勢。似亦有禮讓之風。誠內戰史中之奇觀也。略述本週情勢如次。

蔣回南京 赴漢無期

蔣自徐州南返。十一日晨一時半抵浦口。適大雨當宿車上。六時半始過江入城。何應欽遂於當晚乘江天輪赴漢。十三晚蔣在宅宴朱培德賴心輝。

馮華堂魏益三等。連日盛傳蔣將赴漢視察。漢口並在從事籌備歡迎會。然迄本週止。蔣赴漢之消息。轉形沈寂。同時並傳漢口方面將撤平漢南段之軍隊。集於武勝一帶。真相雖難判斷。平漢津浦軍事之沉悶。則事實也。

最近各方 軍事情況

據各方報告。現在軍事情況如左。(一)新鄧石友三部。現只餘交通旅。其餘全部已集中曹州。其先頭部隊薛傳鋒部約萬人。將達濟寧。但向無作戰行動。韓復榘為避免與石部作戰之故。向蔣告奮勇。担任津浦北段。故與馬鴻逵部同由魯西北移。蔣遂委韓以第一軍團總指揮之名義。負津浦線軍事責任。(二)南京之津浦線主力軍隊。劉峙顧祝同部。不越徐州北來。現在母寧探進一步的縮短戰線之姿勢。一方令平漢路豫軍隊撤至武勝關。扼守豫鄂交界。近日該段內之軍隊。正在南移中。樊鍾秀部未移動。樊與太原正接洽中。觀南京軍略。已放棄黃河之線。而集中江淮間。以兼顧南北。固長江根本。至臨海前線。惟第三師陳繼承部。為其主力。軍而山東軍事。則令韓復榘陳調元負責。酌量攻守。(三)馮何時抵鄭州。尚無確期。迄最近止。尚在滯留。現在西寧寧夏已交馬鴻逵負責。所有陝甘軍隊大部已陸續出潼關。張維樞部占老河口屬實。此外各軍現在到達之地點及其路線不甚明。(四)平漢線之黃河南北岸。現已由晉軍接防。

謝鄒之并赴袂聯

鄒謝赴并
會商黨務

國聞週報 第七卷 第十五期 一週間國內外大事述評

將視軍事爲轉移之時局。黨務政治等問題。亦多醞釀。陳公博等赴并後。未見有何結果。鄒魯謝持又承閻約而赴并。鄒謝一行於十一晚由平啓程。



(持謝左魯鄒右)

十二日晚抵并。廣以前馮玉祥寄居之傅公祠內。閣因患感冒。未及即見。委趙丕廉負責接洽。十四日下午陳王鄒謝等在山西大飯店舉行茶話會。晉方有趙丕廉榮鴻臚率仁發袁鴻吉郭懋治等參加。決由陳王等電汪精衛促速北上。閣於十五晨赴晉公祠訪鄒謝等。談約二小時。望鄒等對黨務問題化除成見。與汪等共同負責。十六日太原電。陳公博語人。彼接汪來電決北上。惟行期尚未定。是汪尙無北上之確期。十六日太原會議。陳公博鄒魯等及各代表。均促閻速組政府。閣表示本人無成見。惟望組文治政府。武力居於服從地位。產生必須合法云。

汪精衛之時局談話

一日香港函。此間發表南華通信社記者三月二十三日下午二時訪汪之談話。經汪親筆修改後發表如下。

(問)請恕直言。先生此次討蔣。原爲護黨。然近日寧方紛紛宣傳。謂閣是不要黨的。先生與之合作。護黨之義安在。願聞其說。(答)當閣未發蒸電約蔣同時下野以前。未聞寧方謂閣不要黨也。一發蒸電。則立刻謂閣不要黨矣。然則所謂不要黨。直不要蔣耳。而不要蔣在彼輩視之。則以爲不要黨矣。人謂彼輩心目中。蔣即是黨。黨即是蔣。一觀於此益信。我將套某種語調曰。蔣外無黨。矣。汪氏語至此。不禁失笑。(問)然則先生以爲此次與閣合作。即可達到護黨之目的歟。(答)吾人自四中全會以後。對蔣已失望。然猶委曲求全。直至所謂第三次全國代表大會出現。黨的名實俱亡。吾人始不得已而宣言否認。蔣於此時。不惟無一點覺悟。反恃其兵力。以摧殘異己。激起黨內戰爭。吾人始再不得已而宣言討伐。護黨之目的。不僅在黨統。尤在恢復黨的民主集權制度。俾能領導民主勢力以根本消滅封建勢力。然不幸馮軍敗於登臨。李張諸軍攻廣州未克。唐軍

敗於駐馬店。在軍事上不能不謂爲一大挫折。當此之際。蔣的反動勢力。將以爲莫予毒也已。及閣繼起。而蔣的反動勢力始日即於崩頹。至於黨統問題。及恢復黨的革命性問題。此不能屬望於任何一人。當以大多數同志之努力如何爲斷。(問)蔣倒以後。最低限度之設施。可得聞否。(答)全般設施不能於短促談話中盡之。然舉其大者約有數端。(一)須注意於組織民衆。否則自國民會議以至地方自治皆成空談。(二)繼續進行廢除不平等條約。(三)保障人民生命財產自由。(四)財政公開。(五)重新厘定黨部與政府機關之權限。黨部處指導之地位。不可直接干涉行政。致演成兩重行政機關之惡現象。(六)不可以黨部代替民意機關。即在民衆團體中。亦祇能發生黨團作用。以上六條。所以特舉而出之者。因南京現在一切措置悉與此原則違反。而其一切罪惡即由違反此原則而發生滋長也。(問)尙有一事。欲得先生解答。先生日前通電。說明第一次全國代表大會。尙係用總理制。第二次全國代表大會。則所有代表皆依章選舉。由此證明第三次指派固定代表至百分之八十以上之非法。一般同志。多已瞭然。惟聞南京尙有人謂第二次中央執監各委員係用固定方法產生者。然否。(答)全非事實。當第二次大會將選舉中央各委員時。有代表數人提議。宜先之以介紹。以期選舉得人。於是決議。凡代表連署十人以上。則得提出當選人名單。由主席團彙集此種名單。印成一名冊。其人數數倍於委員名額。以之分發於各代表。聽各代表詳加考覈。然後在此名冊上。擇其所欲選舉之人。加以標識。即以此名冊代選舉票。公推查票員若干人。監查若干人。公開檢點。以多數者當選。此種方法有三特色。(一)凡一人之見聞有限。集多數人之見聞。而加以考覈。則其選舉必更公。(二)名冊祇是介紹性質。絕無強迫性質。(三)名冊有空白。選

舉者如不以名冊上所開人名爲滿足。可在空白上填寫他人。絕非以名冊上之人名爲限。如此則不足十人連署。以提出名單者。亦未嘗侵其選舉之自由。綜上三點。則當時選舉之周詳慎重。爲何如何。能謂之用固定方法產生乎。(問)有人謂近日于右任氏來見先生。商注蔣合作。然否。(答)我可確實聲明。絕無此事。

東北態度

仍前不變

東北態度。久爲各方注意。大體觀察。當局之態度。迄未變更。南京忽於十四日下令任命胡若愚爲衛生部政務次長。王家楨爲外交部常任次長。胡王均爲接近東北之人物。此項任命。頗引起各方之懸揣。惟據熟悉東北情形者談。蔣介石向張學良要求保薦人才。加入政府。遠在數月以前。曾有正式電報。表示意思。其時正爲蔣馮翻臉。西北方面關係人員。悉行退出政府。蔣乃請東北荐人以補西北遺下各缺。此次胡王之任命。當係種因於彼。尙非最近新起之事。遼方對於時局。保持和平。不入漩渦。態度至今未變。蓋老成持重者。固不主張再開關內政事。而新學之士。鑑于黨務糾紛難決。亦認旁觀政策爲較適宜於東北之歷史地位。故目前一時當係繼續此種態度云。又聞又派楊廷溥孔繁蔚赴東北。楊孔二氏於十四日抵瀋。謁張學良。馮之代表門致中在瀋接洽事畢。十五日晚車歸平。張學良派富占魁同往謁馮鹿鹿報聘云。

陳濟棠有

辭職之說

兩粵戰事。持久而疲。近中原多事。張桂年擬乘機反攻。蔣亦有先行收拾桂事之決心。故最近兩粵情勢。又由疲憊轉於活潑。惟路透社電報告陳濟棠有請辭粵軍總司令之說。真相如何。頗堪注意。廣州四月十六日路透電。陳濟棠十三日電。辭總司令職。陳銘樞派陳策赴梧。請濟棠重振考慮。

頃陳策已返省城。未得要領。北平四月十六日路透電。據聞陳濟棠辭職原因。半爲與陳銘樞對軍費有爭執。半爲粵軍缺少圖志云。

編遣之調

宣告絕響

編遣聲調傳布以來。斫殺之聲隨之而起。字義雖佳。已成亡國之音。近以蔣閣反目。黨國現狀。益難爲諱。寧國府以編遣既停辦。原議決京內外各機關八折減薪以充編遣費案。自應取消。十一日國務會議通過所有存交銀行項存款一律發還。十二日南京財政部復令編遣庫券各勸銷處。當日起暫停止勸募。南京始已厭彈此調矣。惟在北方尚未輒成絕響。十六日北平訊。平市攤派編遣庫券共二十萬元。前經總商會議決攤派方法。以各商號應納鋪捐等級爲標準。編券勸募委員會特通知平市各商號。於三日內赴該會交款。再持赴總商會換領庫券。茲錄其通知原文如左。

查民國十八年編遣庫券。本市應攤四十萬元。迭奉總司令閣一再電催。趕爲勸募。前由本市總商會提議。邀集紳商各界組織勸募委員會。以便辦理。業於上年十一月組織成立在案。查全市商號。認銷半數。共計二十萬元。業經擬訂方案。以各商號應納鋪捐等級爲標準。計三等鋪捐以上。每元按十五倍攤認。四等以下至九等鋪捐。每元按五倍攤認。元等季捐以下。免予攤認。當經北平總商會全體會員開會討論。一致議決。事經數月。不容再事延緩。業將該庫券票面二十萬元。妥交北平總商會保存備用。茲特附印各等商號認購編遣庫券數目表。通知各商號。務於接到通知三日內。逕赴本會交款。隨時掣給收據。以憑持赴北平總商會換給庫券。是爲至要。特此通知。

中俄會議之消息

關於中俄會議問題。自二月八日外交部發表對伯力協定發表似承認。又似不承認之宣言後。俄方久無表示。紅色外交之趨向如何。頗惹懸念。至本週始有相當着落。外部駐哈特派員鍾毓氏。於十二日正午十二時。鍾氏偕同秘書黃鴻墀。赴南崗吉林街蘇俄領事館。訪晤梅尼可夫。面致通知。其原文云。『爲照會事。本國政府已特派莫德惠爲中蘇會議全權。



代表人 方加 拉罕

代表。莫代表擬定五月一日由哈啓程赴莫斯科會議。相繼照會貴總領事查照。一鍾氏並聲明。請其轉達蘇聯政府。旋據蘇聯社十五日莫斯科電報告。蘇俄政府機關報「伊思凡士西亞」報社評述及中俄會議召集期近。中國國內發生內閣。並對現在哈埠之寧外部特派員鍾毓之正式宣言表示歡迎。因其能令較伯力草案規定日期延緩三月開幕之會議前途可以明瞭。該報對委派莫德惠爲中國代表領袖表示滿意。謂莫氏不贊成反俄冒險之聲譽。足令人信彼對於會議各問題能用事務的方

法。善意接洽。足能造成友誼與合作空氣。現時中俄共同管理中東路工作。亦係乘此特性。該報並向華代表證明。蘇俄代表抱有誠懇意志。擬以平等與相互的於雙方有益之原則。締結協定。該報確言。倘令華方表示好意。則解決一切爭端。以及根據一九二四年協定與伯力草約締一鞏固條約。按常情發展中俄友誼關係。將無困難云。同時東鐵督辦署於十六日招待哈埠記者。烏澤聲報告。莫德惠代表此次赴俄會議。決提出贖路案。在未贖以前。主張照中俄奉俄兩協定。嚴限修改路章。俄方非正式表示。對鍾毓通知書措詞滿意。屆期當派專車至滿站迎莫。並刷整中國大使館為行轅。會議畢後。請山新築之土西鐵路歸國。理事由李紹庚伊之馬洛夫隨往云。又據路透社電訊。俄方之全權代表。將屬加拉罕云云。

全國教育會議

大會開幕

全國教育會議。四月十五日下午二時假南京鐵道

部新址開幕。正副議長蔣夢麟劉大白及專家會員吳稚暉李石會九十餘人。譚延闓孫科陳果夫王正廷易培基孔祥熙等均到。蔣夢麟主席。致開幕辭云。此次是繼續第一次全國教育會而開。但有不同者兩點。(一)會員加入市縣教育局長代表。一省裏最接近民衆的教育行政人員。大衆容易知道教育的實施和民衆實際生活。(二)這次方案是就全國教育作通盤籌算。推測現在和將來之需要。以廿年為期。逐步推行。在廿年中。政策要整個方面要一致。繼續不斷推行。期限延長。或縮短。要以政治穩定和工商業發達之程度為比例。其次我們(一)要有一貫的獨立精神。(二)學校教育基礎要建立在社會需要上。(三)要有全國的眼光。(四)

要觀察全國實際情形。定實施步驟。最後我們於相當時期中。努力扶植一個全國的政治重心。建造一個全國的學術重心。有政治重心。才有政治權。才能漸趨向統一。人心漸趨向安寧。建設能進行。須有學術重心。才有學術的權威。國民思想才能上軌道。青年意志。才能趨向統一。所謂統一。並非把全國思想。弄成一個模樣。把一切自由個性。都喪失了。政治權威。是給人民以法律內之自由。學術權威。是給人民以訓練思想之自由。這是要附帶聲明的。各位不要忘記了總理最後的遺訓。和平奮鬥救中國。次譚延闓訓話。吳稚暉演說。語多談諧。略謂中國之不能與世界競爭。原因是智識不如人。有好的智識。才能得到好方法。現在最重要的是識字運動。提倡注音字母。我僅向各代表請願。望負此責任。演辭中對中西文字。極多闡述。次孔祥熙演說。工商與教育關係。盼教育家會後努力於實際。勿過重理論。粵代表金曾澄致答辭。以三民主義為教育宗旨。大會根據此探討一切云云。五時散會。七時教部宴全體代表於第一公園。

第一次會

十六日晨九時至十二時開第一次大會。出席九

十餘人。蔡元培亦到。蔣夢麟主席。李石會講演。略謂本席有簡單感想。以為教育學術都受時間和空間的支配。中國學術在四十年前。尚保守。現則競尚維新。但余以文字除作工具美術外。尚有歷史問題。中國文字是古文。是最活動文字。實有永久保存之價值。世界民族特性。並不衝突。須並存於世。蓋民族主義是大同主義的合體。大同主義是民族主義的合體。末並謂馬克斯主義是以恨為出發點。三民主義是以仁為出發點。青年應特別注意。教育學術最適合三民主義者。方為真正革新云。演畢簽定會員席次。旋主席報告劉大白因事不出席。遂票選粵代表金曾澄為副議長。次修正通過議事細則。及分組審查視。旋次報告高等教育概況

及統計表。並編制改進全國教育方案之經過。各組審查員名單。惟因各組報告書自願更動者。未確定。最後討論全國教育改進方案。決交審查。△改進教育組第一次審查會。十六日下午改進中等教育計畫組。在中央飯店開第一次審查會。決議(一)推陳布雷為本組出席教育經費組代表。(二)就原方案文字修正。補充兩意見。(甲)中校訓育設施。應分別初中高中。根據各該時期兒童發展程度為基礎。(乙)初中訓育。參酌小學高年級訓育原則及其方法。高中組織服務及自治之能力。(三)向大會提下列研究。①設校限制問題。②校舍設備師資等標準。

▲第二次會 十七日下午二時。全教會第二次大會。到八十九人。蔣夢麟主席。通過推行義務教育初步計畫案。內資資與經費兩點保留。次成年教育組報告審查情形。四時散會。往參觀中央氣象台。蔣中正本日參加大會。對全體訓話云。要發展農村教育。與注重黨義教育。統一青年思想。教育界應負責。必要時將派員檢察各省教育狀況。而先要測驗者。即黨義教育。望特加努力云。

首都建設會議

▲大會開幕

首都建委會全體委員。十五日晨九時謁靈。下午二時在勵志社行開幕式。到委員及來賓等二百餘人。蔣中正致開會詞。略謂。政府建都已有三年。迄今建設尚在開始。望各委員趕速努力。建設起來。有許多人以為這幾條馬路就可完事。首都為一國文化表現。諸凡水利鐵道皆應興建。竊以首都建設。為迫不待緩之舉。此次德調查團到華考察。先到首都。首都建設。一無所成。何以壯觀瞻。首都確定三年以來。

自來水迄今尙無。竊以一切建設必須先自首都着手。首都不建設成功。一切建設不能實施。請各位同志集思廣益。努力解決各項建設提案云。繼中黨部代表胡漢民訓詞。略謂。我們遵總理遺教。要做革命的建設。在任何困難中。以不屈不撓之精神來進行。南京確定首都以來。建設無多。尙不如廣州遼寧等地。皆有很好的建築。首都為全國之政治中心。一切建設不能實行。何以表示國家之地位。民族之精神。及建設之能力。看德國民族。十年已達到平等之地位。其所以能如此。因其建設努力之故。望各委員努力云。府代表王寵惠訓詞。略謂。關於首都建設之重要。主席及胡委員已說過。兄弟補充幾句話。總理指示我們革命。並非專門破壞。是為建設而破壞。總理所著建國方略。建國大綱。不單是政治的。很多總理指定南京為首都的意思。是根據歐美各國新成立之國家。將舊都廢棄。另建新都。表示新國家精神。希望各委員努力實施建設的首都云。繼禮成散會。末由主席報告大會收到之提案甚多。概括起來。可分三組審查。第一組為首都交通水利港埠之規畫。及建設上的一切大規模之建設事項。第二組關於建設首都經費之籌措事項。第三組關於首都區域內土地之整理及工商農林之發展事項。屬之。蔣報告畢。遂指定各組審查委員。即散會。蔣十五日晚七時假勵志社歡宴各出席列席委員。

▲各組會議

十六日晨八時。首都建委會第一組審查會。由張人傑召集。討論(一)孫科提議擬定首都政治區範圍及建築案。顧問舒巴德提議。擬具中央政治區內佈置圖案。決議政治區範圍。遵府令辦理。巴德所提原則通過。詳細計畫交工程組併案研究。(二)劉紀文提。請確定首都建設工作年表及完成期限案。孫科提。擬定城市計畫實施程序。

案。決議本期建設原則。自應採用。惟查所舉辦各事業。多未決定。而分期建設程序。與經濟問題。大有密切關係。應候全部計畫完成後。由常會參照經濟籌措方法。有適當解決時。再定詳細分區辦法。以期適合全部計畫及經濟狀況。(三)劉紀文提。擬請提前確立車站地址。以便完成道路系統案。孫科提。擬照國都設計處原定計畫。以明故宮後宰門之北為車站地點案。舒巴德提。擬就首都鐵道系統及車站位置計畫。決議車站地點及首都區鐵路佈置。交常會同鐵道部審定辦法。(四)孔祥熙請提前興築京湘路。促進首都發展案。決議通過。咨行政院飭鐵道部辦理。第二組由孔祥熙召集。討論案。(一)何健提。關於首都分區建設經費意見案。決交常會採擇。(二)劉紀文提。籌撥下水道經費。以利首都建設案。決議原則通過。技術問題。交常會辦理。(三)孔祥熙提。規定各省市分築首都路線。並獎勵海外華僑捐資興建築案。劉紀文提。議首都幹路應由各省分任建築。及以各該省名稱為各路名稱案。決議原則通過。交常會妥擬辦法。(四)劉紀文提。擬定各省區分擔建設費實施方案。孔祥熙提。首都建設公債實施方案。決議通過。(五)劉紀文提。議擬訂首都建設公債推銷辦法。決交常會參考。十時開第一次大會。張人傑主席。劉紀文報告該會工作經過。討論結果。照以上審查報告通過。大會推魏道明等組臨時審查會。下午三時與第三組同時開會。

▲第一次會


十七日晨開第二次大會。討論(一)孫科提。提倡

首都工業案。孔祥熙提。革新首都工業案。發展新工業案。提倡相當工藝案。決議交工商部指導。市府社會局辦理。(二)孔祥熙提。籌設首都大規模工廠。以救失業案。決議交市府酌辦。(三)孔祥熙提。首都林園建設方案。魯蘇平提。發展首都森林案。決議交常會。(四)孔祥熙提。設立米市振

興商業調劑民食案。決議交工商部與民食會及市府。(一)劉紀文提。籌開博覽會。以興地方案。決交常會。(二)孔祥熙提。創辦國貨合作商場案。決交工商部辦理。(三)孔祥熙提。收買土地。促進建設案。決交常會。(四)孔祥熙提。首都開闢馬路。就沿路兩旁土地。分別征收案。決俟土地法制定再討論。(一)劉紀文提。促成公墓取締私墓及停柩案。決交市府。(二)孫科提。增設中小學案。決交市府參考。(三)孔祥熙提。建設首都應以古樸莊嚴及田園都市為原則案。決交工程組參考。(四)中山路征用民間土地。價應速籌還案。決交常會議定償還。王正廷等臨時提議。撥借各國退還庚款相當部份。以充發行首都建設公債案。決議(甲)由財部發行首都建設公債三千萬。以各國庚款相當部份為本息基金之擔保。(乙)以中全會議決規定發行公債担保之關餘一部。為公債償還撥借之庚款。(丙)發行由常會與財部商定。又通過加推李石曾吳敬恒劉紀文為委員等案。

▲大會閉幕

十七日下午一時半行閉會式。孔祥熙致閉幕詞。謂努力幫助建設。以示全國拱衛之表現云。



日特別議會期迫

日本特別議會將於本月二十四日召集。惟其開會期。僅三星期。而衆議院於四月二十一日召集。同時選舉議長。二十二日正式成立。二十三日

選舉全院委員長及各部委員長。故至二十五日於濱口首相演說施政方針後。始能開始質問。其開院儀式。定為五月十四日。在此十九日間。議事日數總計僅有十四日。若將扣除委員會選舉日。則本會議日數不過十天左右。而此次特別議會含有重大意義。由政府所提待諸緊急議決之法律案及追加預算案等重要議案甚多。此次特別議會。由貴族院方面空氣觀之。對於義務教育費國庫負擔增額問題。軍縮問題。綱紀肅正問題等。似不可避相當的議論。但貴族院對現政府一般的空氣。較之對於田中前內閣。則頗為良好。雖有一部分之反政府主張者。然傾於支持政府者亦屬不少。故對於義務教育費。或軍縮等案。免不得遭一番深酷的質問。與緊張的論戰。然而政府所提要案。在貴族院似無與以否決等事。濱口首相在特別議會之施政方針。演說草稿。將在十八日開議時討論決定。即日或十九日即行上奏日皇。

民政黨於十七日午後一時開有志議員會於本部。列席者四十四名。關於該黨在特別議會之態度。交換意見。並議決在特別議會提出府縣制市町村制。衆議院議員選舉法之改正法律案。並力謀一。婦女公民權。一。婦女結社權。一。婦女參政權。一。有權者年齡資格低下之實現。對於衆議院正副議長。全院議長。各常任委員長。義務教育費特別委員長等之人選。依照與黨獨占之建議。對於候補者。曾在黨幹部詮衡中。現已有腹案。十七日原總務往訪濱口總裁。擬作最後之決定。聞既經內定之人如下。議長藤澤幾之進。副議長小山松壽。全院委員長西特丹次郎。預算委員長森田茂。決算委員長小山谷藏。請願委員長淺川浩。懲罪委員長八並武治。

最近政友會內部。因犬養氏年齡甚高。對於黨務微細之處。統裁頗為困難。故擬設置適當之人員。輔佐犬養氏處理黨之一切事務。以應重大之時局。目下以久原氏為中心。討論此項問題。

鐘紡 工潮

鐘紡工潮問題。因際此商業不振。全國失業者大增之日。忽然發生。且有影響各會社之傾向。故貴族院各派議員。極重視此事。對於政府之處置。亦甚注意。公正會議。決定十七日午後一時開政務長官會。請僑商相列席。並在首相官邸開會。請濱口以次各關係者列席。要求說明政府關於產業合理化之方針。及其具體的方法。但此項工潮。或能避免。據十七日訊。鐘紡隅田工場從業員。因受場方之頑強態度壓迫。已漸次軟化。預定十六日提出之請求書。亦無形中擱置。此後祇有期待工場場長之誠意。別無他法。故此屆或不致引起嚴重之問題也。

印騷動事件紛起

印度甘地運動。蔓延迅速。十三日全印會議主席彭迪。乃祿赴中部萊勃爾。出席青年會議。在基阿吉車站因違犯鹽律被逮。禁錮乃尼獄中。十四日經審訊後。判定有期徒刑六月。乃祿氏被逮消息。立時傳遍孟買全境。棉花。生銀。種籽與証券市場等均停市。十五日加爾各答全境。為表示反抗懲辦乃祿事。舉行抵貨運動。學生及車夫等均示威。阻止交通。在電車軌道上置障礙物。羣衆在錫克區焚燬電車二輛。消防隊往救。為衆用石塊拋擊。傷英員七名。凱拉錫人十名。加爾各答北境發生嚴重械鬥。有十九人受傷。抬入醫院。據尚未證實。有開槍舉動。又有英婦一名乘

機汽腳踏車入城。爲衆石擊。不得已棄車逃生。身上曾受創多處。已送往醫院。錫克區街衢磚塊與破碎兵器狼籍。夜間晚歸英人。均被石塊拋擊。有九人送入醫院。二人傷勢嚴重。中一人爲婦女。警士拘捕二十人。夜間有羣衆襲擊官立醫院。未得手。共計紛擾中。受傷者在五十名以上。內有警官十五名。消防隊員十一名。亦可見情勢之嚴重矣。



拜崇的由自於對民人度印

——報美——

英國預算案提出

英國受國際與實業影響。財政久在捉襟露肘之狀態中。當包爾溫保守內閣下台時。國庫空虛。已成不可掩之事實。麥克唐納工黨政府秉政。任施諾登爲財長。施氏在一九二四年工黨內閣財長任內。已斲露頭角。去歲海牙會議中。爲英國爭回權利。尤博得國內外人士之欽佩。英國本財政年度預算案。爲施氏親手所編製。其所懸標準在「不直接向各種實業與貧乏階級征收捐稅。額外捐稅均置於最能擔負者之肩。」自由黨領袖路易喬治氏稱「施氏所言。實有六吋砲彈猛炸之聲威。」亦可謂推崇備至矣。

十四日施諾登氏在下院提出度支報告。略稱一九二九至三零年財政年度不敷額爲一千四百五十五萬二千鎊。據估計之盈餘額爲四百零九萬六千鎊。所得稅收入爲二萬萬三千七百五十萬鎊。較預算少二百萬鎊。但較前一年收入有進步。所得稅足覘國家之繁榮。故上年各種實業可稱一般的能繼續維持。附加稅收入未能按照預期之擴張。印花稅收入極令人失望。按照預料可超過一九二八年收入一百萬鎊。但因証券交易所貿易不振。收入反減少五百三十三萬鎊。國債減少三千一百萬。現仍負債七十四萬萬六千九百萬鎊。因彼調換公債結果。上年度發行債額計爲六萬萬三千七百萬鎊。減少一萬萬鎊。爲大戰以後最低數字。施氏稱。彼擬建議更改度支不敷法律。令財長負責。將其列入下年債項下。設法彌補。施氏稱。軍費之削減。超過三年前七百萬鎊。但照彼意仍應力事撙節。文官經費因地方政府律影響。增加三千萬鎊。

施氏估計一九三零至三一年支出總額。爲七萬萬八千一百九十萬零九千鎊。按照現時根據。收入總額爲七萬萬三千九百六十四萬五千五百鎊。不敷數爲四千二百二十六萬四千鎊。故不得不征收新稅。施氏預算案中。關於徵集基金。定於在五十年內清償債務全額一舉。博得普遍的贊許。新所得稅中。對於收入在六百鎊以下之未婚男子。或收入在九百鎊以下之尋常已婚男子。均不徵稅。（保守黨稱財長此舉。顯有軒輊。）花邊。刀剪。皮革。手套。煤氣燈罩等貨品之保護稅於本年終止。惟電動機製造家仍受保護。施氏希望用停稅救濟基金一千六百萬鎊。可減少將來不敷之一千四百五十萬鎊。將由本年及一九三一年各抽還五百萬鎊。其餘用一九二八年之四百五十萬鎊抵充。彼將取消

賭博捐餘額。本年此項收入爲十八萬鎊。安全保障稅將繼續存在。至期滿後爲止。不再展續。(保守黨議員高喊無恥。政府黨則歡呼)財長稱本年因財政關係。不能取消麥克甘那及絲稅律。上年此項收入約及一千萬鎊。本年亦不能履行取消一切財政捐稅諾言。但政府擬於四年後本屆國會期滿前。令其實行。(笑聲歡呼聲大作)印花稅將小有修改。增收二十五萬鎊。關於機汽腳踏車。商用車輛。機油電汽車輛執照。亦有



英政府向人民道，我已把你們的工作時間減少了，人民：你能不能把我們沒有工作的時間減少些嗎？
——義米蘭報——

修改。將增收二萬。兩相抵充。不足者尚有三千一百七十一萬四千。啤酒捐將立時增稅三先令。據釀酒廠證明。酒價與品質將不受影響。此項捐稅在本財政年度可收入二百七十五萬。彼將提出法案。阻止組織私立公司以避免遺產稅。以及用一期付費之保險法。以避免附捐。並將提出法案。令不居住英國人民在英貿易者。亦須付所得稅。所得稅標準率。將自四先令增至四先令六便士。對於收入小事。與以某種之保護。

庶令償付所得稅四分之三之人數。不受影響。國內一切財產將重新估價。以便徵收財產稅。本年所得稅將增收二千一百萬。附稅將收七百五十萬鎊。超過二百萬鎊之遺產稅。將由百分之四十增抽百分之五十。其他遺產率亦將增加。本財政年度此項收入將爲三百萬鎊。本年度收入估計總額爲七萬萬八千九百萬鎊。盈餘估計爲二百二十三萬六千鎊。

施氏稱。關於地價採取確切動作之時機已至。但估價實爲一不能少之先決條件。在最早之可能期間。將着手開始。地價問題將在估價法案中另行討論。該案將規定捐稅與稅率根據政府擬用估價方法。爲社會獲得地價常行增長之標準。若無意外變故。則一九三一年將不須再徵新稅云。

十六日下院辯論預算案時。保守黨議員李某及邱吉爾氏。攻擊該案有碍於商務與實業。由馬克斯敦領袖之工黨左派。評論該案爲過偏於資本主義。但自由黨領袖路易喬治則稱。該案忠實。能令國家應付其責任。此三派批評之態度。頗堪注意也。

英俄締暫行商約

英俄恢復外交關係後。第一要圖當然爲恢復通商關係。經英外長韓德森與俄大使蘇柯爾尼可夫談商結果。英俄暫行商業協定已於四月十六日在英外部簽字。此項協定在正式商約締成前。作爲過渡辦法。該約內容如下。雙方對於對方之人民。法人。國產與製造品。適用最惠國待遇。下列情形作爲例外。(一)蘇俄與一九一四年八月前帝俄時代所隸各邦。及與亞洲邊疆各國所訂商約之特別條款。(二)蘇聯允給關稅聯盟國之權利。(三)蘇聯允給鄰邦關於地方貿易之特權。

英政府鑒於俄國對外貿易係由國營。允蘇俄政府有權在大不列顛設立商務代表團。任商務代表一人。副代表二人。該團視為俄大使館之一部。上述三員均得享受一切外交特別權利與免除待遇。該商務代表團之辦公處。亦適用免除待遇。該項辦公處專作進行商業職務之用。對於二國間商務發展。與以便利及鼓勵。並代表蘇俄一切商務利益。代表團之代表及經理人辦理之一切事務。應由代表團負責。但對於國家經濟機關之舉動。除經該團明白承認外。代表團可不負責。商務代表以及其經理人之姓名。應按期在商部刊物上發表。商務代表團在英國辦理之商業事務。如發生任何問題。應由英國法庭審理。

關於兩國之船隻。貨物。搭客。適用國民待遇。關於海岸貿易。在沿海貿易權保留下。適用最惠國待遇。在此項規定以外者。有捕魚權利。僑民出入國境。遊歷人民。以及在英國自由領註冊之船貨與搭客。英俄協定並能用換文之簡單手續。推廣至英國各自由領。對於英屬殖民地。領土。保護。代管國亦能在相互的條件下。由駐俄英大使通知蘇俄政府。將該協定推廣。如遇此項情形。蘇俄商務機關得派遣為有關係政府承認之經理人赴彼。進行商業事務。此項經理人不得享受使領人員特別權利與免除待遇。

在英國自由領或其他海外領土中。如對俄國出產與以最惠國待遇。但該自由領或領土未同意於商約者。蘇俄亦應與以相互待遇。惟得保留放棄此項規定之權。

此項協定在正式商約發生效力前。可以繼續有效。惟締約雙方或英國自由領與其他海外領土有權得在六個月前通知。將此項協定或辦法取消。

協定附件中聲明。締約雙方對於經濟關係間。均抱排除一切區別方式之意願。一以商務與財政的關係為軌道。將不採用立法或行政的舉動。令他方商務陷於較任何其他外國低劣之地位。按照上述原則。關於便

利英俄貿易。英國允准給予蘇俄信用一事。在立法與行政方面。將與對他國貿易。一律辦理云。

英埃判談

英埃判談近頃發生僵局。十四日在外部舉行會議時。討論至十五日晨三時。仍未停止。以希打破危機。聞此項危機係起於埃總理那哈斯之要求云。

德預算通過二讀

德新閣成立後。遭黨派反對。前途荆棘。本不易樂觀。中經政府與各黨派調解。財政案二讀。將於十二日。以二百十七票對二百零六票。通過國會。國權黨議員。因鑒於情勢急迫。取消反對內閣議決。聽憑各議員自由表決。又有社會民主黨議員十六人缺席。故該案得安然通過。據熟悉國會情形方面消息。卜魯寧內閣現已入小康境界。至少可渡過復活節假期云。

德國戰後建築「袖珍」戰艦。極為各國所注意。十六日閣議中通過再建此種艦隻一艘。聯邦議會討論一九三零年預算案時。添入撥二百九十萬馬克一項。作為該新式B字巡洋艦第一期建築經費。該艦形式將與現在建築中之「歐沙茲普魯森」號相同。財長穆登赫爾稱。政府接事前任穆勒內閣之預算案。前開反對建築B字號巡艦。政府不欲惹起議會。惟以後將解釋其所持之態度。在此海軍軍縮會議開幕聲中。此種消息殊令人刺耳也。

法預算案

法國上下兩院對預算案中細小修正互相爭持。至十六日始將該案最後通過。計收入項下估計為五〇。四五六。〇〇〇。〇〇〇。法郎。盈餘為六六。〇〇〇。〇〇〇。

法郎達迪內閣又經過一重難關矣。

國內一週大事日記

(者記)

自十九年四月十一日起
至十九年四月十七日止

四月十一日 星期五

▲蔣晨一時餘抵浦口、適大雨、六時半始過江回京、

▲何應欽離京赴漢、

▲楊樹莊辭閣主席職、閣事變化、

▲鄒魯謝持離平赴井、

▲全國運動大會閉幕、

▲南京國務會議以編遣既停辦、八折減

新充編遣費案、決撤銷、

四月十二日 星期六

▲清黨三週紀念、各地戒備頗嚴、

▲財部令編遣庫券各勸銷處、暫停勸募、

▲立法院通過中日關稅協定、

▲哈外交特派員鍾毓訪駐哈俄領、通告

政府特派莫德惠赴莫斯科參加中俄會

議、

▲南京下提倡國貨令、

四月十三日 星期日

▲南京令各團體、禁止集會結社、

四月十四日 星期一

▲寧府令任胡若愚為衛生部政務次長、

王家楨為外交部常任次長、

▲外部照會英美法挪威巴西五國、各地

外人認案、統歸各省高等法院辦理、

四月十五日 星期二

▲韓復榘通電就任蔣委之第一軍團總指揮、

▲閻赴傅公祠訪鄒魯謝持、冀對黨務化

除成見、

▲閻代表楊廷溥孔繁蔚抵瀋陽張學良、

▲首都建設委員會在寧開幕、

▲全國教育會議在寧開幕、

四月十六日 星期三

▲路透電、陳濟棠電辭總司令職、

▲俄方非正式表示、對鍾毓關於中俄會

議之通知、表示歡迎、

四月十七日 星期四

▲閻馮電滬銀團、對公債問題有所警告、

▲英使抵甯、與外王談威海衛協定、

▲首都建設會議閉幕、議決發行公債三


千萬、

▲朱毛陷信豐、縣長及警察隊長殉難、

刊誤 第十四期

采風錄 第二頁第十五行第十八字族誤

旅



靜嘉堂文庫觀書記 (續)

江安傅增湘 沅叔

藏園東游別錄之一

石林奏議十五卷

宋刊本半葉十行每行二十五字白口雙闌黃氏士禮居舊藏有李中麓藏印

此書版式闊大雕鐫雅雋海內孤帙可寶也余在燕京市上見影宋鈔本爲汲古閣精寫云借李中麓家藏本影寫精妙絕倫光緒中爲將軍鳳山所得各篇文字有斷爛處孫箋跋中亦有缺字知從此本影寫者然取陸氏翻宋本校之則影本有而刊本無者凡三百三十字刊本有而影本無者凡一千六十四字同出于北宋本且余皆得見之而差異如此殊不可解

晏子春秋八卷

元刊本半葉九行十八字

此書實明刊本余雙鑑樓中有之即孫淵如所藏吳山尊所校者也新雕名臣紀述老蘇先生事實一卷

宋刊本半葉十四行每行二十二字二十四字不等白口雙闌密行

國聞週報 第七卷 第十五期 靜嘉堂文庫觀書記

細字頗爲精雅首歐陽脩薦表次歐陽脩撰墓志銘次張方平撰墓表次曾子固哀詞次蒲宗孟祭文次司馬光武陽縣君程氏墓誌銘全帙凡九葉

按此書陸志原載極簡略故詳記於此余擬段出影印刊入蜀賢叢書中

歐公本末四卷

宋呂祖謙編宋刊本半葉九行每行十八字版心有字數及刊工姓名避諱至敦字止後有嘉定壬申嚴陵詹又民刻書跋書法秀美體兼歐柳用元延祐官冊紙所印自書錄解題以後不見於著錄真秘笈也

歷代故事十二卷

宋刊本半葉八行每行十六字白口雙闌據陸氏跋爲楊次山所撰輯次山爲寧宗楊皇后之兄楊皇后撰序次山手寫付刊書法雅秀而兼疏古之意自來目錄所未載可云孤

行天壤之秘帙矣

嚴州重脩圖經三卷

宋刊殘本存卷一至三半葉十行每行二十字大黑口雙闌

此書鐫工頗草率或疑爲明翻刊然余細審之刻劃雖未工而疏古之意未失外郡僻州不易得良工故不能全以工整稱也

咸淳臨安志九十五卷

宋刊本半葉十行每行二十字小字雙行白口雙闌版心上記字數下記刊工姓名版式高九寸四分寬六寸二分鈔補十二卷黃蕘圖手跋四則

此書版式寬展寫刻工整杭本之良也

咸淳毘陵志三十卷

宋刊本半葉九行每行二十字白口雙闌版心有字數宋本存卷七至十九又卷二十四餘均抄補惟卷十二第四葉有缺葉而末葉號數復挖改卷十三缺第四葉趙味辛刊本皆接連而下其誤甚矣此書版心闊大字體整齊雖鈔補過半要是俊物

幽蘭居士東京夢華錄十卷

元刊本半葉十四行每行二十二字

按余藏有弘治癸亥刊本行款與此相同當從此翻雕者此本後有黃蕘圖手跋云汲古閣秘本目有宋刻未知視此孰勝然十年余曾見汲古藏本于廠市有宋本甲朱文印即此版也特緣刊印皆精遂認爲淳熙原槧耳後爲袁寒雲公子收得

營造法式三十四卷

影宋鈔本半葉十行每行二十二字

按此書鈔手甚新是光緒時重錄者決非張芙川影寫之本也

永嘉先生三國六朝五代紀年總辨二十八卷目錄四卷

題朱黼文昭撰汲古閣影宋寫本半葉十四行每行二十三字

此書摹寫工妙已自足珍況又爲乙部之佚典乎

武經七書

六韜六卷孫子三卷吳子二卷司馬法三卷尉繚子五卷黃石公三

略三卷李衛公問對三卷

宋刊本半葉十行每行二十字白口雙闌版心有字數及刊工姓名避宋諱至慎字止爲孝宗時刊本李壽續通鑑長編元豐二年始彙刊七書六年國子司業朱服言孫子諸家注互有得失宜去注行本書今孫子無注蓋從朱說也北平歷史博物館藏宋本六韜乃余在內閣麻袋中檢出者其版式與此正同此本有鈔補之葉極爲雅飭外臺秘要方四十卷

北宋刊本半葉十三行每行二十四字避宋諱至頊字止後有皇祐三年內降指揮熙寧三年鑄版指揮及校正林億等銜名各卷後有校勘浙東官銜名一行明高氏妙賞樓項氏萬卷書舊藏

此書刊工極古雅志稱校明崇禎本可訂正二萬餘字惜息遑不及一校

傷寒總病論六卷附音訓一卷脩治藥法一卷

宋刊本半葉十行二十字

按士禮居重刊即此本陸氏定爲政和刊本洵然

史載之方二卷

宋刊本半葉十一字每行十七字筆法嚴整北宋刊無疑惟陸氏記

行款爲每葉二十行則誤矣

金盞記三卷

宋刊本半葉十一行每行二十字版心有字數及刊工姓名避諱至慎字止歷藏錢牧齋徐健菴季滄葦馬笏齋諸家

書小史十卷

宋刊本半葉十一行每行二十字避諱至慎字止前有謝奕手書序卷一至五汲古閣精鈔補完原刻則書棚本也汲古閣秘本書目著錄王弼州舊藏黃蕘圃有跋見百宋一厘書錄

張子和醫書十二卷

儒門事親三卷直言治病百法二卷十形三療三卷撮要圖一卷華扁病機論三法六門方一卷世傳名效神方一卷治法雜論一卷金刊本半葉十一行每行二十三四字不等黑口雙闌書名大字占雙行

此書刊工疎古有逸致金刊本最爲少見明刊則忘意改易卷第矣

白虎通德論十卷

元刊本半葉九行每行十七字汲古閣舊藏據秘本書目作三本此猶是原裝也

此大字本與余所藏同

困學紀聞二十卷

元刊本半葉十行每行二十字大黑口四周雙闌按此本世傳以爲元刊其實乃明正統間所刊元本今藏余家半葉十一行每行二十一字細黑口

夢溪筆談二十六卷

宋刊本半葉十二行每行十八字細黑口雙闌

按此書以字體刀法審之決爲明刊余在廠市文友書堂曾見一帙潘氏滂喜齋亦有之

冷齋夜話十卷

元刊本半葉九行每行十七字目後坊賈小啓數行後有至正癸未三衢石林葉敦刊行一行

按余曾藏日本五山本以校稗海本異同甚多疑其源出于此本也

百川學海

宋刊本半葉十四行每行二十八字

按此乃嘉靖內申莆田鄭氏刊本改易全書分爲二十卷友人陶蘭泉曾藏一本目後有牌子陸氏得此百種題名陌宋然未免已輸了

春風一半矣

藝文類聚一百卷

元刊本半葉十四行每行二十八字

按此書字體及雕工與明刊宋文鑑文獻通考相類極似慎獨齋所刊陸氏以有宗文堂跋語定是元本不知閩中書坊傳世最長如翠巖精舍勤有堂等自宋元迄明皆世其業今所刻之書猶可考見宗文堂明代何獨不存乎觀書以字體雕工風氣定其時代可百不失一若拘拘於紙墨之古舊牌記之年月及避諱與否皆其末焉者也

白氏六帖類聚三十卷

北宋刊本半葉十三行每行二十六七字不等注雙行三十字白口左右雙闌版心記帖一至帖十二等字

按此本與余藏本同壹版刻避諱實至構字止陸氏定爲北宋刊非

也中縫記帖一至帖六與白氏原書合陸氏言至帖十二亦誤
白孔六帖三十八卷

宋刊殘本半葉十行每行十七字黑口雙闌左闌外有耳記籍名

按此本與余所見楊惺吾藏本同

太平御覽三百六十六卷

宋刊殘本半葉十二行每行二十二字明文淵閣舊藏爲中山王邸
故物

按此書避諱至慎字止字體極精整可斷而古厚之意已失陸氏乃
謂爲北宋刊本景星慶雲爲此書之祖本何其疏耶余所見圖書寮
及東福寺兩部爲慶元刊本字體疏勁猶存古意蓋蜀中風氣使然
冊此本刊刻當在蜀本之先而雕工特爲精整或是浙杭間所鐫耳

冊府元龜四百七十一卷

北宋刊殘本半葉十四行每行二十四字白口雙闌版心記冊府幾
或冊幾府幾不記字數及人名字體古樸似蜀中所刊此書明季李
如京刊本存訛百出余藏有北宋本五卷曾取李本對勘改定宏多
至爲愉快然十餘年來就吾國官私所藏宋本多方訪求寓目而翻
者祇一百八卷余別藏有明鈔本二部亦從宋本錄出者以卷帙浩
穰未及披檢也因閱儀顧堂題跋據所藏殘宋本舉出補訂脫文者
凡六十四條脫文至一萬三千餘字心焉嚮往頃渡海東游因預檢
陸氏所舉各條或得見宋刊已經校定者或爲明鈔本所有其佳處
與陸氏所舉相同者共得三十七條而無從校補者尚有二十餘條
遂取李刻各卷攜之行篋高輪華邸再度游觀荷諸橋長澤二君之
慨允盡出此四百七十一卷按陸氏所摘者逐條鈔錄隨行者有田
中 君與長男忠謨于是三人者竭半日之力合寫六千餘字盡
補其脫文錯簡以歸十餘年來隔海相望神游日想懸此閱願而不
能得者一旦幸而見償東行快心之事當以此爲第一矣

補鈔各卷脫文列目如左

卷一百七十六魏明帝太和二年公孫恭條一一葉凡六百餘字

卷一百八十後魏宣武時條脫一葉凡六百餘字

卷一百九十二周位部好文門帝用周興嗣條下脫二十四字

卷五百五武帝建元三年條後脫元狩五年一條十八字平帝元始

元年條太子廐長中盾下脫四十四字

卷五百二十第二三四五葉錯簡凌亂

卷五百六十記注門李彥條前脫張軌一條二十字

卷五百九十三卷末或有丁憂下脫一葉凡六百餘字

卷六百十九卷末殺戮數千人下脫一葉凡六百餘字

卷六百二十三公正門又袁術僭下脫二十一字

卷六百三十一條制門二五月禮部條爲弊滋深下脫二十四字八

月條其中實有事故下脫二十二字

卷六百四十四晉高祖天福七年條前脫唐莊宗同光三年一條凡

六百餘字

卷七百三十幕府部邪謀門鄭侃條有一人識是下脫三十三字又

脫唐魏瓘等四條凡四百餘字又讀斥門殷嶠條前脫讀斥小

序及孫楚等九條凡八百餘字

卷八百八十五以德報怨門劉仁軌條前脫後魏李冲等七條凡七

百餘字

卷九百三十二誣構門嵇康條有竄改其上又脫梁冀等五條凡一

千一百餘字

卷九百六十八朝貢門普通三年八月條前脫一行凡二十四字

卷九百七十四外臣部褒異門三月戊午條前脫三十餘字

卷九百七十五二十一年正月條脫二十餘字

(未完)

采風錄

國風社選

清明後三日陽台觀杏花憶及匏廬前游

戕庵

清明。初。過。春。弄。色。柳。黃。轉。綠。杏。紅。白。廿。年。五。度。陽。台。游。
屢。失。花。時。晚。乃。得。縈。岡。匝。野。若。烟。霧。數。十。百。里。樹。萬。億。
無。風。芳。華。自。矜。寵。向。日。光。豔。相。映。射。比。香。雪。海。差。少。香。
東。瀛。櫻。花。豈。其。敵。居。人。種。樹。取。落。實。却。辦。詩。料。供。游。客。
爛。漫。最。數。管。家。嶺。層。香。周。圍。望。無。極。山。南。大。宮。亦。擅。勝。
敢。盡。天。歡。窮。人。力。風。光。如。此。不。留。待。墊。巾。重。爲。逝。者。惜。
王。孫。草。綠。胡。未。歸。欠。上。秀。峰。永。朝。夕。時。沉。庵。方。客。大。連。

展上巳日纓蘅招集萃錦園賦贈心齋叔明兄弟

鶴亭

海。棠。雖。未。開。桃。杏。各。爭。麗。曹。侯。折。短。束。令。節。補。修。禊。祁。
祁。兩。王。孫。沽。酒。送。客。至。酒。闌。起。太。息。默。憶。先。朝。事。賢。王。
持。大。體。頗。觸。西。朝。忌。于。時。李。翁。潘。元。祐。諸。賢。萃。賈。齋。矯。

首。角。驄。馬。人。盡。避。厲。階。生。靖。達。煬。竈。冀。求。媚。疆。臣。調。講。
官。嚴。旨。斥。違。例。結。驩。反。失。驩。惴。惴。保。祿。位。有。子。附。清。流。
乃。作。抽。薪。計。不。知。賢。祭。酒。有。意。定。無。意。一。疏。快。恩。仇。坐。
俾。漁。人。利。升。沉。本。細。事。此。舉。關。興。替。今。來。草。木。春。已。闕。
滄。桑。世。負。手。巡。長。廊。山。石。聳。層。翠。廢。池。喬。木。邊。菜。花。開。
滿。地。始。歎。人。云。亡。家。國。亦。殄。瘁。王。孫。久。蠖。屈。失。喜。多。材。
藝。得。閒。畫。水。石。紙。價。頓。令。貴。誰。知。趙。大。年。中。有。朝。陵。淚。
王。孫。慎。勿。悲。鷄。首。天。偶。醉。朗。吟。招。隱。詩。倦。即。蒙。頭。睡。西。
山。乾。淨。土。薇。蕨。可。堅。誓。

上巳舊都諸名士集水榭分韻賦詩釋戔纓蘅書

來要余同作率然應之得汎字 太玄

江。海。一。爲。客。遂。如。萍。梗。汎。六。年。此。淹。留。萬。事。成。虛。懺。落。
日。望。中。原。羣。豪。方。按。劍。苟。全。良。獨。難。浮。名。眞。誤。賺。開。門。
得。遠。書。冥。想。逐。歸。帆。舊。京。日。蕭。條。衣。冠。未。淪。陷。春。城。氣。

始。和。芳。池。清。可。鑑。園。壇。花。欲。然。蔭。樹。柳。疑。蘸。細。懷。二。三。
子。流。詠。維。仙。梵。玄。論。超。阿。戎。醉。墨。妙。狂。監。焉。知。關。橋。外。
豺。虎。紛。騰。闌。嗟。予。久。離。羣。退。耕。乏。良。饒。勝。游。雖。未。從。新。
詩。肯。稱。欠。因。風。寄。所。懷。微。言。儻。非。僥。

次韻和樊山翁遺問即以奉柬 逸塘

堪。笑。蒙。莊。說。有。涯。如。公。早。悟。已。空。花。偷。閒。轉。畏。羣。兒。覺。
娛。老。如。無。獨。宿。佳。翁。舊。有。句。云。冰。簟。銀。牀。涼。雨。夜。心。到。
虛。時。惟。愛。竹。詩。於。清。處。慣。宜。茶。誰。知。開。府。歸。來。日。風。味。
依。然。處。七。家。

百。城。坐。擁。未。爲。貧。況。是。康。強。自。在。身。見。慣。滄。桑。神。更。王。
語。皆。帛。粟。味。逾。真。高。名。久。已。空。函。夏。彩。筆。猶。能。賦。冶。春。
屈指。別。公。過。十。載。看。花。湖。邸。亦。前。塵。太平湖舊邸賞丁
三月。風。光。分。外。妍。輕。寒。薄。暖。養。花。天。猶。虛。江。水。歸。田。願。
已。過。山。陰。誓。墓。年。客。至。喜。傾。元。亮。酒。興。來。欲。上。子。猷。船。
羸。顛。項。蹶。何。須。論。付。與。人。間。固。與。遷。
流水。游。龍。話。舊。京。遺。黎。何。日。覩。昇。平。打。魚。歌。早。傳。三。海。
盤。馬。人。誰。過。五。城。畢。竟。南。強。還。北。勝。等。閒。上。已。又。清。明。
恩。牛。怨。李。方。盈。耳。築。室。經。年。恐。不。成。

三月既望携兒輩至稷園 釋戡
老。來。許。與。顛。相。親。猶。逐。兒。童。趁。晚。春。桃。杏。條。成。前。度。客。
棠。梨。能。待。苦。吟。身。銷。憂。漸。覺。深。杯。淺。憫。亂。長。看。滿。地。貧。
行。過。鹿。柴。無。一。語。御。溝。流。怨。碧。粼。粼。

庚午清明西山掃母墓 前溪


清。明。天。氣。半。陰。晴。晨。起。家。家。掃。墓。塋。杏。露。未。乾。思。母。淚。
柳。風。搖。曳。喚。兒。聲。五。年。春。去。歸。何。處。萬。里。冥。行。計。幾。程。
莫。慮。關。山。前。路。遠。落。花。紅。滿。錦。官。城。

春日過心畬園亭即贈兼示易廬 饒衡

世。亂。王。孫。賤。林。棲。不。厭。深。舊。聞。尊。日。下。幽。築。抱。城。陰。寫。
韻。裁。雲。集。傳。家。萃。錦。吟。來。游。盛。諸。老。花。底。一。相。尋。時有
觴客之約

應天長 三月十三日饒衡釋戡早 樊山

酒。家。送。酒。花。姬。賣。花。頻。添。豔。冶。春。色。日。饜。五。侯。儲。牒。檳。
榔。助。消。食。池。塘。草。迎。謝。客。慰。夢。裏。惠。連。寥。寂。喜。而。笑。玉。
周。杯。盤。到。處。狼。藉。三。五。素。心。人。醉。裏。題。詩。書。滿。雪。堂。
壁。屋。裏。賞。花。不。足。還。尋。梵。王。宅。穿。花。徑。連。繡。陌。滿。眼。耳。
鳥。聲。人。迹。笑。吾。欲。酒。肆。藏。名。傭。保。猶。識。



凌霄隨筆

京曹內轉。如歷員外郎而郎中、監察御史、掌道、給事中、掌印、鴻臚寺少卿、光祿寺少卿、以至通政司參議。凡九轉、而仍爲五品。其地位則三變。部屬科道京卿也。京察一等記名道府。科道郎員同之。惟截取則給事中道員。御史郎中均知府。員外郎不與焉。道缺少。府缺多。故京察記名者多。簡放知府。間得道員。則以爲優擢。此與簡放之遲速。其權蓋操之軍機大臣。苟非上意所專屬者。每與軍機大臣隨時商決也。同得記名。簡放時不復衡量其原官。故員外郎可放道員。掌印給事中可放知府。不以爲異。光緒間。給事中吳壽齡。以道員截取。在任候選。會貴西道出缺。吳應輪選。知而病黔省邊瘠。乃請假以避之。不意假滿之後。竟簡授貴陽遺缺府。蓋兼有京察一等記名道府資格而被簡。卒不免黔省之行。而官階則以郡守易監司矣。亦所謂官場如戲場也。（首府

出缺。例由外府調補。而簡員補其遞遺之缺。故曰遺缺。府間有新簡者爲大吏所特賞。即補首府者。）外官中。道府體制有尊卑之殊。道員抗禮藩臬。長揖督撫。知府爲所直轄。對之執屬吏禮。惟謹。而京曹外放之制。乃視爲等夷。頗若不可解。說者謂政府以知府直轄州縣。職務繁劇。故視之尤重於道員。蓋本意固若是也。憶清初有知府報效款項者。上諭命大吏考察。如此人堪勝知府之任。即卻其報效。仍令供職知府。如不勝知府之任。則納其報效。陞爲道員。此爲重視知府之顯證。明代官制。各道之本官。分爲布政司左右參議。按察司副使僉事。實兩司之貳官。清廢參副僉諸稱。而畫一其自從三至正五之品級。定道員爲正四品。（並改知府之正四品爲從四品。）始不爲司貳。然用關防而非印信。年終亦仍由兩司出具考語。則猶以貳官

目之也。其視知府重於道員。蓋如同知通判爲府貳。知州知縣爲府屬。以職務之重要論。州縣自過於同通耳。陳慶淮歸里清談云。予由給諫簡放知府。鄉人爲予惋惜曰。宜放道員。今屈就矣。予曉之曰。朝廷視知府重於巡道鹽道。工部同僚有志崇者。字岳亭。爲六額駙之子。以廕賞郎中。在部當差十餘年。按資得京察一等。記名道府。會寧夏巡道缺出。大軍機剛毅爲之說項。太后曰。此子吾甥也。極老實。能作府道乎。剛毅奏曰。作知府恐不勝任。作巡道食祿而已。不管重要案件。乃得旨簡放。以是知朝廷視知府重於道員也。一。是亦言府重於道者。惟道爲監司大員。一遷即爲臬司。而府之陞道視道之陞臬爲難。故外放者。仍樂爲觀察公也。若清末海關各道。收入饒裕。最號臬仕。更不能以尋常例之矣。知府之坐陞道缺。類皆先調首府。首府與督撫司道同城。長官甚多。其尊嚴遠不若外府。然多爲督撫親信。權勢迥非外府可比。（州縣以下官。奉檄後。雖不隸首府者。亦必詣府稟謝。首府遇事亦可直接下札。）其地位、彷彿民國時代前此之政務廳長。而又有專轄之區域。

者也。周馥爲山東巡撫時。以濟南府徐世光患病不能理事。勒令開缺。徐本在任候補道。遂過道班。後楊士驤撫魯。與徐善。委署糧道。候補道丁達意自負資深。且與楊同鄉相契。當得之。乃爲過道班未久之徐氏所獲。憤而言於楊曰。大帥委用不公。楊曰。徐道曾任首席。故令署斯缺。非有所偏徇也。雖楊語未必由衷。而首府之重。自可見。胡林翼致嚴樹森書。謂「一部紅樓夢。教壞天下之堂官。掌印司官。督撫司道。首府及一切紅人。」於諸府中特言首府。亦以其地位非外府之倫耳。五代蔣維東隱居衡岳。受業者號曰山長。此爲山長名義之始。元制書院設山長。遂爲教授書院者之定稱。不必有山矣。明清因之。乾隆三十年上諭。各省書院延師訓課。向有山長之稱。名義殊爲未協。既曰書院。則主講席者自應稱爲院長。一。是已明諭改稱。然以相沿已久。猶多呼爲山長也。自書院廢止。山長之稱始不復聞。今大學有學院。院長名義仍騰播士林矣。明代極重翰林官。清望所歸。宦途最利。有清視之已不逮。然在京曹猶爲特出。編檢七品耳。而外放四品之道。

府。與五品之給事中御史郎中員外郎同。且地位清貴。非郎員所及。不以品級論也。而有時亦復計較品級。翰林官轉京鄉。須已至五品。不獨編檢不獲與科道郎曹侔。即已開坊之翰林如中允贊善輩。亦尙有待耳。以翰林官而轉入卿寺。號爲明陞暗降。蓋體制雖較尊。而遷擢則有遲速之異也。又截取之制。給事中截取道員。御史郎中截取知府。編檢不能截取。僅能保送知府。截取者三月內開單請簡。逾期未簡。可在任候選。保送則惟有分省聽鼓。憶清末疏通翰林出路。似曾許編檢之資深者截取。容再考。是亦有較量品級之意。至其京察一等簡放道府。固行之已久。而中間亦嘗經過一度波折。嘉慶五年諭。嗣後除開坊之翰詹等官。其修撰京察一等記名外用者。遇有道府缺出。仍開列請旨。其編檢京察一等記名外用者。遇有同知直隸州知州缺出。開列簡放。一殆亦其品級過卑之故。然此與編檢歷來清貴之身分不合。同知直隸州知州而可簡放。亦異常例。議者多不然之。故尋又定資俸已進前二卜名者。仍開單請簡道府。至道光元年。乃復論不必進

二十名。亦以道府請簡。良以此與翰林官之體面有關。政府中人起於翰林者爲多。嘉慶帝裁抑編檢之制。遂未久即罷也。

科道在明分立。他官可直接轉給事中。與轉御史同。非由道遷也。清初因之。嗣乃定給事中爲御史之陞階。並以六科亦入都察院。於是他官不能直接入科矣。清末新官制廢六科名義。僅稱給事中。仍爲御史陞階。翰詹爲儒臣養望之官。號爲最清。科道爲朝廷耳目所寄。清而兼要。四者並稱。同爲清議所屬。雖曰「窮都」「窮翰林」。然仕宦中之高格。所謂「骨頭重」也。駱秉璋自挽一聯云。一十載忝清班。由翰詹科道而轉京卿。奉使徧齊州汴州吳州。回首宦途如夢幻。一廿年膺外任。歷鄂黔滇湘以莅巴蜀。督師平石逆李逆蔡逆。殫心戎務識時艱。一丁寶楨笑之曰。此履歷也。以聯論。誠不佳。惟翰詹科道。罕能偏歷。翰林官僅編檢可得御史。而既出翰林。依常例不能再入詹事府矣。而駱氏則由編修歷御史給事中鴻臚寺少卿奉天府丞。坐事落職。旋特授左庶子。於是翰詹科道乃徧歷之。

惟京卿在前。詹在後。其宦迹實有與尋常不同者。故頗以此沾沾自喜耳。明代東宮官。詹事府春坊司經局並立。清以春坊庶子中允贊善司經局洗馬併入詹事府。雖結銜仍署坊局。而均爲詹事府官。既不立儲。詹事府亦無所事事。僅爲翰林陞轉之地而已。猶之宮保頭銜不廢。留爲大臣榮典之用也。

宋范純仁。每仕京師。早晚二膳。自己身以至婢妾。皆治於家。往往鐫削過爲簡儉。有不飽者。雖晚登政府亦然。補外則付之外廚。加料幾倍。無不厭餘。或問其故。曰。人進退雖在己。然未有不累於妻孥者。吾欲使居中則勞且不足。在外則逸而有餘。故處吾左右者。朝夕所言。必以外爲樂。而不願戀京師。於吾亦一助也。當時咸服其

志尙之迥不猶人。此緣唐宋時代。以京官爲臚仕。外吏則相形見絀。京官補外。類由貶謫。而熱中躁競者。每不能堪。即賢者於此亦復不免。其牢騷見諸詩文者。往往而有。故范氏厚外而薄京。欲以矯之。在當時誠爲卓爾不羣者矣。至樂爲京官之風。明代蓋猶未替。若有清之世。則「在京的和尚出外官」騰於衆口。於唐宋風氣適得其反矣。





勸誤

凌霄一士隨筆 第十一期二頁下十七行自「包拯」

起應另行三頁下三行「淮」誤「桂」

曾胡譚蒼 第十期二頁下十行「踴厲」誤「蹈履」第

十二期二頁下三行自「林翼」起應另行





論評選輯

全國運動會閉幕

第四屆全國運動會今日決行閉幕。此次開會十一日。參加者十四省區七市。選手達一千六百餘。可謂極從來未有之盛。預料今後提倡體育之風氣。益有進展。誠國家前途大可樂觀之一現象也。就此次成績言。祇一萬米賽之趙君德新以三十五分三十六秒四打破全國紀錄。(舊紀錄為三十七分四十秒五分二。)最著異彩。其去遠東紀錄之三十四分五二秒九。業已甚近。努力為之。或可為民族爭得一分光榮。此外都平。無奇。而最可憾者。東北田徑賽健將劉君長春。此次成績。乃視去年華北運動會反有退步。如百米賽跑在去年為十秒五分四。此次則為十一秒五分四。二百米。去年為二十二秒五分二。此次亦然。四百米則去年為五十二秒五分二。此次乃屬五十二秒五分三。中國在第八屆遠東運動大會田徑賽成績直等於零。年來東北對於此事。極為熱心。久經訓練。如劉君者。固國人之所屬望。今以大有可為之身。而事實上竟無進步。雖自謂因病休息。缺於練習。要之不可謂非遺憾。劉君在全國運動會中。今固不失其優秀地位。然若不從速奮發。痛自策勵。恐五月東京會場上。終不能為中華民國吐氣。是足慮也。

此次大會有一極好之情形。即女子參加者之踴躍是也。國人習於文弱。女子尤甚。嬌嬈婷婷。多愁善病。為中國美人之寫照。以致國民半數。痿成廢人。種族孱弱。影響百禩。近十年來。教育家漸知注重女子體育。第五屆遠東運動會。在中國舉行。女子參加團體遊戲者。已有一千餘人。第六屆在日本開會。我國女子曾有排球隊及網球員渡海遠征。第七屆在馬尼拉召集。亦有中國女子排球隊躬與其盛。雖無赫赫之名。以視舊日女子。足不出閨闥者。固已大有進境。前年第八屆上海之會。正值寧漢風雲。戰機迫切。中國女子乃祇有排球一項參列。論者惜之。此次全國大會。滬杭平津。自不待論。遠至哈爾濱。亦有女生選手跋涉水陸。與華南華中之女健兒。一較高下。如孫桂雲女士。聲威震於南北。其尤著者也。抑女子選手。不但人數較歷屆為多。其成績亦復有突飛之進步。試就百米五十米。跳遠。跳高之紀錄觀之。即可證明。列表如下。

女子百米	五	十	米跳	遠跳	高
去年	一四秒五	八	秒	六三	三三米
華北	一三秒八	七秒五分二	四	米	一、二二、(約四尺)
此次大會	一三秒八	七秒五分二	四	米	一、二二、(約四尺)

由此可見中國家庭生活。顯有變化。蓋女子受家庭傳統思想與習慣之

東海最甚。女子而能從事戶外運動。則其家庭之開通可知。此從任何方面言。均一可喜之事也。

惟吾人對於此次大會。有一大抱憾之點。即據滬電。八日裁判員有因執行裁判被毆受傷者。大會為保障人權及維護裁判員威信安全起見。九日起各裁判員均派有武裝保護云云。電文簡單。莫明真相。要之即令裁判員或有錯誤之處。儘可要求說明。訴之公道。不應由選手直接行動。擅加毆打。致失體育家之風度。蓋今日運動比賽之所以異乎舊時之打擂台鬪武藝者。即在平日修養有素。具有雍容謙遜和平思想之雅量。如果憑恃血氣。動輒以腕力肘膝不平。殊非受高深教育者所當為。今後遠東運動會為國際聯合運動員一舉一動。國家榮譽。民族聲光繫焉。第八屆在上海開會時。日本選手彬彬有禮。服從大會秩序。無或少逾。識者稱讚。謂足以表示日本國民教育程度之高。然此等深醇修養。實出平日訓導之力。中國近年因學校社會稍稍重視體育之故。青年選手最易沾染驕於放縱之習。甚至各校為優待選手之故。不惜破壞章制。聽其驕妄流弊所及。幾將體育家應有的君子之風。抹殺不講。粗獷橫野。直類街市賣藝之徒。此實提倡體育之左道旁門。吾人絕對不能苟同。如此次毆打裁判員之事。似即平日道德訓練與精神修養不足之所致。竊願今後主持體育者。於體育之中。亦宜將德育貫輸進去。而於將來出席遠東大會之選手諸子。尤宜以此責勉。庶不致貽國家民族之羞也。

要之此次全國大會。選手之多。參觀之盛。皆足表示社會普遍的對於體育重要之認識。今後姑無論遠東大會成績如何。一體育的民衆化。一早晚總可實現。中國改革大業。經緯萬端。長夜漫漫。前途正遠。所可斷言者。祇須有強健的國民。自能辦創造的事業。國民乃國家之真正資本。健康

實事業的真正根基。國民果都了解及此。鍛鍊身體。則危必復安。弱且終強。吾人所為對國家前途不終抱悲觀者。自今以往。益堅所信矣。

(錄四月十一日天津大公報)

清黨之回顧

民國十六年四月十二日。上海解散工人糾察隊。死傷頗衆。是為國民黨之清黨紀念日。自是寧府成立。國共分離。而國民黨聯俄容共之歷史。以是年七月武漢之宣布反共。完全結束焉。自國際關係言。自中國大局言。此清黨紀念日。皆有重大之意義者也。

吾人回顧前塵。覺前此一切。皆為必然的演進。誠欲避免而不可得者。自蘇俄革命。赤潮東來。共黨在華。形成一種組織。適值國民黨改組。共黨利用國民黨之黨勢。孫中山先生之人望。而國民黨則有需於共黨之國際的後援。與其勇往邁進之氣概。遂有國黨容共之事。迄清黨之後。國民黨之說詞曰。共黨背信。謀篡黨權。故為友不終。罪在共黨。然局外之論。則異是。誠以共黨之根本性質上。無論對何種政黨。皆取進攻與併吞主義。對左傾者尤甚。此種國際的事實。國民黨何以竟昧於事先。又共黨之說詞曰。國黨拋棄農工。離開革命。故非共之負國。乃國之負共。然中山主義。無論如何解釋。斷不能到階級專政。勞農獨裁。故國共立場。根本不同。共黨明知之。而加入國黨。是根本上為利用。非合作。共黨藉國黨之地盤。而經營共黨之赤化。則其得慘淡之結果。寧非事所必至者耶。是以回首容共清共之役。殊覺最後之決裂不足驚。而最先之合作。徒為無誠意之一幕。時代劇矣。

抑清黨以後迄今之三年間。可得兩種教訓。第一。共黨之敗。由於自招。非國黨使之。第二。清共而共黨仍有。由於國黨失政。非共黨自身使之。夫自一種意義言。中國為適於經營赤化之地。故俄風東來。推進甚速。共黨挾國黨之黨權。乘北伐之便利。重要黨員。多參與政府與中央黨部重要工作。而復自為組織團體。謹嚴所至之處。公開宣傳。號召民衆。在滬漢等處。皆得為所欲為。此誠可謂千載一時之良機矣。然何以一遭國民黨武力之彈壓。即頓時不支。彈指之間。土崩瓦解。豈國民黨武力之特別有效乎。抑共黨之自謀不臧而已。蓋革命成功之絕對的條件。為必須得到民衆。國共皆然。特立場有異。共黨標榜農工。故此項條件尤為必要。其自負者亦在此。然事實上共黨三年前之大頓挫。即在未能得民衆之援助。其所以然者。徒擾亂經濟組織。使富者貧。而貧者不能富。在國際經濟勢力操縱下之中國。共黨能使中國工商業者失業破產。而無以搖動國際資本主義之壁壘。故中國所得赤化宣傳之效果。徒為摧毀本國資本。而反增加國際資本主義之勢力。與共黨所號召者。恰得相反之結果。此其所以必敗之道也。共黨攻擊上中流有產者。此其主義所在。姑且不論。然所謂無產者。雖能推倒本國資本家。而不能免於國際勢力之高壓。故資勞兩敵。貧富皆窮。共黨何從得民衆之援助哉。吾故曰共黨之敗。由於自招。非國黨使之也。雖然。清共之後。已三年矣。國黨取得全國政權已一年有半。以如此龐大之威力。然能逐共黨出黨。而不能擊破其組織。能使之在都會銷聲。而不能使之在鄉間匿跡。據聞共黨黨員。在清黨之後。反見增加。而朱毛賀龍等。以共黨為旗幟之武裝匪團。此三年中。在長江閩江珠江各流域間。自由奔竄。近數月來。其勢益張。江西已陷數十縣。湘鄂閩各屬若干縣。蘇浙皖豫鄂。亦機師大。特尙無大股集合耳。綜計現在被其匪

占據之地。已不下一省之大。三年來。國黨不斷的宣傳反共。各處以戒嚴法懲共。嚴厲無倫。況軍警百萬。武力極雄。而共黨暴動之範圍。乃日益擴大。在此清黨紀念日。而見此等事實。誠不免有矛盾滑稽之感。雖然。此豈共黨在政治上失敗後之別顯神通哉。毋亦國黨之失政而已。蓋防共之消極的武器。在使人民安居樂業。積極的設施。則須謀政治經濟的進步。而在國黨名義之統治下。則尙未能之。腐化停滯的傾向。既失熱烈青年之同情。而軍多稅多之政治。又啓一般人民之失望。地方濟濟愈窘。遊民愈多。遂使共黨得組織勾煽之便利。而軍警保持治安之能力。則與國庫之支出軍費。為反比例焉。此誠必亂之道。縱無共黨。亦不免匪禍之大起。況赤化者流。本坐伺於其旁哉。不然者。共黨在武漢之時。手握政權。尙不值一擊。況奔竄腹地。只用流動式游擊戰略。雖擾亂有餘。而不能有政治上之建樹者。反得增加勢力乎。吾故曰。清共而共仍有。則國黨失政有以使之然也。

嗚呼。歷史為人類不斷的悲劇所造成。每頁紀錄。皆印有無數善良人類之血跡。吾國承近代之衰微。值世界之改造。許多有志青年。慨然欲博采諸說。探求真理。以求國民永久之和平進步。故歐戰以後。思潮洶湧。革命之熱大起。無論其為信仰何黨。推厥本心。寧皆非為人類謀幸福哉。然以指導者之愚魯。及環境之矛盾。致使無量有用之頭顱。犧牲於混沌慘淡之中。而殺機一啓。報復循環。觀數年來各地各種之恐怖。直有非人間世之威。惟犧牲雖巨。而混沌依然。億兆良民。不幸捲入漩渦。隨同犧牲。年來無端死者。共不下千餘萬。則各項黨獄之慘慘。猶其次焉者矣。安得使中國有指導民衆之責者。俱聰明而無私。使劫數速終。共上光明平和之路哉。是尤吾人所感慨不置者矣。

(錄四月十二日天津大公報)

以黨馭軍論

以黨馭軍之說。吾人聞之有年矣。最近汪精衛致覃振書。仍稱「直至今日。弟仍認定吾輩若不能以黨馭軍。則終無辦法。故此後新舊忠實同志之合作。應以如何始能以黨馭軍為懸前待決之根本問題。於此奏刀。則其他皆可迎刃而解。」斯真黨人之公言。亦國民之共同心理。然軍人亦人也。何以易於成閥。何以必有賴於制馭。此其間蓋必有原因在也。夫以黨馭軍之說。來自俄國。然俄固以黨治國者。軍當然在內。其在英美法日。以法治國。軍亦當然在內。是故此事之根本問題。仍在國家是否為真黨治。抑能否行真法治。苟其能之。治軍不難。苟其不能。則軍之不能馭。固自有其理由。若不溯本窮源。覓一解決之道。則終於煩悶苦痛。循環相踵而已。

夫蘇俄以黨治國。堪稱模範。查其以八十萬共產黨員。治理一億四千萬之民衆。黨紀肅然。反動匿跡。所以然者。固由有公正廉明之領袖。與忠實努力之黨人。為其施行一黨專制之原動力。而彼邦利用民族獨立主義。使向受帝俄壓迫之各種弱小民族。皆能充分享受自治權。同時仍以各邦族之共產黨人。高據於上。與中央息息相通。握其樞紐。持其大體。所謂以民族主義為經。以共產主義為緯者。實為蘇俄一黨專制能見成功之重要原因。彼邦現在國家組織。乃係民族的聯邦制度。除外交軍事交通等極重要政務。集權中央之外。舉凡內務。教育。司法。農林等事務。各邦皆能自由處置。此則更以地方分權之法。消息伸縮於民族主義共產主義

之中。用能結合許多不同的民族。進行治理。其於軍隊。有所謂赤衛軍與常備兵兩種。赤衛軍乃共產黨中央。集合忠實的黨員所組成。隸屬於「克柏烏」即國防偵緝部。實力最為強實。常備兵則仍係舊時軍制焉。綠赤衛軍本在整個的黨統馭之下。故以黨馭軍。在蘇俄制度。乃為當然之事。然正惟其黨務有嚴整之統系。政治有巧妙之組織。乃能發揮以黨治國以黨馭軍之效率。他國欲加師法。宜於整個的黨政組織。先有通盤貫串之研究與準備。然後乃可各方照顧。首尾相應。不能節取一義。或圖模倣。致貽是丹非素。畫虎類犬之譏。不可不慎也。今世黨治之外。法治最為普通。即以國家根本大法。定軍權歸屬。以法律形式。置軍令機關。自軍隊之編成至軍令之發佈。胥有法焉。為之節度支配。軍隊不供私用。武力屬諸國家。雖在事實上。德國從前曾有軍人掌權。日本往歲曾有軍閥柄國。然皆祇能活動飛躍於法律範圍之內。不能超越乎法律之上。此其間為之防維制止者。第一為法律制度之有效。第二為輿論裁抑之有力。第三為軍人本身之有修養。明大體。如法國之霞飛。福煦。當歐戰之時。手握重兵。旋乾轉坤。震耀一世。一旦命令解甲。立時退為平民。又如德國與登堡。以軍界耆宿。帝國大將。其後至為元首民國。矢忠矢誠。未嘗利用其軍事之潛勢力。或逾法軌也。更如日本維新後之山縣有朋。桂太郎等。皆為軍人出身之元老。儘可藉武力為背景。逞政治之野心也。然其人率皆浸潤儒家學說。出處語默。極有法度。不特不創造武力中心。且能預應時代潮流。首倡政黨制度。以圖由軍人執政而遞嬗至政客當權。如原敬氏。繼以政友會領袖資格。開政黨內閣之新紀元。即出軍閥元老提挈之力。由此言之。以法治軍。固屬法律輿論之權威。而樹之風聲。善立榜樣者。過去之領袖先輩。實不能無功。要其人皆有愛國之誠。齊一之志。以身作則。

舉世景從。法律與輿論。遂亦受領袖人物之人格滋培而化為強固有力之物。至於今日。以法馭軍。在一般法治國家中。儼若地義天經。毫無疑義。其成績自非倖致也。

中國久苦軍閥。然軍人何以必成軍閥。國民何以厭惡軍人。思之重思之。制度之罪。社會之罪。與軍人本身之罪。殆應分負其責。誠以中國號稱黨治。實則黨且未治。何能望其治軍。不特此也。黨意未嘗求與民意一致。而反汲汲焉伺軍意之向背。黨義未嘗求得共同確信。而反汲汲焉隨環境為轉移。本身先已無誠不一。奈之何能挾以制馭具有危險性的武力乎。善夫蘇軾之言曰。『或為千金與人而不喜。或以一言使人而人死之者。誠與不誠故也。稽天之潦。不能終朝。而一線之溜。可以漂石者。一與不一故也。』今日領袖人物之無誠不一。實為黨治法治兩俱不成之大病根。其結果政治中心無所寄託。遂不能不始終隨武力為轉移。兵權所在。萬惡包圍。軍必成閥。環境所造。蓋世人以中材為多。上智下愚。胥居少數。以中國軍人環境之惡。其不淪於軍閥者。非下愚極拙。即高尚絕倫。吾人論事不當獨責軍閥。而當促黨國先輩領袖之覺悟。須知黨治法治皆為馭軍之上策。而要必運用之以人格。誠意與確信。乃人格的權威所由構成。今日破壞未終。建設甫始。人治之力。應與黨治法治等量齊觀。世有公忠誠實不貳之大人。物登高一呼。領導羣倫。涵宏光大。以民意黨意為一體。則信仰所集。堅不摧。人格炳耀。磨光斂色。以視以黨馭軍。一標常在可望不可即之間者。豈易遲速不待煩言而解。黨國領袖於此。亦知所自省乎。謂求人不如求己者。領袖諸公果有同感。則治黨馭軍之術。何待他求。

(錄四月十三日天津大公報)

※ ※ ※ ※ ※

黨務問題解決之難點

陳王謝鄒。在太原協議黨務。其結果如何。關係今後之國事者自甚大。茲一述此事解決之所以困難。以供讀者之研究。

就原則論之。解決黨務。不外兩方式。其一法統論。其二非法統論。為基礎鞏固。則宜於恢復法統。為事實便利。則莫若不談法統。然假令法統完全無缺。不生糾紛。則恢復法統。自無人反對。而無奈法統之無法完全。又假令不談法統。而能全黨一致。斯亦可行。而無奈糾紛之更多。今日北方言黨務之困難在此。就法統論。恢復法統者。恢復合法的中央黨部之謂。年來法統問題之所以發生。因三大大會指派代表。一般反對者目為違法。三大大會及其產生之機關既違法。則在未召集合法的三大大會以前。其業已滿任之第二屆中央執監會。應繼續執行黨之最高權。此法統論之大概也。年來反擊反蔣者之法律論。以此派立即點。最簡單明瞭。故不言法統則已。苟言法統。即應為恢復二屆中央。無疑義也。惟事實上。有困難。則二屆中央已斷不足法定人數。蓋因清共之役。開除中央委員多人。以候補者遞補。迨南京開三大大會以後。二屆委員之一大部分。加入現在之南京三屆。如胡譚孫宋張吳等。皆以二屆委員而加入三屆者也。去年反對三大大會之第一聲。係汪精衛以下十三委員之通電。其中之一人王樂平。被暗殺於上海。故餘十二人。其外未加入通電。而亦未附和南京者。當尚有數人。然綜計斷不足開會之法數。因二屆中央。中執委員須十九人。中監須七人。方可開全體會議。現在斷無此數。而苦不能開法定人數之全體會議。則無從執行黨之最高權。因常務委員會不存在。職權無所寄託。而若以若干中央委員之名義行之。則只可稱為有力的個

人之表示。而不能為合法的黨之最高權。此一點為法統論之缺憾。現在無法彌補者也。職是之故。北方近月之言黨務者。實際上皆為非法統論。易言之。無一主張嚴格之法統論。陳公博諸氏。與汪同為最初反對三大大會。而以二屆中央為立場者。然北來後之表示。則不堅持二屆行使職權。是亦不得為嚴格的法統論矣。西山會議派之謝持鄒魯諸氏。本不承認廣東二屆以來之合法。而亦不要求以西山派為正統。近來態度事實上仍與十六年特別委員會時代相彷彿。其近日與陳王之相持。則以為若主張二屆法統。則上海二屆亦應平分地位。易言之。為贊成一齊犧牲者。是可認為完全非法統論也。反蔣軍事。閻馮主之。馮於黨務政治。不單獨主張。故閻之主張。可以代表一切。閻氏關於黨務意見之可徵者。為主張黨員總投票之一電。其事難行。吾人早論之。閻意欲以總投票解決黨統。而不知黨統不決。則黨籍不能定。執行投票機關不能立。故總投票之事。實際上不能辦。是則此議之可能性。殊為疑問也。至月前北平之協議。要之為非黨統論。最近太原所議亦然。惟所難者。不言黨統。則中央機關何由產生。產生後何以號召天下以服從。皆為不易解決之點。北平時會議。由三屆各推七人。組織擴大委員會。然既否認第三屆之合法。又何以承認第三屆委員之有效。是自身矛盾。殊為費解。加以謝鄒主張兩個二屆之並行。故協議未諧。而移至太原。以現在論。謝鄒斷不贊成以粵二屆為正統。二屆本身。復不足人數。是法統之說難。而既不能合一二三屆於一爐。又不能憑空自行推出若干為中央。則非法統之說亦難。是以推察大勢。黨務問題。目前殊無完善的解決方案。無已。則捨形式而講精神。或輕理論而謀勢力。由前者言。有伊尹之志則聖之意也。由後者言。成者為王之意也。是則結果仍視負責人物之革命的人格。與夫軍事之結局。何如以為衡歟。

局何如以為衡歟。 (錄四月十四日天津大公報)

全國教育會議開會

全國教育會議。定於今日在南京開會。先期已由教育部根據第三次中央執行委員會第二次全體大會決議案。擬就改進教育方案。大致對於義務教育及成年識字補習教育。主限期普及。對於中學教育。主不急急推廣。先求質的改善。對於高等教育。主整理完實。而不主增加量數。自原則言。吾人對於此等大方針。殊無反對之意。惟政府各部。年來迭開所謂全國會議。結果不過發表幾篇空文章。印就一冊大報告。會闌人散。一了百了。以言實際效率。概等於零。此次全國教育會議。方案係由本部擬定。與會代表。能否有充分討論之自由。尙是疑問。至於會後有何實行把握。更在不可預知之數。然而國人近年注意教育。不滿意於學界現狀。實為人同此心。故吾人且不問會議有無結果。竊願以局外之身。門外之見。略陳所懷。以當片獻。或可供當世教育家萬一之參攷歟。

第一。中國舊日。分國民為士農工商。以士居首。其職在讀書明理。敦品自愛。經世致用。所謂窮則獨善其身。達則兼善天下。故消極的須不為惡。以害社會。積極的須有造於國家民衆。自個人修身。以至處世接物。治國長民。概以一致的人格貫串之。此終精神。求之新時代。翹露頭角之士。亦復如是。無論何國。決無有不講人格。不顧信義。而可以建樹功名。成就事業者。近年功利主義盛行。青年學子。馳逐物質之慾。專務急功近名。見利則驅。遇害即避。利義辨別不明。良知良能盡晦。馴至詐偽自私。無所不為。天下滔滔。直是萬魔盡行。正氣寢息。此等精神病態。如不根本治療。則任何

教育。等於藉寇兵。齎盜糧。於國家社會。有害而無益。故吾人以爲人格教育。乃今日最急最要之教育。必使舉世多加有所不爲之人。然後天下事。乃可以有爲。

第二。今日世界交通短縮。萬里一庭。其結果。生存競爭。直帶世界的色彩。按適者生存之例。國民勞動能力。如果過於低下。則國家對外當然無維持獨立。與人對等之可能。近來各國科學發達。自國民日常生活。以至國家生產事業。無不以增加勞動能力爲努力向上之目標。中國自來辦學。好尙空談。徒務粉飾。其於實用科學。生活技能。則卑卑忽視之。結果辦學數十年。養成無數政客腐儒流氓廢人。言大而誇。眼高手低。自以爲無所不能。實際乃一無所能。而一方面則社會上百事待興。無人可用。學校之供給與社會之需要。完全背道而馳。各不相謀。是故在各國有所謂智識階級失業問題。在中國則事實上許多智識階級。原本無能。何從得業。原本無業。何足言失。所以然者。辦學之人。不務使學生有能。多數青年又都不求其有業。優游怠惰。坐視黃金歲月。如水之逝。不可復追。其下焉者。則在學生時代。已簡練揣摩。夫植黨奔競之術。奔走於大師名流之門。在校則效馳驅。入世則充徒黨。其結果。即令有業而終於無能。求在今後實力競爭愈益劇烈之社會。永立不敗之地。蓋又憂憂乎其難。爲國家計。爲個人計。今後教育方針。亟宜趨重實際。務使後起國民。有真正的生活技能。勞動能力。能普遍的進步向上。然後進可以對抗外人。退可以減少社會上不勞而獲的遊閒分子。利在國家。曷可勝計。此吾人所爲主張技能教育。科學教育。意在糾正近年教育界空疏不切實用之失也。

第三。吾人以爲辦教育如建寶塔。下層基礎愈寬廣。上層頂座愈安全。中國自來。好辦大學。而於中學小學。素習漠然。至今中小學程度愈壞而大

學成績益惡劣退。步猶之乎倒立寶塔。頂寬底狹。欲其不傾。不可能也。此次教育部編定方案。聲明置重義務教育。可謂已有覺悟。吾人望其於已有之大學。無論公私。一律從嚴整頓。查近來私立大學。請求立案。頗多問題。說者以爲國立公立各校。辦理腐敗。程度低劣者儘多。未聞教育部嚴加干涉。而獨於私立大學。則多方挑剔。種種刁難。殊嫌不平。其說是否有據。姑置不論。要之私立大學。固應嚴格監督。而官立公立各校。自不宜竟予放任。遠者不必言。即如北平國立各校。始終在特殊勢力包而不辦之下。日聞催款之聲。未見改革之效。學潮層出不窮。而學生成績。未聞有可供宣傳之資料。且北平大學各院。以次長兼院長者。竟有兩人。南北供差。一身數役。國家縱無人才。又何致令賢者多勞。至於如是。教育部之溺職寬縱。於此殆百喙而莫辯。吾人以爲現今大學。實嫌太多。無論官私。宜令裁併。對學生程度。宜加考核。對教授資格。應有限制。圖書設備。須定最低限度。考試實驗。須有具體規定。要必官私大學。名實相符。不致以教育機關。蹈戕賊青年運命之罪惡。今後社團個人。固不宜輕許設立高級學府。即各省市市政府。已立將立之所謂大學也者。亦宜酌令停辦。以符綜核名實之意。至於中學小學之應積極擴張整飭。則又當然之事。毋庸辭費矣。第四。吾人既主張置重技能教育。科學教育。由此願再進一義。即今後教育因實用化之結果。宜令其地方化。查自來學役人才。不合社會實用。不特大學專門爲然。即師範學校與夫農工商各職業學校。亦復如是。師範出身者。不安於講壇生活。商校畢業者。不善於持籌握算。農科學生。不入農村。工校畢業。不進工廠。此固由學校辦理不良。學生志向不堅。亦由設學之際。未就地方需要。社會環境。通盤計算。預爲籌謀。以致有此現象。今後宜儘量少設大學。而盡力多設師範兩級及中級職業學校之類。授權

地方。使就各省市情形分別設立。學生平時耳濡目染。因環境而刺激其向學之興趣。畢業之後。又因地方需要而易於就職。如此乃可合實用化與地方化爲一體。而使教育事業發揮養成國家人才。增加社會生產之兩重作用。以視今日盲人瞎馬。漫無規劃之教育情況。固大有異矣。以上所陳。實爲一般人對教育界之公同願望。試更綜合言之。因惡聞學潮。嫌厭浮囂。以任重致遠。屬望青年。故希望有人格教育。因生存競爭。技能爲先。國民能力。乃國家所託命。故希望有實用教育。王於如何獎勵高深學術。如何發展文化設施。則政府責無旁貸。度全國教育會議諸子。必有崇論閎議。公諸國民。固毋庸一般社會爲之越俎代謀也。

(錄四月十五日天津大公報)

改革幣制案

最近財政部甘末爾設計委員會所擬定之中國逐漸採行金本位幣制法案。已於前週披載於各報。該草案於實行方案各條文以外。復附以理由書及各種統計表。卷帙之浩繁。頭緒之紛錯。誠非常人披覽之頃。可加以批評。吾人於幣制問題。雖乏專門智識。然就該草案所陳述各點。亦既窮數日之力。反覆瀏覽。姑將其所見者貢之於讀者。至其詳細之批評。則有待於專家。

我國幣制之紛亂。在並世各國無出其右。今日國內流行之通貨。種類派別之多。即我國人亦無得而詳焉。外人涉足中國者。尤每歎爲世界未有之奇觀。依現在通行之貨幣而言。其種類約可分爲四種。即(一)銀元(二)銀角(三)銅元與(四)制錢。此等通貨爲國家各省法團及私人各

自獨立發行者。不但省與省殊。且在一省之內。此城市亦與彼城市相異。至於紙幣。但就其發行機關之性質而分別之。亦可分爲五類。如(一)中央銀行紙幣(二)省銀行及他種政府機關紙幣(三)中國私立銀行紙幣(四)外國銀行紙幣(五)實業及種種機關私人紙幣。綜而言之。中國幣制之紛亂。一爲鑄造機關及發行機關之不統一。二爲貨幣成分之不一致。三爲貨幣形式質量之不統一。滿清季年。對外貿易年年虧損。後來外債賠款日增。國庫之支出益多。因幣制之不良。國家所受損失。愈難計算。故當時漸有提議改革幣制者。民國初年。通貨改革計劃草成者。已有多種。有主張採用一種統一銀本位者。有主張採用一種金本位者。一九一四年頒布之國幣條例。即各種建議之結晶。然而建議只是建議。法令雖是法令。今日中國通貨之紛亂。且愈趨而愈下。最近金貴銀賤之風潮。既起。幣制紛亂如麻。若我國再不謀有所改良。則我國不待內亂外寇之亡。我全般社會且將自斷於此。絕陋之幣制。甘末爾改革幣制之草案。適在此時發表。凡關心今後之國運者。要不可不於此問題加以深切之注意焉。

甘末爾委員會此次發表之幣制草案。其正式之名稱。爲「中國逐漸採行金本位幣制法案」。夫逐漸兩字。却爲全部草案特點之一。該按草案所規定。該案所提議之金本位制。當在各省陸續推行。第一步須宣布一省或數省之金本位幣制通行日。此後新貨幣遂成爲法定貨幣。自前述之日期起一年以內。又宣布所謂金本位法幣日之第二日期。此後惟金本位貨幣成爲締結契約之法定貨幣。第三日期爲債務換算日。此後一切以銀兩或中國他種非金本位貨幣計算之債務契約及種種之支付。在滿期之日。須按照爲此目的而規定之新舊貨幣換算

率爲支付」(該草案第五十七頁)此種逐漸之精神。實爲今日一切改革所必具。蓋以我國今日政治及財政之現狀。若採取一蹴而幾之手段。鮮有不債事者。惟此種逐漸改革幣制之方法。是否將發生國內滙兌之糾紛。則不能無疑者耳。其二該草案於新貨幣制採用一種性質單純全國統一之幣制。此次新幣制規定全國只有一元。半元。二角銀幣各一種。他種單位貨幣亦然。表明價值之貨幣單位。須用十分法除之。全國所有各種貨幣。須按照平價以彼此兌換。中國全國僅設一最高造幣機關。此等規定之目的。在使各種貨幣之重量及成色可以統一。所以舊時各省之造幣條例。省立及私立之造幣廠。均須廢止。此點之精神。在統一全國之幣制。爲全部草案最值贊美之一。其三金本位之行政機關與維持方式。此項最重要者。尤爲金本位之維持基金。據該草案所載。下列各項之收入。統劃作基金。(一)新幣鑄造權所得之利益。(二)出售匯票所得之滙水。(三)基金存儲於外國之部份所得之利息……(七)幣制借款各項之中。惟借款一項稍有疑問。其他却多健全。夫借款舉辦正當事業。原不可厚非。然借到款項後之用途支配及其監督。則當局者似不能不特別加以注意也。其四爲幣制處。按該草案所述。凡掌管金本位基金及關於設立及維持金本位幣制之其他事務。皆歸此幣制處管理。此處處長及人員之任用。該草案謂須以法律制定。吾人觀於該處責任之重要及事務之繁。關於任用之方式。不可不鄭重。而人選問題尤須嚴格。幣制處處長若不得其人。則全盤優美之計劃。皆可爲其所破壞。何況該處不保管者有鉅額之基金。所統屬者有中央之造幣廠。人選若不得宜。直無處不可因緣爲弊。何況中國社會流傳之習慣。視厘卡及造幣廠爲謀利唯一之優差。故在消極方面。幣制處之人選。應有廉潔之清操。而在積極

方面。尤宜有豐富之學識。幹練之才能。此三者缺一。即足以敗壞全盤計劃。故計劃爲一事。用人又爲一事。兩者不可偏廢。兩者失其一。即無成功之可言。此望財政當局允與特別注意者也。至該草案別方面之研究。當續爲文以論之。

(錄四月四日上海時事新聞)

再論改革幣制案

甘末爾博士之逐漸采行金本位幣制法案。本報前已略表所見矣。茲再拉雜舉出數點。以供探討之資。就甘氏之計畫而言。曾於間接方法與直接方法。比較其利弊。其比較之結果。似以直接方法所生之困難。在間接方法亦所難免。故不如採用直接方法爲迅速而有利。所謂直接方法者。即如草案所擬。直接頒定新金幣之法律。如爲間接方法。則先統一銀貨幣。即廢兩用元。然後由銀本位。進而行金匯兌本位。或金本位制。即歷來我國改革幣制之理想。其要點又注重於改革幣制時之基金如何籌措。在間接方法。將來由銀本位改定金匯兌或金本位時。勢非於彼時舉鉅額外債不爲功。若采行直接方法。則其關鍵所在。爲鑄造通行之銀孫新幣及其他各種銀銀銅輔幣時。可得鑄幣利益至三萬三千萬元美金之鉅。即於此項利益。爲金本位基金。爲數已屬可觀。其他尚有該法案第十八條所定之六項收入。似於直接施行金本位。不致有何可慮。惟在我國事實上施行該法時。是否有阻碍之處。不能不加以考慮。此不僅幣制計畫爲然。與其他一切皆不無關係者也。

第一、我國幣制之所以紊亂。以至於今日者。其癥結何在。稍明貨幣原


理者。類能言之。即我國昔日可謂有幣而無制。民國三年曾有國幣條例之頒布。其效力如何。盡人皆知。而破壞此條例者。由於商民乎。抑由於官吏乎。又極爲明瞭之事實。苟當時北方之中央政府。其權力能施於各省。則幣制之紊亂。尙不至此。各地軍閥以造幣爲籌餉手段。於是輔幣流通。多少不能一致。其過多者。則陸續增加不已。其過少者。則發行紙幣以爲替代。於是商民乃以其實值之低。勢不能以面值流通。在世界法令森嚴之國家。祇得以提高物價爲抵制。若在我國。則公然低值兌換。不惟官廳無從禁遏。日從而鼓勵之。如國家機關率先慌於貨幣低落之損失。而拒絕收受。或亦如商民之折扣行使。最近之實例。不勝枚舉者也。故按諸草案所定銀孫之成色。爲純銀十之八。雜質十之二。在國家鑄幣利益固鉅。而實際上如無強制通行之力。則不久將貶其面值以行使。況舊貨幣仍未能即刻視爲生銀者乎。銀孫及輔幣之成色較低。其最爲危險者。厥爲私鑄之充斥。現今社會對此草案最懷疑慮者。惟私鑄之一點。爲衆口所同。以我國今日警察力量之微薄。此種弊端。實最易滋生。惟鑄造機關。果能採用最新式完備之機器。使鑄造之貨幣。非尋常機器所能模仿。則奸人必不願費重金購置偉大之機器。現在財部籌備之中央造幣廠。規模設備。頗聞完備。然甘氏之計劃。既採各省依次推行之方法。如中央權力不及之省分。因貪圖鑄幣利益而競爲私鑄。則又何以防止。此實可注意者也。

其次。法律所以維持社會之秩序者也。所謂金本位幣制法。當然使全國人民爲普及的遵守。若以過去之經驗。國幣條例。至今成爲具文。各省當局在昔即未嘗遵守。則如何責人民之必須遵守。如國幣條例之中。未嘗無法幣之規定。而輔幣授受。亦有法幣之限制。人民固缺乏此種貨幣上

之常識。而軍閥時代之各省。力鑄輔幣。結果使人民除輔幣之外。無其他可以行用之貨幣。否則亦須行使更不值錢之紙幣。此所以法律之不發生任何效果也。今甘博士之於此項說明。亦曾顧及。然此其關鍵。又在法律之效力如何。故所定法律如何嚴密。苟不能發生效力。則不惟無統一幣制可能。或將更如治絲之益紊也。草案中所謂救濟之法。不以全國爲標準。而採取逐漸進行之方針。夫逐漸改進。固爲今日中國一切改革之原則。然此項方法實行後。其結果能否不使各地幣制發生差異。雖將來無論如何。國家必有統一之一日。即此項幣制法亦必有完全施行之一日。但依目前政局之混沌情形。此種期限。實其濫遠。況將來數省已採用金本位。而數省又固執其銀本位。則國內滙兌亦將擾亂至不堪言狀。蓋商業上之支付用具。在我國雖因地而異。然尙有一種單位。爲其標準。若成爲金銀兩種之貨幣。則甲地與乙地勢必如國外匯兌之有比價之差。而紊亂之程度。不將又見增加乎。此又當加以考慮者也。甘末爾委員會目擊中國之混亂。不惜千迴百折。採取此種逐漸之計劃。吾人於逐漸之原則。固極表同情。然歸根到底。政府之權力不能統一。改革幣制終不能脫離政治。國家政治不上軌道。一切措施不免事倍功半。此吾人讀甘末爾草案以後。於甘氏之苦心。固無間然。然於中國幣制前途。仍不能爲樂觀者。即在此也。

(錄四月七日上海時事新報)





附錄

民法第三編 物編 (續)

十八年十一月十九日立法院第六十二次會議通過

十八年十一月三十日國民政府公布

第七章 質權

第一節 動產質權

第八百八十四條 稱動產質權者謂因擔保債權佔有由債務人或第三人移交之動產得就其賣得價金受清償之權

第八百八十五條 質權之設定因移轉占有而生效力

質權人不得使出質人代自己占有質物

第八百八十六條 質權人占有動產而受關於占有規定之保護者縱出質人無處分其質物之權利質權人仍取得質權

第八百八十七條 質權所擔保者為原債權利息遲延利息實行質權之費用及因質物隱

有瑕疵而生之損害賠償但契約另有訂定者不在此限

第八百八十八條 質權人應以善良管理人

之注意保管質物

第八百八十九條 質權人得收取質物所生

之孳息但契約另有訂定者不在此限

第八百九十條 質權人有收取質物所生孳

息之權利者應以對於自己財產同一之注意

收取孳息並為計算

前項孳息先抵充收取孳息之費用次抵原債

權之利息次抵原債權

第八百九十一條 質權人於質權存續中得

以自己之責任將質物轉質於第三人其因轉

質所受不可抗力之損失亦應負責

第一百九十二條 因貨物有敗壞之虞或其

價值顯有減少足以害及質權人之權利者質

權人得拍賣質物以其賣得價金代充質物

第八百九十三條 質權人於債權已屆清償

期而未受清償者得拍賣質物就其賣得價金而受清償

約定於債權已屆清償期而未為清償時質物之所有權移屬於質權人者其約定為無效

第八百九十四條 前二條情形質權人應於

拍賣前通知出質人但不能通知者不在此限

第八百九十五條 第八百七十八條之規定

於動產質權準用之

第八百九十六條 動產質權所擔保之債權

消滅時質權人應將質物返還於有受領權之

人

第八百九十七條 動產質權因質權人返還

質物於出質人而消滅

返還質物時為質權繼續存在之保留者其保

留無效

第八百九十八條 質權人喪失其質物之占

有不能請求返還者其動產質權消滅

第八百九十九條 動產質權因質物滅失而

消滅如因滅失得受賠償金者質權人得就賠

償金取償

第二節 權利質權

第九百條 可讓與之債權及其他權利均得為質權之標的物

第九百零一條 權利質權除本節有規定外準用關於動產質權之規定

第九百零二條 權利質權之設定除本節有規定外應依關於其權利讓與之規定爲之

第九百零三條 爲質權標之物之權利非經質權人之同意出質人不得以法律行爲使其消滅或變更

第九百零四條 以債權爲標之物之質權其設定應以書面爲之如債權有證書者並應交付其證書於債權人

第九百零五條 爲質權標之物之債權其清償期先於其所擔保債權之清償期者質權人得請求債務人提存其爲清償之給付物

第九百零六條 爲質權標之物之債權其清償期後於其所擔保債權之清償期者質權人於其清償期屆滿時得直接向債務人請求給付如係金錢債權僅得就自己對於出質人之債權額爲給付之請求

第九百零七條 爲質權標之物之債權其債務人受質權設定之通知者如向出質人或質權人一方爲清償時應得他方之同意他方不同意時債務人應提存其爲清償之給付物

第九百零八條 質權以無記名證券爲標的

物者因交付其證券於質權人而生設定質權之效力以其他之有價證券爲標的物者並應依背書方法爲之

第九百零九條 質權以無記名證券票據或其他依背書而讓與之證券爲標的物者其所担保之債權縱未屆清償期質權人仍得收取證券上應受之給付如有預行通知證券債務人之必要並有爲通知之權利債務人亦僅得向質權人爲給付

第九百一十條 質權以有價證券爲標的物者其附屬於該證券之利息證券定期金證券或分配利益證券以已交付於質權人者爲限其質權之效力及於此等附屬之證券

第八章 典權

第九百一十一條 稱典權者謂支付典價占有他人之不動產而爲使用及收益之權

第九百一十二條 典權約定期限不得逾三十年逾三十年者縮短爲三十年

第九百一十三條 典權之約定期限未滿十五年者不得附有到期不贖即作絕賣之條款

第九百一十四條 第七百七十四條至第八百條之規定於典權人間或典權人與土地所有人間準用之

第九百一十五條 典權存續中典權人得將典物轉典或出租於他人但契約另有訂定或另有習慣者依其訂定或習慣

典權定有期限者其轉典或租賃之期限不得逾原典權之期限未定期限者其轉典或租賃不得定有期限

轉典之典價不得超過原典價

第九百一十六條 典權人對於典物因轉典或出租所受之損害負賠償責任

第九百一十七條 典權人得將典權讓與他人

前項受讓人對於出典人取得與典權人同一之權利

第九百一十八條 出典人於典權設定後得將典物之所有權讓與他人

典權人對於前項受讓人仍有同一之權利

第九百一十九條 出典人將典物之所有權讓與他人時如典權人聲明提出同一之價額留買者出典人非有正當理由不得拒絕

第九百二十條 典權存續中典物因不可抗力致全部或一部滅失者就其滅失之部分典權與回贖權均歸消滅

前項情形出典人就典物之餘存部分爲回贖

時得由原典價中扣減典物滅失部分滅失時之價值之半數但以扣盡原典價為限

第九百二十一條 典權存續中典物因不可抗力致全部或一部滅失者典權人除經出典人同意外僅得於滅失時滅失部分之價值限度內為重建或修繕

第九百二十二條 典權存續中國典權人之過失致典物全部或一部滅失者典權人於典價額限度內負其責任但因故意或重大過失致滅失者除將典價抵償損害外如有不足仍應賠償

第九百二十三條 典權定有期限者於期限屆滿後出典人得以原典價回贖典物

出典人於典期屆滿後經過二年不以原典價回贖者典權人即取得典物所有權

第九百二十四條 典權未定期限者出典人得隨時以原典價回贖典物但自出典後經過三十年不回贖者典權人即取得典物所有權

第九百二十五條 出典人之回贖如典物為耕作地者應於收益季節後次期作業開始前為之如為其他不動產者應於六個月前先行通知典權人

第九百二十六條 出典人於典權存續中表

示讓與其典物之所有權於典權人者典權人得按時價找貼取得典物所有權

前項找貼以一次為限

第九百二十七條 典權人因支付有益費用使典物價值增加或依第九百二十一條之規定重建或修繕者於典物回贖時得於現存利益之限度內請求償還

第九章 留置權

第九百二十八條 債權人占有屬於其債務人之動產而具有左列各款之要件者於未受清償前得留置之

一、債權已至清償期者

二、債權之發生與該動產有牽連之關係者

三、其動產非因侵權行為而占有者

第九百二十九條 商人間因營業關係而占有之動產及其因營業關係所生之債權視為有前條所定之牽連關係

第九百三十條 動產之留置如違反公共秩序或善良風俗者不得為之其與債權人所承擔之義務或與債務人於交付動產前或交付時所為之指示相抵觸者亦同

第九百三十一條 債務人無支付能力時債

權人縱於其債權未屆清償期前亦有留置權

債務人於動產交付後成為無支付能力或其無支付能力於交付後始為債權人所知者其動產之留置縱有前條所定之抵觸情形債權人仍得行使留置權

第九百三十二條 債權人於其債權未受全部清償前得就留置物之全部行使其留置權

第九百三十三條 債權人應以善良管理人之注意保管留置物

第九百三十四條 債權人因保管留置物所支出之必要費用得向其物之所有人請求償還

第九百三十五條 債權人得收取留置物所生之孳息以抵償其債權

第九百三十六條 債權人於其債權已屆清償期而未受清償者得定六個月以上之相當期限通知債務人聲明如不於其期限內為清償時即就其留置物取償

債務人不於前項期限內為清償者債權人得依關於實行質權之規定拍賣留置物或取得其所有權

不能為第一項之通知者於債權清償期屆滿後經過二年仍未受清償時債權人亦得行使

前項所定之權利

第九百三十七條 債務人爲債務之清償已

提出相當之担保者債權人之留置權消滅

第九百三十八條 留置權因占有之喪失而

消滅

第九百三十九條 法定留置權除另有規定

外準用本章之規定

第十章 占有

第九百四十條 對於物有事實上管領之力

者爲占有人

第九百四十一條 質權人承租人受寄人或

基於其他類似之法律關係對於他人之物爲

占有者該他人爲間接占有人

第九百四十二條 雇用人學徒或基於其他

類似之關係受他人之指示而對於物有管領

之力者僅該他人爲占有人

第九百四十三條 占有人於占有物上行使

之權利推定其適法有此權利

第九百四十四條 占有人推定其爲以所有

之意思善意和平及公然占有者

經證明前後兩時爲占有者推定前後兩時之

間繼續占

第九百四十五條 占有依其所由發生之事

實之性質無所有之意思者其占有人對於使

其占有之人表示所有之意思時起爲以所有

之意思而占有其因新事實變爲以所有之意

思占有者亦同

第九百四十六條 占有之移轉因占有物之

交付而生效力前項移轉準用第七百六十一

條之規定

第九百四十七條 占有之繼承人或受讓人

得就自己之占有或將自己之占有與其前占

有人之占有合併而爲主張合併前占有人之

占有而爲主張者並應承繼其瑕疵

第九百四十八條 以動產所有權或其他物

權之移轉或設定爲目的而善意受讓該動產

之占有者縱其讓與人無讓與之權利其占有

仍受法律之保護

第九百四十九條 占有物如係盜賊或遺失

物其被害人或遺失人自被盜或遺失之時起

二年以內得向占有人請求回復其物

第九百五十條 盜賊或遺失物如占有人由

拍賣或公共市場或由販賣與其物同種之物

之商人以善意買得者非償還其支出之價金

不得回復其物

第九百五十一條 盜賊或遺失物如係金錢

或無記名證券不得向其善意占有人請求回

復

第九百五十二條 善意占有人依推定其爲

適法所有之權利得爲占有物之使用及收益

第九百五十三條 善意占有人因可歸責於

自己之事由致占有物滅失或毀損者對於回

復請求人僅以因滅失或毀損所受之利益爲

限負賠償之責

第九百五十四條 善意占有人因保存占有

物所支出之必要費用得向回復請求人請求

償還但已就占有物取得孳息者不得請求償

還

第九百五十五條 善意占有人因改良占有

物所支出之有益費用於其占有物現存之增

加價值限度內得向回復請求人請求償還

第九百五十六條 惡意占有人或無所有意

思之占有人因可歸責於自己之事由致占有

物滅失或毀損者對於回復請求人負損害賠

償之責

第九百五十七條 惡意占有人因保存占有

物所支出之必要費用對於回復請求人得依

關於無因管理之規定請求償還

第九百五十八條 惡意占有人負返還孳息

之義務其孳息如已消費或因其過失而毀損或怠於收取者負償還其孳息價金之義務
第九百五十九條 善意占有人於本權訴訟敗訴時自其訴訟拘束發生之日起視為惡意占有人
第九百六十條 占有人對於侵奪或妨害其占有之行為得以己力防禦之
占有物被侵奪者如係不動產占有人得於侵奪後即時排除加害人而取回之如係動產占有人得就地或追蹤向加害人取回之

第九百六十一條 依第九百四十二條所定對於物有管領力之人亦得行使前條所定占有人之權利
第九百六十二條 占有人其占有被侵奪者得請求返還其占有物占有被妨害者得請求除去其妨害占有有被妨害之虞者得請求防止其妨害
第九百六十三條 前條請求權自侵奪或妨害占有或有危險發生後一年間不行使而消滅
第九百六十四條 占有因占有人喪失其對

於物之事實上管領力而消滅但其管領力僅一時不能實行者不在此限
第九百六十五條 數人共占有一物時各占有人就其占有物使用之範圍不得互相請求占有之保護
第九百六十六條 財產權不因物之占有而成立者行使其財產權之人為準占有人
本章關於占有之規定於前項準占有準用之
(完)

靈 犬

嵇 觀

鄰家朱姓。畜一犬。性甚馴。凡事能得主人歡。一日。犬忽患目疾。粘液滿眶。勢將成盲。乃延醫瞭治。醫曰。吾先試以治人之藥治之。如無效。再圖良法可也。遂令犬伏其旁。以藥塗之。藥性猛。痛極狂吠並不却走。有頃。病愈大半。次日。醫復至。犬則搖首擺尾。一若表示歡悅及感謝之忱者。繼而俛首就醫。與人無異。逮擦藥畢。則又徘徊顧盼。跬步弗離。必俟醫去。送至門外而止。如是者三四次。人莫不稱為靈犬云

牡丹瑣話

(美君)

牡丹爲花中最濃艷者。其花始盛於洛陽。以姚魏爲最。魏花千葉內紅。略有紛。種出魏相仁溥之家。姚黃出民間姚氏家。一歲不過數朵。錢思公稱之謂花王。而以魏后之。歐詩有云「艷紅窈窕姚黃肥。」良爲得矣。


玉蘭花辦。煎食甚美。製自吳中者。爲最佳。然牡丹花片。和興平酥羹食。其味清脆。其香留齒。亦不讓玉蘭。惜此法失傳。知之復鮮。老饕者盍有以嘗試之。一說此牡丹酥之異味乎。

鄉村婦女。於此花開時。輒採取一二株以縵髻。深紅淺綠。與青絲烏雲相輝映。色既雅潔。而微風送香。七寶裝成。每引游蜂浪蝶之飛旋。不知顛倒幾許兒郎也。

同鄉張碩妹君好藝花。居處有院。四圍列植奇卉。張君異想天開。接牡丹於椿樹之杪。花發紫綠。燦爛可觀。無以名其花。一日宴賓客院中。不佞亦得與焉。張君相約題名。不佞爲題漂鴨緣。紫雲翔。二種。頒蒙嘉納。要亦爲藝圃一段佳話歟。

清沈歸愚學士。屢爲乾隆執筆。頗負詩名。歿後乾隆檢其遺集。見有詠黑牡丹詩一首。有聯云。「奪朱非正色。賤種亦稱王。」隨坐是而戮其屍。專制淫威。可想見矣。

牡丹之名甚夥。如翠紅粧。雕玉佩。鬱金裙。霞千片。楊妃舞。迎珠露。春風髻。金縷歌。月波融。吳苑艷。鸚鵡白。杜鵑紅等等。字裏花飛。悉含詞意。天寶中楊貴妃以胭脂餘潤。印花辦上。來年花發。上有指甲痕。鮮紅一點。明皇遂名爲一捻紅。成千古韻事。爲名花生色不少也。



愛的收穫 (五)

隋樹森

【十五】

每年放三個星期的名為「寒假」而實在是過陰曆年的假期，這一年因為要廢除舊曆，却縮短為十天了；P城市民小學也是這樣，所以展生並沒有回他的老家。

麗華和展生從在市場相會後，這兩個多月中，公園和電影場以及二三流的南菜館，他們倆前後大概也走過有十幾次了。但對於彼此相愛的表示，說起來也許覺得有些奇怪，那戀愛的最終的求婚的一幕，他們誰也沒有向誰要求過，雖然接吻擁抱之類，他們曾行過很多的次數。

起初在麗華想來，大概總是展生不肯先說這話，而故意的等着伊說。所以伊也便不肯示弱似的，終於不提這回事。但是最近旬日以來，展生彷彿是忙些什麼事似的，好久沒有寫信約伊出去玩，因此伊的心裏很有些不安，便這樣那樣的猜想他。

雖說是P城這幾年來年年的市面蕭條，但陰曆年中，各娛樂場的人總也比平常日多得多。既是這樣，他們似乎不便到人的地方去玩。

是在陰曆正月初上的一天，P城降了一日大雪。雪過之後，天氣並不很冷，麗華便寫了一封信約展生第二天到城外那沒有什麼人到的S花園去賞雪。

第二天，他們倆人便如那信中所說，一齊在約定的時間到離學校不遠的一個電車站相等。兩人見面之後，也就一齊上車了。

下了電車，換上洋車，再有三里路的光景，便到了S花園。他們倆走進院門看去，一片白茫茫的世界，沒有絲毫的塵土。那略有彎曲或傾斜的樹幹，上面也掛了些雪，彷彿是向上臃腫起來。樹枝兒則下半黯黑，上半落着厚厚的一層白雪，兩種

顏色的對比，很是好看。那推了平頭般的松牆頂上，也都是蓋了很白很厚的鬆鬆的雪花。遊客雖然不像有過似的，園丁却勤於職務，他們把大路上和路旁的鐵椅了，都掃得乾乾淨淨的。

於是兩個人毫無顧忌的談起來了：

「展生！我看你近來老是忙什麼，你為什麼十多天也不約我出來玩？」

「我沒有什麼忙啊！」展生說着沈思什麼事似的。

「你近來在學校院子裏和小學生們玩的時候都少了許多阿！」

「說忙也有一點，因為我正在計畫着怎樣預備課程，暑假中考大學！」展生慢慢的一個一個字沈沈的說出來。

麗華聽到這話，不知為什麼微微的驚了一下：「啊，你要入大學嗎？入那一個大學！」

「我打算入北京大學。前些日子我父親給我來了封信，他說，現在我在外面做事既然也餘不下什麼錢，還不如入大學再深造一下子好；他說，我如果願意升學，今年暑假就可以入北京大學。」

「這好極了，那麼你的前途是很有希望的！不過入大學預備功課就是了，但我看你近來的神氣，彷彿心裏還有些事似的！」麗華說着又向了展生的臉看。

「我心裏並沒有什麼事啊！」展生對於這一點加以否認了。

「沒有事也好，不過我總覺得你心中有些爲難的事情似的。好吧，我們不管這些也可以。不過——不過我們倆個的那個重要的問題，你也永遠不提一字，我真有些不能再忍下去了，你或許也不會笑我吧？展生！關於我們將來的問題，你以爲應當怎樣辦？」麗華雖然和展生在一齊好久了，但是伊說到後面的幾句話，也還是有些不好意思似的。

「你現在還想念芸君吧？」展生沒有回答麗華的話，却問伊旁的事了。

「你爲什麼向我說這些！我現在只知道有你！」

「真的，我問你一點事，你肯不肯實實在在的告訴我？」展生說到這裏，態度不像方才那樣的沈悶着了，她很帶了一些頑皮似的。

「肯！一定肯！你問吧！」

「你知道你那時到國光小學校接你弟弟的時候，我就很愛你嗎？」

「是，也知道一點。我看見你那時在我面前和小學生玩，彷彿是對我也有所表示，是不是？」

「那麼你那時爲什麼不和我要好？我那時很愛戀着你的啊！」

麗華聽到展生這話，並沒有作什麼答語；他於是又說：

「麗華！芸君在培德女學校到底爲什麼死的？」

「你問這些作什麼！」

「我只是要知道一點而已。」

「那麼我告訴你吧，他病在那裏死了！」

「他爲什麼病？」

「病就是了，你何必一定問這些！」

「麗華我問你：有人寫信攻擊你們沒有？」

「有人給校長寫過信，我們也不知道是誰！」

「那信攻擊你們些什麼？是說你們！」

「是說你們——你們的教學上不好嗎？」

「不，他是攻擊我們的結婚。」

「你和芸君當時也恨那人嗎？」

「是的，芸君之死與那封信也可以說有很大的關係，我們到底也不知道那信是誰寫給校長的，你知道是誰嗎？」

「不知道！不知道！」展生的態度雖有些不安，但却是莊重了。

「不必談這些了，你看我對你怎樣吧？」

「麗華！我知道你對我很好的！」

「那麼你爲什麼永遠不和我談我們將來的問題？」

「目前愉快就是了，我不喜歡談那些！」

「你這是什麼話！我們今天一定要解決將來的問題！」麗華很堅決的說。

「將來的問題？——啊，這一點——」

這一點我們現在可以不必談；因爲關於我的婚姻問題，還有許多地方要和你詳談；回校之後我寫封信給你，我們再商議；——」

「我們有什麼話不能當面說，你何必

還要費事寫信！」

「不，談起來話長，我一定要寫信！」

麗華又和他爭執了一番，無論如何他不肯當面說，而堅持着要寫信；最後他便說道：

「麗華！我們今天是來尋快樂，來開心的，請你不要談這些好不好？」

「那麼就由着你吧，回去你給我寫信就是了！」麗華以為展生心裏大概總是有些不痛快的事，這些事可以阻礙他們倆個人的定婚，所以展生懶得說出來引得兩人難受，因此伊又接着說，「不過有什麼難關，我們總要向它奮鬥；我們要知道，戀愛的時候，總是有阻礙的，我們必須戰勝它才是！」

展生聽到這話，沒有作什麼回答。從這時他們也就轉到別的閒談上了。

等到兩個人走得身上有了熱氣的時候，他們便把手絹拿出來擦了擦路旁的鐵椅子，坐下休息了。麗華總是覺得展生心裏有事，所以伊今天特別的要引着他愉快，伊把手送到他的大襟袖裏，伊有三四次找

着向他接吻；但是無論今天麗華怎樣的向展生表示愛，他總是沈悶着。

兩個人兩隻臂膊抱着一齊走出S花園的大門的時候，那兩個守門的警察和門外售票處的售票員們，都用眼睛送着他們，很羨慕他們這一對兒的幸福！

十六

麗華回到學校之後，只是盼望着看一看明天展生給伊寄一封什麼信來。在這舊歷新年之中，學校裏真是清靜，麗華今天一個人在女教員宿舍裏覺得很是寂寞。

就在這天晚間，伊正追想今天展生對伊淡漠的情形時候，伊竟接到了伊盼望着的展生的來信。這是他們彼此通信的一次破例；展生今天的信是由本校的聽差送來的。

於是麗華趕快把信打開了，那信是這樣寫的：

「親愛的黃女士：

我在述說我的苦衷之前，先要說一句「請你萬分的宥恕我」的話。

恕我今天沒有能當面答覆你那很誠懇的好意的對我提出的問題。關於

這一點，我實在不能給你滿意的回答，所以我當面不好意思說；但是這也並不是我不願承受你的好意。

我的婚姻，家庭裏面已經在一年之前給我模糊的定了。伊是我的同鄉，現在就在本城第一女中讀書，伊今年暑假也就畢業了。前幾天家嚴來信，說，他已經寫信和伊的父親商議好了，讓我們倆人一齊在今年暑假中升入北京大學。伊的家庭就在本城，伊的父親對於這件婚事雖然也還滿意，但是因為我們的正式婚約要等到伊父親回鄉之後才定，所以現在伊的家庭裏還不喜歡我常和伊接近。對於這件事，我無論如何不能向家庭中說出不滿意的理由的。伊近來也以升學的事情找我談過，在談話之間，伊對我的態度也很好，並沒有輕視的地方，所以我的婚姻，大概似乎可以說是就這樣定了。

至於你十分的愛我，我是很知道，很感激的；我並且更要十二分的愛你！不過關於我們定婚的話，老實說

，我也想過了多少次，但是我並沒有向家嚴請求同意：因為我很知道，我如果把這件事告訴了我的父親，他一定是贊成的；而且我們鄉間的親友們看來，也一定能够這樣做——恕我索性說得明白一點，請你萬分的原諒，他們一定嫌你是已經結過一次婚的人了；雖然這在我並沒有什麼要緊。

我希望我們以後還是照舊的相愛，我們永遠做很好的朋友吧！——本來男女之間，不一定要有肉體的關係，做朋友也是極必要的！我常常想：一個男人正應當有幾個女朋友，而一個女子也應當有男朋友的啊！

望我們永遠保持舊好，而且還要把它熱度增加。我不得已的地方，你一定也會有恕我吧？

祝你晚安！ 知名不具即日晚

麗華讀過這封信後，全身不知起了一種什麼變化。氣恨，戰抖，懊悔，以至於寂寂的流淚了！

「啊，你有了意中人，而竟還想拿我當給你臨時解悶娛樂的女人！你說什麼男女做朋友，難道我是你的女朋友，你就可以在和我一路逛公園看電影之外，還可以

因，還可以談情嗎？唉！我不知道你竟這樣的自私和卑劣！

「不錯！我是和芸君結過婚，你不滿意這一點，你儘可以不必要向我表示愛戀！什麼你的父親一定不願意，你的親戚朋友們又怎樣，我看你就是最不願意的一個！

「啊，我後悔我為什麼竟上了這樣的人格卑鄙的人的當！找開心的人和你玩，儘可以到那些有供人取樂的女子的地方去！」

麗華想到這兒，又想起死去的芸君了。他想起芸君當年對伊那樣的忠實，對伊那樣真心的愛；伊又想起芸君臨死時候的可憐。——但是伊想到這兒，伊彷彿觸動了心的顫悟似的，伊忽然又想起今天白天裏展生和伊談的那些關於芸君的話了：

「有人寫信攻擊我們，說我不應該和芸君結婚，這件事只有千里之外的培德女學的校長，和A城中學的校長張先生知道的；並且他們都說對於這回事不給我們宣布的；我回到P城之後，又向來也沒有把這件事向任何人說，而何以他現在竟能知道！啊，是了，從他說那幾句話的態度和語氣看來，那封信一定是他寫的了！啊，是了，一定是他在兩年前希望我和他表示好感，而我却和芸君結了婚，他非常的嫉恨

，後來便寫了那封信吧？

「唉！芸君的死都是因為那封信的緣故！我們那時的那點小小的理想不得不付諸流水；我在他死後又受了這許多的折磨，不都是那封信所賜的嗎？」

「展生啊！我沒有想到竟被你騙得這樣厲害！想起來真沒有再見你的面目了！你對於我和芸君的仇，總算報盡了！」

麗華想來想去，真是腸迴九轉，心裏難受極了！伊記得伊向芸君的仇人——這樣一個人格卑劣的仇人——求愛，伊不但慚愧，而且對不住死了的芸君！

「兩年之前的正月初上，我曾和芸君一路快樂的走在S花園啊；今年又和他的仇人一路走，這真是汗顏！」

「唉，芸君的靈柩，現在是已經運回了X縣，還是仍舊停在關帝廟？唉，我為什麼在這半年之中，連這些事也都不詢問？」

就在這一天的深夜，麗華把伊和故世的芸君的往事想了想，又把芸君故世以後，延了生命的伊的一年來的苦辣的生涯重新追念了一番，竟在難受到極點的時候，把兩盒火柴泡了一碗粉紅色的濃湯，喝下去，躺在床上死了。

(完)

時人彙誌



陳立廷

陳立廷。北平人。年三十六歲。民二
卒業於清華學校。民國三年赴美。
入耶路大學。民六在耶路卒業後。
轉入哈佛大學研究院。是年隨華
工赴法。從事青年會工作。歐戰終
了後返國。民十七任北京青年會
總秘書。兼北大史學講師。十八年
赴滬。從事青年會工作。兼任太平
洋會執行秘書。氏英文著述甚富。
曾將梁啟超氏所著「中國政治思
想史」譯成英文本。